



62723/3 R.R
m
26

The Library of the
Wellcome Institute for
the History of Medicine

MEDICAL SOCIETY
OF LONDON

Accession Number

Press Mark

LANZONI, G.

p 6

Digitized by the Internet Archive
in 2019 with funding from
Wellcome Library

<https://archive.org/details/b30540070>

56

JOSEPHI
LANZONI
FERRARIENSIS,

Philosophi, ac Medici, & S.R.I. Academię
Naturæ Curiosorum Collegæ, &c.

ADVERSARIORUM
LIBRI QUATUOR.

ACCEDUNT

EJUSDEM VIGINTI BREVES.

CONSULTATIONES
MEDICÆ.



FERRARIAE, M.DCCXIV.

Apud Hæredes Bernardini Pomatelli Impr. Episc.
SUPERIORVM PERMISSV.

A SOCIETY OF LONDON MEDICAL

LECTIO VARIA DELECTAT.

L. An. Seneca ad Lucilium Epist. 45.

HIERONYMI BARUFFALDI
PH: DOCT. FERRARIENSIS
IN LIBROS
ADVERSARIORUM
JOSEPHI LANZONI M. D.

P R A E F A T I O .



Uperiori proximo anno ,
cùm Dissertationi meæ
de PRÆFICIS ,
tunc excudendæ , aliquid
prò mantissa superadde-
re statuissim , illudquè
nusquam promptius sperarem , quàm
penè quempiam Bonarum Litterarum
Cultorem adinvenire , diù mente scruta-
tus sum quotquot ex meis clarissimis
Convivibus animum ad amèniora stu-

dia quandoque converterent, illudquè,
quod ipse quæsieram præstarent. Et sa-
nè, licet non pauci adeò hujus indagi-
nis sectatores hic feliciter degant (sem-
per enim bonarum Artium, optimorum-
que studiorum ratio Ferrariæ viguit)
attamen quamplures adeò religiosè,
quin immò scrupulosè suimet Instituti no-
men custodientes nactus sum, ut licet de
Poeticis, de Oratoriis, deque Histori-
cis, Philologicisque Libris intrinsecùs
benè sentiant; nihilominus populi im-
periti contumeliam veriti, vel sumptu-
nimio perterriti, tūm ab optimorum Li-
brorum acquisitione, tūm ab Erudito-
rum hominum consortio abstinent, Lit-
terati Viri nomen sibi dedecori tribuen-
tes, occupationemque pessimam hujus-
modi studia nuncupantes. Verùm rem
propius conspiciens, nonnullos imperter-
riti Animi, boneque frugis Viros, in-
ge-

genio , & rerum usu præstantes , mihi
jam indè ab adolescentia notos adivi ,
qui inertis Populi inscitiam deridentes ,
pretiosiora Scriptorum cuiuscumquè gene-
ris Volumina coacervare sunt ausi , illa,
nocturnà , & diurnà manu versare ,
& ex illis , ceù Apes è floribus , ra-
riora documenta deliberare , electa ver-
ba , graviores sententias , mores , ri-
tus , atquè alia è remotioribus antiqui-
tatis latebris eruere , atquè animum
non minùs , quām pagellas erudire , nec
senectuti ærumnose , & querebundæ id
tantum seponere , sed dūm virens , ac
operosa mens fervet , è penu depromere
conati sunt . Atquè hinc in dies , cuius-
cumquè generis Dissertationes , Diatri-
bas , Exercitationes , Animadversiones-
què prælo committere . Quos intèr haud
sane falli queam , si Clariss. nostrum
JOSEPHUM LANZONUM tot

evulgatis Voluminibus celeberrimum
enumerare decernam . Cùm enim Bi-
bliothecam rarioribus Libris instructam
Amicis (& mibi sanè , qui prima us-
què ab ætate ejus contubernio , maximo
studiorum meorum proventu , adscriptus
sum) uberrimè , & magnanimitè
in dies recludat , ea omnia , quæ ad
cujuscumquè studii naturam maximè
conveniant haud difficile exaurire da-
tum est . Ità mibi sanè accidit : cùm
enim penè infinita ex optimis scriptori-
bus adnotata in Opistographis , seu
Adversariis suis repererim , non diù
laborandum duxi , ad unicum illud ca-
put secernendum , ubi de Luctu mor-
tuali veterum , multiplici Auctorum
celebriorum testimonio , sermo habeba-
tur : illudquè in calce Dissertationis
meæ adnectere citò decrevi tamquam
operi valdè concinnum . Verùm tanta
erat

erat aliarum rerum messis , ut insuper alias quam plures pagellas capitibus distinctas mecum transtuli . Quæ tunc pro usu meo fuerant carpsi , quæ verò ad rem nihil facere iudicavi , reposui , donec collectorem suum adiens : Heùs , inqui ; annè te pudet , Amice , talia , ac tanta eruditionis monumenta colle-
gisse , ut ea barbarè vel viva sepelias ? Heù nimium , quot clarissimorum Virorum marcescunt jàm tineis corrosa scripta ! Unicè tui celeberrimi Magnanini subeat memoria , quot deper-
dita , quot obliterata , quot consum-
pta monumenta tanti Viri desiderantur , quæ si palam prodita fuissent , certè optimè de illo mererentur . Eia igitur , vi-
ve , atquè ita , ut quidquid indè sub-
trahere potes , in communem utilitatem conferas ; necessarium est enim (Ma-
nardi nostri undequaquam eximii totiès a

te repetitam sententiam tibimet exprobro)
necessarium est enim Libros non so-
lum cedere, sed etiam in lucem ede-
re, cum paria sint nihil scribere,
vel quæ scripseris domi premere,
(Manard. ep. I. l. I.). Precibus ob-
strictus Amicus indulxit: hoc unum tan-
tum subdens, ut facultatis Medicæ,
quam ipse optimè callet, nonnullas bre-
ves Consultationes unà cum Adversa-
riis consuerem, nè a Medicina, quam
ennixè, & unicè, tanta laude, profite-
tur, abdicatus censeretur. Itaque rem
consultò perpendens, **ADVERSA-**
RIA in lucem edere paravi, ac si-
mùl Consultationes Medicas, prout di-
versis in curationibus natæ erant: om-
nia vel variis celebratisquè hujus sæculi
Viris, vel Auctoris Amicis inscripta,
quorum grati animi obsequium ergà Au-
torem, non modò tantum, nec unicè,
sed

sed jam , & diu experiri datum est.

Atque ità Auctori rem tali methodo distributam arridere duxi , contradicentium enim linguas retundere conatus sum adeò ut , qui Medicæ disciplinæ seu Arti unicè inserviunt , qui unicè Philologiae , quique demùm unà simùl ambo bus facultatibus oblectantur , palatum exsatiandi quoquomodo opportunitatem habeant : Ciborum varietates vel immensa jucundissimè recipiuntur , ità & ab ingeniis non semper in uno voto morandum est . Quæ igitur hic adnotata , humanissime Lector , intueris , læto animo suscipias velim , & licet verissimum sit , debere nos partus eos , quos gignimus , optare nasci quam perfectissimos , attamen non semper vires æquant id quod desiderio concipimus , & humana imbecillitas nimium à perfectione distat , cùm solus Deus perfectissimus in cunctis

operibus emineat . Quarè si nonnulla in
hac ipsa editione menda irrepserint , hoc
velim caveas , nè inscitiae tribuas , mul-
ti enim sunt qui , vel invitit Patribus ,
Filii a paternis semitis sèpè sèpiùs declin-
nant . Si hæc libenti animo accipies ,
quo nil mibi carius , jucundiusque acci-
dere poterit , imposterum quoque in eo
judicio ut perseveres vehementer borta-
bor . Vale .

I N.

INDEX

Librorum, & Capitum.

LIBER PRIMUS.

CAP. I.	De Barba	Pag. 1
CAP. II.	De Cincinnis &c. . . .	6
CAP. III.	De Ocularibus	10
CAP. IV.	De Jejunio Veterum	15
CAP. V.	De ridiculis Amoribus	18
CAP. VI.	De his , qui semel in die cibum sumunt	21
CAP. VII.	De Rabulis forensibus	24
CAP. VIII.	De Sobrietate , & Gulla	28
CAP. IX.	De Serapide	32
CAP. X.	De Carne Suilla	36

LIBER SECUNDUS.

CAP. I.	De Mensibus	Pag. 41
CAP. II.	De Poculis antiquorum	49
CAP. III.	De Albo , & Nigro	52
	CAP.	

CAP. IV.	De termino convivii, & mensis cedrinis.	60
CAP. V.	De Tragedia.	64
CAP. VI.	De Genio, & Laribus.	75
CAP. VII.	De Strenis.	79
CAP. VIII.	De Lucernis ad Fenestras.	81
CAP. IX.	De Fibulis.	84
CAP. X.	De Analectis, & Lictoribus.	88

LIBER TERTIUS.

CAP. I.	De Juramentis.	Pag. 90
CAP. II.	De Tabaco.	98
CAP. III.	De Esu Locustarum	104
CAP. IV.	De Horis.	107
CAP. V.	De Lacte in Viris.	112
CAP. VI.	De Vinculis diversis.	114
CAP. VII.	De Militum pœnis.	116
CAP. VIII.	De tondendi ritu apud veteres.	119
CAP. IX.	De Nudipedalibus, & Furca.	121
CAP. X.	De Uſu Salis.	123

LIBER QUARTUS.

CAP. I.	De Academiis.	Pag. 127
CAP. II.	De Pudicitia	131
CAP. III.	De Verbena.	134
CAP. IV.	De Diebus.	137
CAP. V.	De Camæleonte.	140
CAP. VI.	De Consecratione Imperatoris.	143
CAP. VII.	De Naturæ Portentis.	145
CAP. VIII.	De Inventoribus Rerum.	146
CAP. IX.	De ijsdem.	150
CAP. X.	De Rosa.	153

I N-

INDEX CONSULTATIONUM.

I.	De Apoplexia.	Pag. 163
II.	De Paralysi.	166
III.	De Vertigine.	170
IV.	De Cephalagia.	175
V.	De Tussi contumaci.	180
VI.	De Astmate.	185
VII.	De Melancolia hypochondr.	190
VIII.	De Sputo sanguinis.	195
IX.	De Pleuritide.	199
X.	De Cordis Palpitatione.	204
XI.	De Mania.	208
XII.	De Nausea, & Vomitu.	213
XIII.	De Cardialgia.	216
XIV.	De Syngultu.	220
XV.	De Lienis Obstructione.	224
XVI.	De Diarrhea.	227
XVII.	De Dysenteria.	231
XVIII.	De Dolore Iliaco.	237
XIX.	De Febre Maligna.	241
XX.	De Febre Hectica.	246

Die

Die 10. Januarij 1714.

D. Marchio Antonius Trottus Revisor Librorum S. Officij Videat, & referat.

Fr. Jo: Baptista Giampè Inq. &c.

Die 24. Januarij 1714.

Non sine maximo animi oblectamento, Librum inscriptum: *Adversariorum* &c. à clarissimo Viro Josepho Lanzono Philosopho, & Medico Ferrarensi eruditè, & doctè exaratum, de mandato Reverendissimi Patris Inquisitoris S. Officij Ferrariæ diligenter perlegi; nihilq; in eo offendit, cui Catholica Religio, morumque probitas aduersetur: immò, ex tanta rerum varietate, tūm Medicinæ, tūm Philosophiæ quām plurima arcana illustrari, ac resurgere animadvertisi, quæ vel prius abscondita, vel non in unum collecta servabantur. In Medicæ igitur simul, ac eruditæ litterariæ Reipublicæ usum, ac utilitatem Opus hoc dignissimum censeo, ut in lucem prodeat.

Ego Antonius Trottus Revisor.

Die 5. Februarij 1714.

Attenta suprascripta Attestatione.

IMPRIMATUR.

Fr. Thomas Maria Arnaldi, Ordinis Prædicatorum, Vicarius S. Officij Ferrariæ.

Hac

Hac die 5. Februarij 1714.

*Adm. R. P. Hortensius Palearolus Soc. Jesu Theologus
videat, & referat.*

Matthæus Celli Vic. Gen. &c.

De Mandato Eminentissimi, & Reverendissimi Car-
dinalis de Verme Episcopi Ferrarensis, attente legi-
Librum, cui Titulus: *Adversariorum Libri Quatuor*,
cum Viginti Consultationibus Medicis, Auctore Iosepho
Lanzono Philosopho, ac Medico Ferrarensi, & S.R.I.
Academie Naturæ Curiosorum Collega, & dignum
laude, ac typis mandandum judico, in communem
legentium utilitatem, ac delectationem, quam ex
doctrina, & rerum varietate haurient Lectores; ideo-
que, cum nihil invenerim contrà Fidem, & Bonos
Mores, aut in Populo inducitivum rixarum, judico
typis imprimendum, si tamèn videbitur Superioribus.

Ego P. Hortensius Palearolus Soc. Jesu affirmo.

Hac die 10. Februarij 1714.

Attenta supradicta Relatione.

IMPRIMATUR.

Matthæus Celli Vicarius Generalis Epi-
scopalis.

I

ADVERSARIORUM JOSEPHI LANZONI *LIBER PRIMUS.*

AD ILLUSTRISSIMUM D. A N T O N I U M VALLISNERIUM

Primarium Theoricæ Medicinæ Professorem
in Padavina Universitate, &c.

C A P U T I.

De Barba.

Barbæ dignitas primò à sacris litteris deducitur, sic in Levitico cap. 19. habetur *nec radetis barbam*: tondere autem non erat vetitum Judeis, sed radere: voluit enim Deus, sugerente Corn. à Lapide, in populo suo barbam, quasi esset virilitas.

A tis

tis insigne , barba enim Virum significat ; unde fallitur Mart Polonus in Chronico , qui Pontificem Anicetum barbam æquè , ac comam Clericis vetuisse scribit , in decretis enim Aniceti nulla barbæ fit mentio ; hinc illa sanctio Concil. Cartag. can. 44. ait , *Clericus neque comam nutriat , neque barbam radat ;* & Sidonius Apollin. lib. 4. Epist. 24. quendam Sacerdotem celebrando ait , *habitus verò , gradus , pudor , color , sermo religiosus , tūm coma brevis , barba prolixæ , &c.* S. Hylarius sup. psalm. 133. scripsit , *Barba virilis ætatis ornatus est.* Autores autem Græci , & Romani barbam semper in magno pretio habuere , unde Æsculapium Medicorum Patronum maximè barbatum pinxerunt ; Diogenes viro imberbi & molli , à quo de quæstione aliqua consulebatur , respondit : *nihil tibi ad propositam quæstionem respondebo ; nisi primum vestem deponas , & ostendas , num vir sis , vel mulier.* Lucianus , tām turpe esse ornatum barbæ viris auferre , ait , quām si leoni iubas attondere aggrediatur ; Quanto pōrò cultu veteres Romani barbam pro-

secu.

secuti sint , vel inde liquet , quod ill. xii.
tabul. cautum sit , ne mulieres novacula
mentum raderent , scilicet vetiti , ne bar-
ba viris propria in genis sequioris sexus vi-
lesceret ; Jovem quoque Deorum Princi-
pem , teste Plinio , honoris causa non nisi
barbatum finxerunt ; sic alicui barbam
vellere summa putabatur injuria , unde
Horatius Satir. 3. lib. 1. canit

..... vellunt tibi barbam

Lascivi pueri

Ovidius de honore barbae sic cecinit in Me-
tamor. lib. 3.

..... ovibus sua lana decori est ,

Barba viros , birtęq; decent in corpore ferę .
ob honorem barbam tangebant antiqui ,
codemque modò supplicabant , sic Nonnius
Dyonysiac. 6.

Sinistra quidem manu genua tetigit , & orans

Dextra tetigit bene crinitam barbam .

Quin Andromache , apud Euripidem , Pe-
leos pedibus advoluta , oro te , inquit illa,
ante tua cadens genua nam manu non licet
mibi tuam præbendere honorabilem barbam ,
libera me per Deos , &c.

Otho Augustus, referente Balthas. Bonifacio in hist. ludic. lib. 12. barbam ipse suam venerabatur, & per eam juramenta concipiebat; & apud Homerum, barbatos legimus fuisse Priamum, Agamemnonem, Menelaum, Nestorem, Ulysssem, Achillem, Ectorem, & alios Principes; Hinc Musarum Decus Anacreon amabat, barbam prætioso unguento habere imbutam, cecinit enim.

Sed cur o delibutam

Unguento babere barbam.

qualis fuit illa Aaronis suæ consecrationis tempore, scribitur enim in Psalm. 132. *sicut unguentum in capite, quod descendit in barbam, barbam Aaron.*

Tantaquæ barbæ estimatio erat apud veteres Græcos, referente Junio apud Laurentium in Polymat. lib. 5., ut piaculum esset, legeque cautum barbam radere, & apud Romanos, si Svetonio credimus, barbam, & crines vovebant Phæbo, undè Lipsius ait, Deo sacram fuisse barbam, & Virginum, & Puerorum comam; notandum verò, Spartanos in superiori labore non

aluisse barbam, quemadmodum docet Ca-
saubon: ad Atheneum lib. 4. Sapientiae ac
perfectionis nostrae signum esse barbam ait
Hesychius, unde Christus Dominus no-
ster barbam assidue gestasse fertur; hinc
Ludolphus de Saxonia Jesum ita depinxit.
Nasii prorsus, & oris nulla fuit reprobensio,
barbam habens copiosam, & impubem, capil-
lis concolorem, non longam, sed in mento bi-
furcatam; Sic Nicephorus, Salvatorem
nostrum barbam aluisse, & quidem ad co-
lorem nucis castaneę similem scribit; Cum
ergo gestare barbam apud Hæbreos, Græ-
cos, & Romanos fuisset summi decoris,
ita familiare erat Græcis, ac Latinis, ut
quibus illudere volebant, barbam illis vel-
lerent, undè Poeta

stolidam prebet tibi vellere barbam

Petulans nonaria

Ita per contumeliam, Judæos Barbam vel-
lebant Christo Domino in aëtu suæ San-
ctissimæ Passionis, ut monet Masinus in
Vita Christi Redemptoris nostri cap. 23.

Apud Græcos usitata fuit olim pœna stu-
pri, barbas publicè hujus flagitiis convictis

præcidi, atque ita illos, ut infames di-
mittere; Immò tanti faciunt Turcæ bar-
bam, ut per ipsam jurent, tanquam per
rem sacram.

In Gallia, si Masino fides habenda, re-
peritur S. Petri Apostoli Barba, ex cuius
tactu, multos infirmos saluti restitutos
fuisse ait cit. Masinus.

De Sacerdotum barbis, vid. Pierius Va-
lerianus.

C A P U T . II.

De Cirris, sive Cincinnis.

Sicambri Populi ad Oceanum in Ger-
mania fuerunt, qui flavos habebant
capillos, quos, ubi satis crevere, quo-
dam artificio in nodum complicabant, unde
Martialis canit

Crinibus in nodum tortis venere Sicambrī.
super quem locum Domitius ait, has gen-
tes colorare crines, ac calamistrare Roma-
nos impulerunt, oblectatos capillorum pul-
critudine, quæ Sicambris erat nativa.

Dc

De Galeatio II. Vicecomite narrat Jo-
vius, coiam habente aurej coloris, quām
ille complicabat in tricas, & non unquam
disfluentibus cincinnis per humeros expan-
sam gerebat. Verūm cirros propriè ad or-
natum fœminarum spectasse colligitur ab
Autoribus tūm Græcis, tūm Romanis.
Æschylus habet

Cincinnus est comæ velut virginis.
Genæ enīm, & oculi eminenti in corpore,
& à cincinnis umbrati vētustiores eluent,
sic Tuccius supèr Cantic. scribit: Oculi tui
Columbae intrà cincinnos tuos, genæ tuæ sicut
frustum mali punici, intrà cincinnos tuos.
Apud sacràs paginas Juditta lugubrem ve-
stem in lacteam, fulgentemque mutavit,
capillumque composuit, & colligavit ci-
cinnos suos mitra, ut compta, & ornata
formosior appareret, atque Holofernem
amore inflammaret, cincinni enīm magni
ornatus sunt pulchritudini Fœminarum, &
rapiunt oculos intuentium, undē à Poetis
comparantur fulguri, & dicuntur fulgu-
rare; sic Virgilius crinem flagrantem nūn-
cupat; mulieres autem decorem suum po-

nunt informandis capillis, & polliendis, &
 fucandis, unde Catullus cecinit
Splendidas quatunt comas,
 & calamistro componunt; sic Virgilius in
 Aeneid, ait
Vibrati calido crines ferro.
 Qui nō multa
 Pectunt, & acu discriminari discernunt,
 ut pulcherrimi appareant, ut patet in Spon-
 sis, quarum elegantia in polito crine, &
 bellè discriminator consistit; hinc Festus,
 Crines inquit à discréctione dicti sunt; Cy-
 prius, ac odorato pulvérē inspergunt Cim-
 cinos ad majorem elegantiam, atque un-
 guentis odoratissimis pérungunt, quem
 usum antiquum fuisse ostendunt Poeti; sic
 Horatius 3. carm.
Sparsum odoratis humerum capillis.
 Ovidius in Epist. 21
Non arabo noster rore capillus colet.
 Tibullus lib. 13.
Spirabat tyrio mirbea rorē coma.
 & Silius libanii
Crinem perfundit amomo.
 Dixi superius in Sponsis capillorum elegan-
 tiam, atque cirros præstare, comam enim

solu-

solutam , & liberam virginibus olim con-
venisse legitur apud Car: Pascal. de Coron.
lib. 2. , coma enim coacta , & coronata
erat argumentum instantis latitiae conju-
galis ; unde Claudianus cecinit metem. o
suum . libertatemque comarum natus iurou
ebi Iniecta voluit tandem frenare corona .
id est a virginitate cupiit transire ad vota
coniugalia ; Sponsæ quippe pulchriores ap-
parent , dum cincinnos in fronte gerunt ,
sic canit Chiabrera .

Del mio Sol son ricciutelli
I capelli ,
Non biondetti , ma brunetti .

Ad eformandos autem cirros utebantur
fœminæ , ut etiam hodiè utuntur , calamis-
tro , quod calefactum in ignito cinere ca-
pillos ornat , si fides sit danda Gramma-
ticis ; unde Cicero in orat. post reditum
ait , Frons calamistri notata vestigiis . Cini-
flones vero apud Veteres dicebantur illi ,
quibus officium calamistrorum erat , id est
veruum in cinere calefaciendorum , qui-
bus Matronæ capillos crispabant , notante
Dempstro ad Rosinum lib. 5. , cuius rei ,
& Vir-

& Virgilius meminit, canendo,
 Fedare in pulvere crines. & sanguis
 Vibratos calido ferro.
 dicti autem sunt Cinistones, ab eo, quod
 in cinerem flant ad ferrum calefaciendum,
 sicuti cinasmus dicitur. Acus, quae mulie-
 res caput exornant; Quod viris fuit valde
 probosum apud Martialem: Clarius vero
 S. Ambrosius ait: Mulieribus ornamento est
 coma, dedecori est viris. Denique Aposto-
 lis Paulus evidenter hoc expressit, di-
 cens Epist. ad Corint. cap. i. nec ipsa na-
 tura docet vos, quod vir quidem, si comam
 nutriat ignominia est illi: Mulier vero si co-
 mam nutriat, gloria est illi, quoniam capilli
 pro velamine ei dati sunt in quem Pauliloco-
 cum D. Jo: Chrysostomus diligenter expen-
 dit; Et hic est notandum, P. Martinum
 de Roa lib. 3. singular. cap. 15. vocare cin-
 cinos in hominum fronte, veluti titulos
 meretricium, aut venalitiorum, qui pro-
 stitutum, & venalem ad libidinem signi-
 ficant; Discant ergo, ac caveant nostris
 hisce temporibus Viri, qui propria depo-
 sita coma, caliendo, hoc est sicko capill-
 la.

lamento multis cincinnis condecorato cy-
prio insperso pulvère utuntur, sic peius
quām fœminæ compti apparent, & virili
gravitate seposita, cinædorum faciem ef-
fingunt, ac post sexagesimum ætatis an-
num, adolescentiæ vultum affectant: Sint
Mulierum ornatus Cincinni, sint Puello-
rum, ac Puellarum Cirri; Virorum au-
tem ornamentum sit Prudentia, sit Vir-
tus; ne fortassis masculorum exemplo, Fœ-
minæ majora semper in dies quærant pul-
chritudinis lænocrinia, quomodo enim ma-
res muliebri licentiæ, ac lascivæ libertati
finem imponent, si, & ipsi crispato crine
ornantur, fictam, atque lascivam comam,
emptam pretio deportant, ac pulvere odo-
rato insperso, vel potius fœdato capitis ca-
pillamento, ad cincinnos, & cirros quo-
tidie mulieres invitant? hæc verò de ci-
cinnis sint satis.

C A P U T . III.

An veteres ocularia babuerint?

MAgnes ille Philosophus Franciscus Redi putavit , antiquos Hebræos , Grecos , Latinos , ac Arabes ocularibus caruisse , quia apud eos nulla de eis fit mentio ; & licet aliqui conentur ostendere , authoritate Plauti , ocularia tempore hujus Poetæ in usu fuisse , ex eo quod in duobus locis de his mentionem faciat ; loci autem sunt isti

dum redeo Domum
Conspicillo consecutus est clanculum me , usq;
ad fores .

Et

Vitrum cedo , necesse est conspicillo uti .
 sicque , cum per vocem conspicilli Rob. Stephanus in Thesaur. ling. latin. intelligat instrumentum , quod adhibetur oculis , ut res maiores videantur , hinc est , dicunt illi , quod ocularia antiquitus in usu fuisserint ; sicq; esse aliquos , ait Cel. Rhodiginus antiq;

antiq; lect: lib. 15. cap. 13. , qui conspicilia veterum referunt in ea instrumenta , quæ inserta naribus visum mirè adiuvant; Quos Varro facile retundit apud , quem ità legimus . *Hinc quò oculos jungimus , quibus specimus , specillum .* Sunt qui conspicillorum artifices specularios recte dici opinantur , ac qui fenestris specularia preten- dunt frigoris defendendi causa, de quibus meminit Jurisconsultus Ulpianus ; Sicque ego quoque cum Redio , ac Mercuriali ocu- laria novæ esse inventionis assero , nam si tale instrumentum antiquis innotuisset , Medici in curandis visus debilitatibus de tanto remedio mentionem fecissent ; est & Nonnij testimonium , qui conspicillum ap- pellatum docet locum , undè aliquid clancu- lum conspici posset , quem fieri consuevis- se ait vitro obductum , per quod videre , & non videri liceret , ut nunc in fenestris fre- quenter fit , atque in hunc modum intel- ligendus est Plautus in locis suprà exposi- tis ; clarè enim , ac breviter hanc litem dirimit Jos. Laurentius in Amalthea onom. dicendo . Conspicillum , sive Conspicilium
duo

duo posse significare , nempè locum , undè
clam conspici potest , ut vulgo balestrieria ,
Veletta ; & ocularia hodiè *occhiali* : non po-
test tamèn negari , ocularia antiqua esse ;
Redius enim circà annum Redemptionis
nostræ 1300. inventa fuisse ait , ut patet
ex Chronica Conventus Fratris Bartholo-
mæi à S. Concordio Concionatoris , in quâ
sic legitur . *Fr. Alexander de Spina vir mo-*
destus ; & bonus , quæcumque vidit facta sci-
vit & facere ; ocularia ab aliquo primo fa-
cta , & communicare nolente ; ipse fecit , &
communicavit , &c. Immò in quodam manu-
scripto Anni 1299 ait citat Redius , men-
tionem fieri de ocularibus , ut videre est in
sua erudita Epistola circa inventionem eo-
rum , Florentiæ typis data anno 1690.

Gordonius , & Guido Cauliacus autores
nostræ Medicinæ antiqui , ubi tractant de
Visus debilitate mentionem fecere de con-
spicillis , sèu ocularibus , de quibus nunc
sermo habetur ; ex quò apareat , horum in-
ventionem fuisse Anno 1305 De his plura
apùd Franciscum Redium , & Mercuria-
lem .

C A.

C A P U T . IV.

De Jejunio veterum Romanorum, &c.

EX Svetonio in Aug. cap. 76. habentur hæc verba : *ne Judæus quidem, tam diligenter Sabbatis jejunium servat*; certum autem est Judæos jejunium habuisse, ut colligitur ex sacris paginis. Romanos quoque aliquando jejunasse puto, nam Suidas refert Severum Imperatorem, quolibet mense die integro nil cibi admisisse, an verò hoc ob religionem esset, an ob valitudinem, nescio; Livius in hist. ait, Decemviros renuntiavisse jejunium instituendum Cereri, & id quinto quoque anno servandum; Unde Oracula consulturos ait Laurentius in Polymat. lib. 2. Romanos jejunia indixisse, ut habetur ex Tertulliano de anima, & de Jejuniis.

Hinc Thismophoria festa apud Athenienses, teste Plutarco, illa erant, in quibus Mulieres à cibis abstinebant, humique jacebant; de quibus meminit Plautus sub-

nomine feriarum esurialium; Sacerdotibus etiām responsum daturis, aut accepturis die jejunandum fuisse, & triduo à vino abstinentem ait Jos. Laurentius cit. loco. Horatius innuit fuisse quædam Jejunia instituta ob honorem Jovis; & apud eundem Poetam Mater pro salute filii quartana laborantis præcatur Jove in his carminibus

*Frigida si puerum quartana reliquerit, illo
Nempè die, quò tu indicis jejunia, nudus
In tiberi stabit*

Numam Pompilium, ferunt Historiæ, cum pro frugibus vota faceret, ab usu carnium, & veneris abstinuisse, ad cujusdam Jejunii morem.

Apuleius lib. 2. tradit, illos, qui volebant sacris Isidis, & Cybelis initiari, spatio 10. dierum jejunavisse, quæ abstinentia peracta phasianis, ac delicatis carnibus vescebantur; Nestea celebritas apud Græcos illa erat, teste Æliano in Var. hist. in qua jejunium servabatur; Gymnosophistæ jejunium servantes solum oriza, & farina alebantur; Ægyptij Sacerdotes carnibus, & vino abstinebant, asserente Laurentio sicuti fecis.

fecisse etiām fertur Indorum Magos ad Solis Sacerdotium evectos . In Creta ex Euripide apud Maiolum , Jovis Vates non modò carnes , sed etiām cibos coctos non edebant . Lacedemones uno die se , & Servos , & Animalia jejunare decrevere & mulieres , dum sacra Cereris celebrarentur , jejuniū , quod Castum Cereris vocabatur , humi sedentes agebant , in quo pane vesci nefas erat . Misorum quidam religionis causa , à carnibus abstinebant , lacte , melle , caseo contenti , ut notat Strabo lib. 7. Mense Romadām toto , in quō Alcoranum cœlitūs datum nūgatur Mahometus , imperatur jejunium omnibus Turcis , præter infirmos , & viatores ; sic die tota jejunant , nocte verò comedunt , & bibunt ; Ægroti autem suum jejunium eleemosynis persolvunt . Cùm antiquitās Tarentini à Romanis ob siderentur , periculumque esset , ne fame ad deditiōnem compelerentur ; R̄hegini decimo semper die jejunium decernentes , viētum concesserunt Tarentinis ; Proinde cùm decedentibus Romanis , liberarentur , calamitatis

memores Tarentini , festum constituere ,
quod *Jejunium* appellabant.

De Leonardo Pistoriensi , refert Cardanus de subtil. , qui sensim eo se traduxit , ut semper jejunaret , ac semel tantùm in hebdomada cibum assumeret .

C A P U T . V.

De ridiculis , & absurdis Amoribus .

XErsem summopere vituperat Georg. Pictorius in lib. 4. suę Philologię , eo quod Platani amore graviter capiebatur ; & de quodam adolescentे Atheniensи refert , qui Statuam Fortunę ad Pritaneum stantem deperibat , & sàpè in complexus ejus se insinuans , æstroque percitus proptèr cupiditatem in Senatum venit enixè rogans , ut sibi eam liceret emere ; at cum nihil efficeret renuente Senatu , Imagine priùs coronata , atque oblato sacrificio , profusis lacrymis , mortem sibi ipsi conscivit . De Adolescentula annor. 17. ob nimium amorem maniaca , memini ego in Miscel. A.

N.C.

N. C. Decur. 2. an. 10., obser. 126. æditio-
nis Norimbergen. pag. 219. Periander ,
juxtà Herodotum , tantùm in amore in-
sanivit , ut cum Melissa Meretrice mortua
jacuerit ; Semiramidem , teste Cælio Ro-
dig. ob amorem Tauri redactam ad furo-
rem fuisse ajunt ; Et Volaterranus , narrat
Cratem pastorem amavisse Capram ; Plu-
tarcus de Aristone Efesio scribit , qui As-
ianam amore prosequebatur , & Fulvij Ro-
mani meminit , qui amatorio furore per-
citus filium ab Equa habuit , quàm voca-
vit Hipponam ; De Galeatio quodam Man-
tuano , ait Matth. Palma in Anat. Amor. ,
qui tanto amore correptus est ergà Adole-
scentulam , ut cum ista per jocum ei dixe-
rit *vade ad Flumen* , ò *stulte* . Ille hoc au-
dito statim se misere in Ticinum flumen
projecit ; Hercules ob amorem Ompha-
lis Reginæ Lidiorum ità insanivit , ut Cla-
va in Colum mutata neret ; undè Proper-
tius cecinit

*Idem ego sidonia feci servilia palla
Officia , & lyda pensa diurna colo
Mollis , & birsutum cepit mibi fascia pectus,*

Et manibus duris apta puella fui.

Ridicula sanè fuit amoris insania illa Saphi , referente Ang. Politiano in Eleg. , quæ proptèr amorem Phaonis à promon- torio Leucadio se præcipitem dedit , undè cecinit citatus Poeta

*Mascula quæq; suos cantat moritura calores
Levadij Sapho crimen , honorque freti.*

Clarissimus noster Poeta Ariostus Musa- rum decus , & Ferrarien. Poetarum Prin- ceps , Bradamantem velut insanam ob a- morem Rogerii , describit his verbis

„ *Così dicendo di morir disposta*
„ *Salta dal letto di rabbia infiammata ,*
„ *Si pon la Spada alla sinistra costa , &c.*

Multi denique amentes evasere ob amorem mulierum , sic Pitagoras insanivit prò amore Pirandri , & Lampridis ; Demetrius proptèr Lamiam , Aristippus per Laidem , Epicurus ob Leontiam , Sofocles proptèr Teoridem , Ovidius ob Corrinam , Tibul- lus proptèr Deliam , Dantes prò Beatrice , Petrarca prò Laura , & Orpheus prò Eu- ridice ; Immò ad talem insaniam pervenit in amore Anasaretis Iphis , ut misere la- queo

queo suspensus obierit ; Cleobolus in aetate 80. annorum, dum per scalam ad amasiam à stulta , ac ridicula dilectione ducatus , raptim transiret per fenestram , cecidit , ac miserabiliter periit , ut scribit Mat: Palma loc. citato .

C A P U T VI.

*De illis , qui semel in die cibum
capiunt , & quoties Veteres
in die manducarent .*

MUltos ex antiquis , si Mercuriali fides sit habenda , semel tantum in die cibis saturatos fuisse constat , hinc Apollonius antiquissimus Autor Gr̄ecus in mirab. histor. ait , eos qui in die semel tantum cibis vescuntur , amarulentioribus esse moribus , quam sunt illi , qui bis &c. , & Celsus de illis etiam mentionem facit his verbis : as- suetis bis in die comedere , si semel solum cibis impletantur , alvum astringi ; & de istis quoque locutus fuit in lib. de Dieta Hippocrates ; Ego vero puto sanitatis gratia alimen-

B 3 tum

tum in plures vices dispartitum facilius
concoqui , sicque laudare non possum eos,
qui semel in die cibum capiunt ;

Marcus Anton. Muretus eos comenda-
vit antiquos , qui quatèr in die comedie-
bant ; Ego autèm Græcos , ter in die co-
medisse credo ; ut per jentaculum , Pran-
dium , & Cœnam , de is enīm tribus me-
minere scriptores ; Paritèr de Romanis di-
cendum ; Sic Galenus de tuen. Valet. , ait
satiūs est illis , idest Senibus , *ter cibum su-*
mere ; atque illud fecisse Antiochum Me-
dicum , ac Thelephum Grammaticum di-
cit . Quod verò de comedatione , & ienta-
culo à Latinis Scriptoribus memorię man-
datum est , ait Mercurialis , pueros solos
ipso usos fuisse , perinde , ac hodie ubique
ferè gentium hoc usurpatum est , ut pue-
ri summo mane semper aliquid cibi ca-
piant ; quapropter in Curculione Plautus
facit Phedromum adolescentulum Veneri
jentaculum vovere ; similiter in Trucu-
lento Phronesium Meretrix sic ait

non novisti obscuro ?

Qui illic apud me erat , hujus pater pueri
ille est *Usque*

*Usque ad ientaculum . Jussit ali .
Idem dixit Martialis in illo distico'*

*Surgite iam pueri , vendit ientacula Pistor
Cristatęque sonant undique lucis aves .*

Prætèr pueros , & senes , qui valetudinis gratia ientaculo utebantur , nullos usquam usos fuisse putat cit. Mercurialis , quod si aliqui erant , qui uterentur , protinus tanquam incontinentes notabantur ; Ità quoque de merenda dicit Nonnius , quod sit cibus post meridiem assumptus ; pariter infamia notabantur illi , qui comessationes , seu cibos post cœnam summebant , atque comessatoris nomine indecoro vocabantur , ut non sit mirum , Clementem Alexandrinum in Pedag. Prandiola , Epulas , atq; merendas damnavisse ; Quemadmodum etiā mirum videri non debet , si Aulus Vitellius Imperator epulas suas sæpè trifariam , interdum quadrifariam dispertiebat , idest in ientaculum , prandium , Cœnam , & comessationem , ut videre est apud Svetonium . Sic apud Grammaticos *Jentare* dicitur prò cibum antè prandium gustare ; undē Afranius ait , *bæc jejunia ientavit , &*

Varro Rempublicam administraret , & quod
pulli ientent ; Notandum verò Festum scri-
psisse merendam esse prandium , quod sci-
licet medio die caperetur .

C A P U T . VII.

De Rabulis Forensibus.

TAntus hodiè Rabularum est nume-
rus , ut silentio eos præterire nefas
esset , ubique enīm sunt , & in qua-
cumque via obviam veniunt , & quocun-
que loco , ac tempore ineptis vociferatio-
nibus nauseant , isti sunt qui verba ven-
dunt clientulis , & sic dicuntur à Rabie ,
monente Stephano , vel à raucitate , ut
is sit Rabula , qui in negotiis agendis acer
est , & rabiosus , & juxtā Festum , qui
multis intentus negotiis paratus est ad ra-
dendum , & auferendum ; sic dicitur ra-
bula à radendo aures , nām , ut à fando fa-
bula , à nando nabula , à stando stabula , à
pascendo pabula , ità à radendo rabula ;
nec alia ratione rabulas in foro dictos pu-
tat

tat cit. Stephanus , quām quod radant ,
idest offendant aures , & ut ait Quintilia-
nus nimia verbositate feriant ; Hinc Cal-
vin. in lex Jurid. scribit , de his loquen-
do , istos esse nugatores , qui int̄ garrien-
dum , & velitandum , sinum conspuunt ,
linguam rotant , & dentes arietant . Tām
importuni erant isti tempore Fori romani
apud Gentiles , ut referente Poletō in hist.
Fori rom. lib. i. Judices descendentes de
tribunali retinerent in area , planoque ,
ut quod vellent , obit̄ obtinerent . Isti
in foro , tanquām in foco laurus virens ,
crepitabant , alternis jurgiis convitiaban-
tur , rixabantur , & latrabant tenso pe-
ctore , qui sonitum verborum inanem nul-
la scientia crocitabant , de quibus cecinit
Poeta

Immensa cavi spirant mendacia foles

Conspuiturque sinus

Quorum lingua , ait Poletus , est volubili-
tas inanis , ridenda , ac puerilis , conju-
cta que cum aliquot legum rubricis , can-
cellis circumscribitur forensibus .

Nēvolum causidicum nasutē exagitat

Mar-

Martialis lib. I. hoc epigrammate

*Dum clamant omnes loqueris tu N̄ vole semper,
Et te Patronum, causidicumque putas.
Hac ratione potest nemo non esse disertus,
Ecce tacent omnes, N̄ vole dic aliquid.*

Irridet enīm in his versibus Poeta N̄ vole-
lum imperitum Rabulam, qui, ut se Cli-
entibus ostentaret, loquebatur tantūm ,
dūm cæteri clamarent, dumq; intelligi
non posset quid diceret, & hac ratione
placebat, ut testatur Ramir. de Prado ,
cumque cæteri tacerent, ipse nec verbum
quidem proferebat, hac arte disertus qui-
libet esse posset, si tamēn hoc esset esse
disertum ; Provocavit igitūr eum Mar-
tialis, ut tacentibus cæteris dicat aliquid .

In convitiis ità sunt stolidi Rabulæ, &
inconsiderati, ut eorum petulantiam sæ-
piissimè luat Litigator, quid enīm potuit
cogitari audacius, inquit cit. Poletus, quid
& Causidico, & Litigatori periculosius ,
quam Græculum quendam non Advocato
partis adversæ, quod ferendum esset, non
Judici ignobili, & proletario, sed Clau-
dio Cæsari in medio Fori palam omnibus.

audientibus illudere insano hoc dicterio ;
Et tu Senex es , & Stultus ; Tulit tamèn
Cæsar non æquo , sed fracto potius ani-
mo , parumque generoso , nescias fuerit
ne ? Græculus insolentior , an Cæsar sto-
lidior .

Hujusmodi Blaterones , quorum lingua ,
tam prodiga , volubilis , infrænisque est ,
ut fluat sempèr , & æstuet coluvione ver-
borum , egregie ab aliquibus principibus
utriusque linguæ viris taxantur ; Istorum
autem Rabularum adeò miserabilem esse
professionem ait Franc. Poletus lib. 2 hist.
For. romani cap. 11. , ut cum pessimè au-
diant apùd quosvis de latrociniis , & con-
cussionibus , ut tamèn domi esuriant , te-
nuemque adeò quæstum faciant , ut lon-
gè inferior sit patrimonio Mimorum , &
Histrionum , quod notatur satyricè à Ju-
venale Satyr. 7.

Veram deprendere messem

Si libet , binc centum patrimonia Causidicorū .
In quà tota Satyra Poeta irridet , & exag-
gitat Rabulas . Et tempore Decemvirorum
nullos fuisse Rabulas , ait cit. Poletus ;

C A.

C A P U T VIII.

De Sobrietate, & Gullæ vitio.

Sicuti Temperantia, ac Sobrietas, ad vitam conservandam, & prorogandam faciunt, ità intemperantia, ac Gullæ vitium, & luxuries vitae annos abbreviant, ac saluti adversantur; undè quia fuerunt nostri patres antiqui longè temperantiores, ac sint qui vivunt hodie, lacte enim, & melle, fructibus, & herbis contenti, luxus, & hodiernas delitias respuere, idè salubrìus, & diutiùs vixerunt.

In vietu certè hodie maxima luxuria est, ità ut fercula ferculis, acetaria acetariis, fructus fructibus, cruda coctis, in prima, secunda, & tertia mensa aponantur; Carnes, pisces recentes, ac salitos varii generis assos, & elixos, conchilia, aves, caseos, fungos, placentas, fructusque omnis generis uno, & eodem epulo usq; ad satietatem, & vomitum ingurgitantur, undè ex tanta ciborum copia, ac varieta-

te in

te in ventriculo congesta pessimæ digestiones fiunt , undè morbi oriuntur , dicebat enim Seneca diversa cibaria inquinare , & non alere , & Plinius simplicem cibum homini utilissimum esse ait , contrà verò ingluviem , & intemperantiam perniciosissimam ; Hinc Persæ tanta moderatione , & sobrietate fuerunt usi , teste Xenophonte , ut modico nutrimento uterentur , quod idem de Arabibus scribit Jovius ; Quin à Solone , & Lycurgo sanctitas fuisse leges in luxum , & intemperantiam dixit cum Valerio Maximo Quercetanus in Dietetico ; Prisci Romani aprimè fuere sobrii , nàm ut ait Plinius ; *bortos babebant* , & ex illis vivebant .

Tandem verò ad talem intemperantiam pervenerunt , ut integra patrimonia unico prandio dissipaverint ; & videretur , eos non ut viverent natos esse , sed , ut comederent , ac potarent , & vomerent ; Sic de Apicio romano , scribit Seneca , eum Minturnam profectum esse , ut squillis vesceretur , Alexandriam , ut Astacis , Africam , squillarum causa , ubi cum nullas repe-

reperisset provinciam execratus est; Cuilibet nota sunt sumptuosa Vitellii, ac Heliogabali convivia, confecta ex rariorum piscium jecinoribus, murenarum lacte, Phasianorum, ac Pavonum cerebellis, lusciniarum linguis, atque id genus inauditis, ac inusitatis eduliis, quibus non sine magno sumptu eorum mensē replebantur, ut referunt Sveton., & Cælius Rhodig. lib. 28.

Etiā apud Græcos luxuriosissimi Epu-
lones fuere; talis fuit Archestratus, de
quò Atheneus lib 2., qui non minori stu-
dio ubi singula edulia optima nascerentur,
in gastrologia sua exposuit, quām qui or-
bis descriptiones, & navigationes agre-
diuntur; Legitur apud Ciceronem, &
Plutarcum, magna ignominia, & dede-
core acceptum fuisse Mutonium Triunvi-
rum, qui nimium potus, dum munus
suum publicè obiret corām universo popu-
lo Romano crapulam turpissime evomuit.

De Timocreone Rhodio legitur Epita-
phium celebre, quod sic sonat

*Multa bibens, & multa vorans, mala mul-
taque dicens* *Ipse*

Ipse viris , jaceo Timocreon Rhodius.

Cleomenes enormi intemperantia sua , ac feda ebrietate usus variis obrutus est morbis immaturè senescens ; Dionysium juniorum Siciliæ Tyrannum nonaginta dies continuos ebrium fuisse , testatur Stephanus Niger de nim. Vite luxu . Xenarchus Rhodius ob nimiam vini ingurgitationem Metretes cognominatus fuit . Svitrigalus Dux Lituaniæ , referente Ænea Sylvio , nunquam peregre proficiscebatur , quin dispensatorem interogaret , an librum , quem de arte coquinaria componi curaverat , secum ferret ; Ejus autem Cœna in sex horas ad minimum protrhaebatur , & ferculis non minus 130. utebatur .

Culenus Scotorum princeps voluptatum turpissimarum mancipium , ludos symposiacos instituit , ut qui potando , vorandoque victor extitisset , hedera coronabatur , & munus accipiebat amplissimum ; sic pariter Mitridatem , qui bella cum Romanis gessit in munib'bus quæ edidit , voracitatis , & violentiæ , fama est præmia proposuisse , cumque victorem fuisse utробique ,

bique , ac planè omnium coevorum suo-
rum bibisse plurimùm , & inde fuisse Bac-
chum nuncupatum teste Plutarco lib. i.
quæst. , & Beyerlinck in Theat. vit. human.

C A P U T I X.

De Serapide Idolo celebri.

Serapis à multis Apis , & Osiris dictus
est , & apud Ægyptios Idolum fuit
magnæ venerationis ; de hujus origi-
ne variæ sunt opiniones ; Aliqui enim Jo-
vem ipsum esse putabant , alii Nili flumi-
nis virtutem esse credebant ; nonnulli tan-
dem Serapidem Regem fuisse Ægypti tra-
dunt , qui rudes adhuc homines ad mitio-
rem vitæ cultum traduxit , & calendarum
vinearum , ac agrorum rationem docuit ,
sicque famis tempore subditis alimenta pre-
buit , ideoquè eum ; dum viveret summo
honore exceptum fuisse , & mortuum in
Deorum numérum relatum , dixerunt . Ma-
crobius verò scribit Serapidem Solem esse ,
quoniam caput hujus *Idoli* radiis solaribus
orna-

ornabatur, quod confirmat Illustriss. D. à Turre de Mitrha cap. 2. ; Celebratur autem Serapis sub forma Bovis, quia hoc Animal est omnium fere animalium utilissimum ; de hoc vid. Strabo, Serra, & Amian. Marcellinus ; Templa maxima illi fuere dicata, & Alexandriæ, & Memphi ; & horum exemplo illi Fana dicaverunt Spartani, & Athenienses ; nec non Romani quoque huic Idolo Templum aperuere *Serapium* dictum, in quò, teste Musardo magna cum lascivia cantabant, & tripudiabant viri, ac mulieres ; hoc Idolum superstitione colebat in primis Vespasianus juxta Svetonium, & Tacitum ; & ab ejus oraculo delusum fuisse Hannibalem ferunt multi, cui de suo fato interroganti respondit :

Lybissa teget gleba Hannibalis corpus.
quod Annibal sic interpretatus fuit, quasi ipsius corpus in Lybia, idest in Aphrica componi deberet, & moriturus in sua patria ; At Oraculum innuebat Lybissam flumen Bitiniæ, in quò paulo post Annibal venenum hausit, ne in manus Romano-

C
rum

rum veniret; Hujus Idoli Statuam, ait Scadius, ex auro, argento, ære, ferro, gemmis, ossibusq; Apis, & Osiridis fuisse confectam. Tanta autem veneratione colebatur hoc Idolum, ejusque talis vanissima opinio erat, ut multos quoque Christianos invaserat timor; nam cum Theodosius edictum promulgavisset, teste Ruffino in Histor. Ecclesiast. lib. 2. cap. 23., de diruendo Serapidis Idolo, milites cristiani, quibus lege agere mandatum erat, coram illo meticulosi stabant, nec attingere audebant, cum demum unus ex militibus, magis fide, quam armis munitus, arrepta securi insurgens statuam idoli frustulatim concidit, quæ frustula igni data, illicè tanquam lignum aridum consumata fuere; Quidam dixerunt, hanc Statuam in honorem Josephi justi fuisse eformatam, teste cit. Ruffino; Post verò istius simulacri ruvinam tanta secuta est Nili exundatio, tantaque terræ ubertas, ut anteactis sæculis nulla unquam maior esset visa.

Plutarcus in lib. de Isi, & Osiride tradit Serapidem idem cum Platone estimatum

tuin fuisse; & ab hoc Idolo Trinitatis mysterium assertum esse testatur Clariss noster Lil. Gregor. Gyraldus in hist. Deor. Synt. 6., Consulenti enim cuidam Regi Ægypti , quisnam se esset beatior , ita respondisse fertur.

*Principio Deus est, tum Verbum bis spiritus
una est*

*Congenita hæc tria sunt cuncta hæc tenden-
tia in unum.*

Ideoque etiam per Demonem Sanctissimam Trinitatem assertam esse dicendum , per hoc enim Idolum , ut & per alia antiquitus Demones locutos certum est . De Serapide plura dabit Illustriss D. Co. Camillus Silvestri in not. eruditiss. ad Juvenal.

C A P U T . X.

De Carne Svilla.

DE Suibus , qui ab Hebræis *Chazir* dicuntur breviter aliqua dicenda sunt in capite præsenti ; de his autem pauca habent Sacri Scriptores , quia quādiū stetit Hebræorum Respublica in Iudea nulos fuisse Sues , testatur Samuel Bocartus lib. 2. de anim. sacr. script. cap. 57.

Hinc Porfirius in lib. de abstin. à cæde animal. ullos in Iudea nasci sues disertè negat; Porcum ad solam mortem nutriri ait Lactantius , cùm nullum quādiū vivit præstare possit usum ; cum igitùr Sues non nisi mortui hominibus prosint , & cum ad sacrificia , & ad esum lex in Judæis veta verit eorum usum , idcirco pauca scripta de Sue in sacris scriptoribus reperiuntur ; Hebræi verò hujus legis causam physicam putant , porcum comedenti periculum esse à Lepra , si enīm infans , ait Plutarcus , lacete syllo nutriatur fiet leprosus ; Cle-

mens

mens verò Alexandrinus per Sues , quorum
esus in lege prohibetur , intelligit impuros
homines , qui porcorum more semper in
luto , & stercore , idest in vitiis jacent , prohi-
beri : Plura de hac re videantur apùd citat.
Bocartum , qui more solito super hac rē
eruditè disserit ; solummodò mihi liceat ex
Macrobio Saturnal. lib. 2. cap. 4. , addere,
Augustum , cum audivisset Pueros à Re-
ge Judæorum Herode imperfectos , & suum
filium quoque , exclamavisse , melius apùd
Herodem porcum esse , quàm filium ; Ri-
dendo igitur Hebræos Juvenalis in Satyr.
6. cecinit

Et vetus indulget senibus clementia porcis .
Romani verò , alięque Gentes semper usę
sunt carne svilla , utpotè grata , ut & mo-
dò nos facimus ; Sic Varro ait , pecus svil-
lum donatum esse à Natura ad epulandum ,
& Galenus tertiana affectis in lib. 1. ad
Glauc. prètèr testiculos , & alas gallorum ,
& ova sorbilia , porcorum pedes , cerebrum ,
& carnes svillas in jure liquefactas prèbet ,
quod idem confirmat Jo: Langius in Epis.
Medic. . Titus Quintius ante tribuna-

tum, & Præturam Consul designatus, in Chalcide apud Hospitem cenans miratus fuit de carnium varietate, & copia; Hospitem verò affirmasse traditur, illas omnes esse svillas, condimentis, & præparationibus differentes; ex quo mirè carnem svillam comendat Bruierinus; Mirum autem est, in Arabia svillum genus non vivere; Eumeus subulcus Ulyssis, *in Odiss. 3.*, quem ex bello Trojano, & naufragio, sibi tum ignotum, reducem hospitio excepit, dixit: *Ede bōspes, nām bæ porcellorum carnes.* Procos quoque Penelopes, obesos Sues edere dixit Langius; unde constat, veteres Græcos Porcellos comedisse; & olīm in pretio fuisse apud Romanos, testatur Martialis in lib. 13. canendo

Laete mero pastum pigrę mibi matris alumnū.

Ponat, & Aetolo de sue dives edat, supèr quo Domitius intelligit ipsum divitem sibi habere ingentem Aprum, quantus fuit Aetolus imperfectus à Meleagro; Me autem legisse recordor apud Strabonem lib. 12. Cleonem Jovis Abretanii Sacerdotem, latronem insignem in monte

Olym.

Olymbo , cum ab Antonio ad Cæsarem defecisset , prò latrone Principis habitum gessisse , postea Comanorum Sacerdotium in Ponto accepisse ; ad quod cum venisset intrà mensem obiit ex nimia crapula morbo correptus ; In eo autem Fano prohibitus erat svillarum carnium esus , undè nec in totam Urbem Sus inferebatur ; sed Cleon Latronum more consuetudinem prevaricatus est , atquè idcircò creditur irà interiisse Numinis . Cæterùm luxuriæ comedendi Aprum inventorem fuisse P. Servilium Rullum Annalia tradunt , & in hujusmodi mores clamat Satyricus in i. Satyr.

quantæ est Gula , quæ sibi totos .

Ponit apros , animal propter convivia natum .
Notandum verò Argivos in festo , Porcum Veneri maestavisse , & Mense Majo Mercatores , Majæ porcam prægnantem immolabant ; Legitur etiàm Cereris mysteria Sue cæsa celebrata olìm fuisse ; undè Poeta canit

*Prima Ceres avidè gavisa est sanguine porcę ,
Ulta suas merita cede nocentis opes .*

Immò adendum est , fœdera pacis , & nu-

C 4 ptia-

ptiarum in Græcia , Latio , & Etruria ,
Sue mactato confirmata fuisse , asserit Jo:
Langius in Epist. Medic.

Mentio fit apud Gellium de Porca
præcidanea , quæ immolabatur
piaculi gratia antè fruges ,
hostię enim præcidaneę
erant illæ , quæ
antè solemnnia
sacrificia
pridiè cedeban-
tur .

ADVERSARIORUM
JOSEPHI LANZONI.
LIBER SECUNDUS.

AD ILLUSTRISSIMUM
D. APOSTOLUM
ZENUM VENETUM

Omnis Eruditionum genere instructum.

C A P U T I.

De Nominibus Mensium.

Anuarius primus Anni Mensis est , & à Jano nomen habet , sicuti enīm Janus dicitur bifrons , idest , & præterita , & ventura cernens , ità paritèr iste mensis finem elapsi anni , & initium futuri habet ; sic Numa à Jano Annum ordiri voluit , Romulus verò à Marte , & sic Martium

tium primum anni Mensem dixit; Calendis Januarii sacrum Jano siebat ex thure, ac mero; Consules in Capitolium ascenderant, consulatum inibant, & Jovi Juvencas maestabant; in hujus mensis initio Strenæ ultrò, citròque mittebantur, & Vota; In hujus mensis Calendis luclus cessabat, convivia apparabant, liberabantur Servi, & Captivi, pecuniam spargebant, lites suspendebant, nitidiùs inducebantur, ludos agebant, & januas, & templa coronabant.

Februarius nomen à Februo Deo lustrationum habet, cui à Numa dicatus fuerat, hoc enim mense tota Civitas lustralatur; ideòque dicebantur Februa, quemcunque purgamenti causa in sacrificiis adhibebantur. Isidorus Februum Plutonem nuncupat, sed Censorinus Februum, ait esse quidquid expiat, expurgatque, undè februare, purgare, & purum facere idem sonat; In hoc autem mense lupercalia celebrabantur; plura de hoc mense eruditè exarata tradit Clariss. noster Lil. Greg. Gyraldus in lib. de mens. & annis-

Mar.

Martius mensis à Marte sic dicitur, cui ve-
luti Patri suo primum Anni mensem di-
cavit Romulus, undè Ovidius cecinit

*Mars latio venerandus erat, quia præsidet
armis.*

Arma fere genti, remque, decusque dabant.
Calendæ verò istius mensis à Matronis ce-
lebrabantur, quò illo tempore Junonis,
& Lucinæ Ædes coli cœpta est, & servis
matronæ aponebant convivia, ut in satur-
nalibus faciebant Domini, teste Solino, &
Macrobio; Servius Calendas Martii cele-
bres esse ait, quia eo die pax intèr Sabi-
nos, & Romanos ob raptas Sabinas facta
est; Martii insupèr prima die nouus ignis
aræ Vestæ accendebatur; atquè exolve-
bantur mercedes magistris.

Aprilis mensis à Venere ità vocatur te-
ste Hildebrando in Antiquit. rom., sic e-
tiām dicitur ab aperiendo, eo quod ter-
ras, & maria, quasi clausa recludat, &
aperiat, & prima hujus mensis die con-
stitutum fuit, ut Matrone Veneri sacrum
facerent.

Majum tertium mensem Romulus po-
suit,

suit, de cuius nomine int̄e Autores magna dissensio est; Sic dicitur iste mensis à *Majoribus*, quoniam Romulus cum populos in maiores, & minores divisisset, id est juniores, in honorem utriusque partis, hunc Majum, sequentem Junium dixit; vel, ut alii dicunt, dicitur Majus à Maja matre Mercurii; de hoc mense erudite Macrobius lib. i. saturnal. Quin etiā mensem Majum Mercurio sacrum fuisse, ait Plutarcus, & istius mensis prima dies dedicata est Maję sub nomine Bonę Deæ, & eandem esse Bonam Deam, & Terram inquit Gyraldus; Notandum autem mense Majo nubere bonum non fuisse, ut colligitur ex Ovidio, & Plutarco; ex quod patet in errorem incidisse Alex. Tassonum, qui in suis opinionibus dixit, Ferrarienses nostros non nubere tali mense consuevisse, nām etiā Romanī antiquitūs à nuptiis abstinebant mense Majo, ut advertit Gyraldus noster in lib. de mens., & ann.

Junius dicitur à Junone, vel, ut suprà dixi à Junioribus Populis, quibus dicatus à Ro.

à Romulo fuit ; Illi autem qui ajunt à Junone sic dici , huic inituntur rationi , nam isto mense Junoni magni habebantur honores , unde à multis Junonius , non Janus dicebatur , sic Ovidius

Est illic mensis Junonius

Et sicut aliqui volunt in Coment. Fastor. apud Majores Romanos hęc appellatio mensis Junonii diu mansit , sed postea detritis quibusdam litteris , ex Junonio Junius fuit dictus ; Aliqui Junium à junctis , & unitis Sabinis , & Romanis dici voluere , unde Ovidius

*Et lare comuni generos , sacerosq; receptos ,
His nomen junctis Junius inquit babet.*

Nonnulli deducunt hoc nomen à Junio Bruto , qui pulso Tarquinio Tyranno primus Romæ Consul , ac liberator est factus .

Julius mensis , qui , & Quintilis nuncupatur , quia quintus à primo , nempe à Martio est , in honorem Julij Cæsar is , qui hoc mense est ortus , Julius est appellatus , unde Macrobius ait in honorem Julij Cæsar is Dictatoris Julius est dictus , quod

quod hoc mense ad quartum idus Quintilis , Julius procreatus sit .

Augustus paritè mensis antea sextilis dicebatur , quià à primo mense idest Martio sextus esset ; dicebatur autèm Augustus in honorem Augusti , qui insigniores eo mense res gessit ; & hoc ex Senatus Consulto , nàm Imperator Cæsar Augustus mense sextili consulatum suscepit , triumphos tres in urbe tulit , & Ægyptum hoc mense in potestatem Populi Romani rededit ; ut notat in Saturn. Macrobius ; Ideoque de hac re plebiscitum factum fuit , Sexto Pacuvio Tribuno plebem rogante .

September mensis sic vocatus est , quià à primo , nempè Martio septimus est ; Priscianus autèm putat ab voce *imber* sic dici , sed à doctioribus Criticis id neutiquam probatur ; volebat enim hic Autor Septembri mensem ab imbre dici , eoque , ut ego puto , sàpè hoc mense pluviae cadant . In tutela autèm Uulcani fuisse hunc Mensem , ait Gyraldus ; cuius mensis secunda die factum fuit navale bellum intèr Cæsarem Aug. , & Marc. Antonium ,

ut

ut testatur Dion in sua historia . Macrobius autem inquit mensem Septembris principalem sibi retinere appellationem ex Germanici appellatione .

October ita dicitur , quod octavus esset a primo , nempe Martio ; hunc mensem suo nomine Domitianum invasisse , ait Macrobius ; In Martis autem tutela erat , unde October equus appellabatur , quia in Campo martio mense hoc immolabatur quotannis Martibigarum victri , cum dexterior , teste Gyraldo nostro , & Equus potius quam bos immolaretur , quia hic bello , bos est frugibus pariendis aptus , cum ergo Octobri Mars praesideret , hinc est , quod tali mense immolabantur Equi , qui Deo Marti erant dicati ; de hoc plura cupienti dabit Festus .

November mensis ita dictus , quia nonnus a primo nempè Martio ; sub praesidio Dianæ fuit apud antiquos Romanos , & hoc mense maria claudi dicebantur , & Jovi Epulum celebrabatur ; Vacunalia etiam tali mense celebrari fuisse solita , ait Gyraldus ; Vacuna autem erat Dea , quem
prae-

præerat vācantibus , & otiosis , cui à la-
boribuscum vacarent Agricolæ post cæptos
fructus , & agrorum cultus per hyemem
sacra faciebant , hinc Ovidius

*Nam quoq; cum fiunt antiquæ sacra Vacunæ
Ante Vacanales , stantque , sedentq; focos.*

December demum mensis est decimus à
Primo , idest à Martio ; undè , & nomen
illi est . In Vestæ tutela fuit , & dicatus
Saturno , undè Saturnalia celebrabantur
hoc mense , bellum summere nefas erat ,
sicut à nocente pœnas exigere piaculare ;
de hoc mense plura apud Macrobius . Hic
autem notandum , antiquitus Annum ex
X. mensibus tantum conflatum fuisse ;
multo tempore autem post Romulum Ja-
nuarium , & Februarium additos illi fuis-
se aiunt , sicquè annus ex xii. Mensibus ,
compositus fuit , ut etiam hodie .

C A P U T II.

De Poculis antiquis.

Cum varia sint poculorum genera, ego ad tria tantum refero, *Sextans* nimurum, *Deunx*, & *Triens*. Primum est illud genus, quod valetudinarii, & temperati utebantur, secundum quod intemperati, ac bibaces, tertium tandem hoc est *Triens*, quod plerique ordinarii, & quotidiano vietu utebantur; In conviviis à parvis calicibus incipiebant, & in capaciores terminabant, usq; ad sordidam Ebrietatem; solemne fuit, ut Deo alicui libarent, idest ex calice laxitè aliquam partem vini difunderent, vel in mensam, vel in terram, & quandòque in honorem Amici, aut alicujus Fœminæ amatæ tot cyathorum vinum potabant, quot literæ in ipsius essent nomine, sic Martialis.

Nœvia sex Cyatbis, septem Justina bibatur

Quinque Lycas, Lyde quatuor, Ida tribus.
de quod usu multa me scripsisse recordor in

D Epi-

Epistolis memorabil. Anton. Bulifoni Neapoli Impress. ann. 1698. tom. 4. pag. 265., nunc ad pocula redeamus.

Pocula igitur primò fictilia fuere, potissimum ex terra Samia, undè Ausonius cecinit

Fama est fictilibus cenasse Agathoclea Regem,

Atque abacum samio sepe onerasse luto.

De faginis calicibus meminit Virgilius in Eclog. 3.

Pocula ponam fagina....

& Ovidius in lib. 3. Fastorum

Terra rubens crater, pocula fagus erat.

De poculis è cornibus bovinis paratis multi antiqui Scriptores egerunt, & ego de hac materia nonnulla scripsi in tom. 2. Musæi Minervæ pag. 185. quem locum videat Lector curiosus.

Electrina pocula magnatibus olim in pretio fuisse, ait Hildebrandus in compend: antiq. roman.

De argenteis poculis meminit Juvenalis canendo

*Pauca licet portas argenti Vascula puri
Pariter de aureis, & pretiosis gemmis di-
stin-*

stinctis cecinit ipse Satyricus
..... *nulla aconita bibuntur*
Fictilibus, tunc illa time, cum pocula sumes
Gemmata, & lato setbinum ardebit in auro.
hinc etiām Virgilius lib. i. Æneid.
..... *Celataque in auro*
Fortia facta patrum.....

Murrhina fuere illa pocula è murrha fa-
cta, lapidis genere, ut multi aiunt, cum
odoris comendabili præstantia, tūm colo-
rum varietate insigni; de quibus Juvena-
lis in Satyr. 6.

Grandia tolluntur crystalina maxima rursus
Myrrbina

De istis poculis multa cupienti dabit Ni-
col. Guibertus in lib. de Murrhinis.

De Vitreis poculis, atquè Crystallinis
pleni sunt Doctorum libri; de quibus non-
nulla collegi ego in Epistola de Arte vitri
impress. in Museo Minervæ tom. 2.

Cranium humanum deniquè barbaris
quibusdam gentibus prò poculo fuit; Sic
Alboinus Langobardoru[m] Rex, Regis à
se prælio cæsi filiam Rosimundam uxorem
duxerat, ex Soceri verò calvaria poculum

fecerat quòd in Epulis usus, Rosimundam coegerat, ut eodem peculo biberet tanquam Patri propinans; quam iniuriam ulta fuit Rosimunda juvēne quodam in ejus necem impulso pactione nuptiarum; quam historiam tragicam, sed curiosam egregiè narrat Paul. Diaconus lib. i. de Gest. Langobard.

C A P U T III.

De calculo albo, & nigro apud Veteres.

CAlculum cretæ absolutionis, carbonem verò condemnationis Symbolum fuisse apud Veteres, ait Alex. ab Alexand. lib. 3. Gen. dier. cap. 5., undè Ovidius lib. 15. Methamorphos. cecinit

*Mos erat antiquis niveis, atrisque lapillis,
Hos damnare reos, illos absolvere culpa.*

Antiqui enīm per cretam album, & candidum, ac per carbonem atrum, & nigrum colorem significabant, licet tamēn ater à nigro differat, quoniam omnis ater niger est, at non omnis niger ater est; ater enīm horroris aliquid habet, estque visu

tri-

tristis , & iniucundus , ac proindè etiàm lugentibus peculiaris , at niger non ità , est enim apùd nos nonnunquam lepidus , ac venustus ; Attamen , & color ater , & pullus , & niger antiquis infaustus fuit , undè istis coloribus in parentalibus utebantur , & qui mortuis iusta persolvebant , atris vestibus induebantur , & dicebantur atrati , pullati &c. , hinc meritò Alciatus in suis Emblemat. , pullum vocat mæsticiæ colorem , dùm canit

Index mæsticiæ est pullus color.

Quod etiàm ex historia Thesei nobis proditum est , hic enìm occiso Minotauro , cum ad Patriam rediret , & imprudentè nigro uteretur Velo ; Pater ejus à longè hunc colorem tanquam mortis filii signum accipiens , se in mare præcipitem dedit . Hic verò cum Tiraquelle in Alexandr. prætermittere nolo alba semper læta , & auspicata fuisse credita , undè atros dies infaustos dicebat Macrobius , cùm Nonnio Marcello , ex quò Virgilius

Abstulit atra dies
isti sunt dies illi , quibus apùd Veteres le-

giones educere , aut acies cum hostibus
 committere , vel quidquam Reipublicæ
 agere Religio non permittebat , propterea
 vocabantur religiosi , & tristi omne infamia
 res , in quibus , & res divinas facere , &
 rem quamquam novam exordiri non lice-
 bat , cur autem dies primos post Kalendas ,
Nonas , & **Idus** , tanquam atros religiosè
Antiquorum plerique vitaverint , rationem
 assignat ex Ver. Flacco de sumpta Aul.
Gellius noct. atic. lib. 5. cap. 17. , his verbis ,
 „ Propter hanc causam atri dicuntur , quia
 „ Urbe à Gallis Senonibus recuperata L.
 „ Atilius in Senatu verba fecit ; Q. Sulpi-
 „ tium Trib. milit. ad Albiam adversus
 „ Gallos pugnaturum rem divinam dimi-
 „ candi gratia idus fecisse , tum exercitum
 „ Romani populi obsidione occisum , &
 „ post diem tertium ejus diei urbem præter
 „ capitolium captam esse , compluresque
 „ Senatores recordari se se dixerunt , quo-
 „ ties belli gerendi gratia res divina postri-
 „ diè Kalendas , Nonas , & Idus à Magistra-
 „ tu Populi romani facta esset ejus belli pro-
 „ ximò deinceps prælio , rem malè gestam
 „ esse

, esse ; Hinc Macrobius lib. I. Saturn. de atris hisce diebus ait : *omnes potriduani dies, seu post Calendas, seu post nonas, idusve, atri sunt, ideo, & nonas inbabiles nuptiis esse dixerunt.*

Dicuntur etiā multis dies Ægyptiaci, vel quiā illis diebus percussa fuit Ægyptus, vel quiā primi fuere Ægyptii, qui invenerunt dies cavendos, tanquam nefastos, & infortunatos ; hinc Nonæ etiā int̄atros dies numerabantur ab Antiquis quiā Meretrix post nonam in lupanari prostabat, ut monet Conr. Riterfusius com. ad Salvianum, undē Persius nonariam Meretricem sic vocat

Si Cynico barbam petulans nonaria vellat.
 & cūm Persio Stuchius in Antiq. Conviv. lib. I. nonariam dicit Meretricem, tanquam infaustam, ac omnino damnosam juvenibus, quos pessundant Meretrices, expillant, & ad miseriarum voraginem detrudunt ; De hac autē re plura curiosi dabunt Cæsar Calà de feriis quæst. 4., Aul. Gellius noct. atic., Macrob. Satur., & alii plures ; nos verò ad album, & ni-

grum redeamus. Nigros appellat Horatius eos qui in vitia cadunt, dūm canit.

Hic niger est, bunc tū Romane caveto.
Et nigrum prò mortuo accepisse videtur Servius dūm illud Eclog. 5. edisserens ait, *contrā Mortuos nigros dicimus*, hinc Juvenalis

..... & *populum nigros efferre maritos*. nām, & mortem nigram vocat Statius Theb. lib. 9.

..... & *nigræ præcedunt funera Mortis*. Album autèm viventis esse Symbolum docet Martinus de Roa singular. lib. 6. cap. 15. Alii nigrum prò malo, album prò bono usurpant, undè Persius

..... *per me sint omnia protinus alba*.

Et Juvenalis in 3. Satyr.

..... *qui nigra in candida vertunt*. nec non Ovidius cecinit

Candida de nigris, & de candardibus atra
quos explicare videtur Terentius in Phorm. cum ait

His pretium nunc est, qui recta prava faciunt.
Album insuper puritatis, fidei, ac castitatis, aliarumque virtutum est signum, undè reli-

religioni est accommodatum, hinc Cicero
2. de legibus ait: *Color albus præcipue decoru*s *Deo est*; idèque candidæ vester olim
in Sacrificiis erant in usu, cuius causam
reddunt Plato, & Plutarcus. Sicut au-
tem album virtutum erat indicans, ita
nigrum vitiorum, ac scelerum erat argu-
mentum, ut suprà innui; sic Rei in atra
veste prodibant, ut Corn. Lentulus Præ-
tor ob conjurationis facinus, & huc facit
illud Pythagoræ à *nigrum caudam habentibus*
abstine; cuius Symboli optimam explica-
tionem habet insignis noster Ferrarien. Co.
Franc. Bernius in suis Arcan. moral. pag.
44. De albis sententiis hoc est non obscu-
ris, & tenebricosis loquitur Adr. Turne-
bus in lib. 6. adversar. cap. 4. his verbis;
Asinius Polio apud Senecam Albutii senten-
tias, quæ apertæ erant, & faciles, appellat
albas. Nigrum interdum prò infausto, in-
fœlici, luctuoso, & inauspicato sumitur ab
Autoribus, ut è contrà candidum, sive
album prò fausto, fœlici, ac victoriæ si-
gno, undè qui re benè gesta in bello cùm
triumpho in urbem ingrediebantur in Cur-
ru

ru Equis albis tracto vehebantur; hinc pro-
verbium *Equis albis percurrere*.

Album colorem proprium libertatis esse:
docuit Lipsius in lib. I. elector. cap. 15. Id
autem, quod esset coloris albi ad boni na-
turam pertinere aiebant Pythagorici, quod
verò atro colore in duebatur, mali, cui
alludere videtur illud famosum Juvenalis
Adagium

..... *quia tu gallinæ filius albæ.*
de quò Erasmus, & Manutius; Quare
meritò posteà apùd Athenienses Sacra ob-
lætitiam quampiam faciens, alba veste in-
duebatur, ut de Demostene tradit Plutar-
cus in ejus Vita.

Olim fuisse consuetudinem apùd Cre-
tenses, ait Christ. Lambinus com. in Horat.
carm. lib. I., ut quot dies sibi fœlicitèr eve-
nirent, tot albos lapillos in vasculum co-
njicerent, nigros verò in iis, qui infœlici-
tèr evenissent, atquè elapso anno enume-
rabant albos, totidemquè se dies vixisse di-
cebant, undè Persius cecinit

Hunc Macrine diem numera meliore lapillo

Qui tibi labentes apponat candidus annos.

Non

Non solum Cretensium iste mos erat, verum quoquè Tracum fuit hæc consuetudo, ut scribit Plinius, & de his loquens Lambinus, ait *Traces eos dies, quibus secunda Fortuna lessent usi, jucundèque & beatè vivissent albo lapillo notabant, nigro contrarios: propterea dies fœlices, albos Soles vocabant, tristes verò nigros, quià illos albis, hos nigris lapillis notabant, undè Horatius in Satyr 9. canit*

..... *buncine solem*

Tam nigrum

suum casum deplorans; Catullus contrà Soles candidos usurpavit prò diebuslætis, & jucundis

Fulgere quondam candidi tibi Soles.

Candidam etiàm, hoc est fœlicem noctem vocat Propertius his carminibus

O me fœlicem, ò nox mibi candida, & ò tu

Lectule delitiis

immò Auroram candidam dixit Tibullus lib. i. Eleg. 3.

..... *bunc illum nobis Aurora nitentem*

Luciferum roseis candida portet equis.

Album pariter colorem hyemi convenire,

ob

ob nives candidas, ait Tertullianus in lib: de spectaculis; & Vests candidæ tanquam præmium Victoribus promittuntur in Apochalypsi cap. 3. his verbis; *Qui vicerit vestietur vestimentis albis;* de qua re vid. Picinel. in lum. reflex: part. 9. Candidam fasciam denique, tam Romanis, quam exteris gentibus, regium insigne fuisse à Libero Patre inventum testatur Plinius lib. 7., undè Tigranem Armenum candidam fasciam insigne regium antè Pompei pedes abiecisse, velut à Dominio se abdicantem, scripsere Dion Plutarcus, & Marc. Donatus in annotat. ad Ælium Lampridium.

C A P U T I V.

*De Termino convivii tubarum sonitu,
ac de Cedrinis mensis.*

Tubarum sonitum apud antiquos terminum convivii significavisse colligitur ex Tacito Annal. lib. 15. his verbis; *initia vigiliarum per Centurionem nunciari, convivium buccina dimitti;* undè Lipsius com.

com. ad loc. Taciti , & in lib. de militia Romana scripsit , *ut tempore convivandi cuncti Tibicines , ac Buccinatores ad Tentorium Ducis personent* ; hinc Atheneus lib. 4. Cœnam sponsalem , ac magnificam Carani Macedonis Tubæ sonitu terminavisse , meminit his verbis , *quod tandem extremæ cœnæ tuba signum editum est* ; Quapropter ego Macedonum morem universalem fuisse claudendi convivia tubæ sonitu deduco , maximè quia ipse Atheneus addit *Macedonum enīm tu consuetudinem non nescis in frequentibus epulis observatam* ; Atquè Ælianrus in var. histor. lib. 8; cap. 7. hoc de Macedonum usu ait : *Tubæ signo accumbebant , eodemque signo finem adesse significabatur* ; ex quibus ergo appareat tubæ sonitum finem conviviis apud aliquos veteres constituisse , quod sanè apud nos hodie minimè est in usu ; immò , multos Magnates , quando convivia incipiunt , tubæ sonitum indicunt , qui non nisi convivii termino , finitur .

Cedrinæ verò mensæ olim apud Romanos in pretio magno fuere , de quarum luxu scribens Plinius lib. 13. , ait *confines ei*

At-

Atlanti monti , Mauri , quibus plurima arbor cedri , & mensarum insania ; quas fœminæ contrâ margaritas regerunt ; istarum autem pretii ratio erat regionis distantia , cum apud Atlantem Mauritaniæ Montem harum materia reperiretur , quod testatur Martialis lib. 14. his verbis

Accipe fœlices atlantica munera Sylvas

Aurea qui deaerit dona minora dabit .

Figuram hasce mensas habuisse rotundam , ait Sthuckius lib. 2. antiqu. convival. Seneca etiam sui temporis luxuriam detestatus est , dum citri radices insanis licitarentur pretiis ad mensarum , & lectorum ornamenta , ex quâ Senecæ sententia multi eas è citro fuisse confectas sunt arbitrati , quidam tamèn contrâ , quod citri materies mensarum amplitudinis minimè sit capax ; Verior tamèn opinio , ut non è citro , que fert citrea , sed ex alia ejusdem generis , quæ in Anchorario Monte citerioris Mauritaniæ , & Atlante nascitur ; Citreorum istarum mensarum meminerunt Paulus Jur. Conf. , Tertulian. lib. de Palio sub finem , Hermol. Barbarus cor. in Dioscor. ,

Be.

Beroald. in adnot. ad Lucan. , & alii plures . Ciceronianarum etiā mensarum nomine insignitas fuisse cedrinas has tabulas à multis colligitur ex Dempstero ad Rosin. lib. 5. , & deducitur à Tertulliano lib. de Anima , qui sic scribit : *Quod mensis Ciceronianis infertur* ; undē Plinius habet verba sequentia : *extat hodie Tabula M. Ciceronis in illa paupertate , & quod magis mirum est illo ævo empta H S. undecim memoratur , & Asinii Polii H S. undecim venundata* . Maculatas autem istas cedrinas tabulas fuisse colligitur à Petronio in Satyric. dūm cecinit

..... *Ecce afris eruta terris
Citrea mensa , greges servorum , ostrumque
renidens*

Ponitur , ac maculis imitatur vilibus aurum .
Et maculas has non ad purpureos tapetes ,
ut ille loquitur , referto , sed ad citreas men-
tas , quæ quò maioribus conspicendiæ ma-
culis , eo cariores erant ; de quæ re videa-
ur Plinius .

C A P U T V.

De Tragœdia.

TRAGŒDIA, juxta Theophrastum est Heroicæ fortunæ calamitas; & suadente Scaligero est imitatio illustris Fortunæ, sine tamèn infelici, gravi carmine conflata, quæ definitio desumpta fuit ab Aristotele; Udenus Nisieli, sive Benedict. Fioretti magnus ille criticus vocat Tragœdiam purgatricem affectuum vitiosorum medio pietatis, & timoris, quod confirmare videtur Clariss. Muratorius in Perf. Poes. lib. 3. cap. 1.; Cùm ergo Tragœdia moveat animos auditorum ad pietatem, & sic pariat illam delectationem innocentem, & utilem, finem præcipuum Poetarum, hinc est, quod à funestis actionibus vim habet; Ità Scaliger ait, non in sola lætitia jucunditatem sitam esse, sed ex quacunque disciplinæ adeptione capi posse, discit enim spectator, quemadmodum picturarum, quoque facies horribiles,

ni-

nihilò seciùs spectantur , & juvant , unde
Jac. Mazzonus scripsit , Tragœdiam debere
in omnibus suis partibus impleri ærumnis ,
quod confirmare videtur noster Clariss: Pi-
gna , dūm inquit , illas Tragœdias magis esse
gratas , quæ in tristitiam mutantur , iste enim
magis docent ; hinc Cel Rhodiginus hoc ha-
bere proprium , ait Tragœdias , ut in adver-
sam desinant fortunam ; supposito igitùr esse
partem necessariam in Tragœdiis motionem
pietatis , quæ ut plurimùm provenit à mor-
te innocentibus illata , non incongruum
puto hic querere , an melius sit narratio
funesti facti , an verò ejus representatio ,
ad hoc , ut actio ducatur ad terminum suū ,
per terribile , & miserandum , sinè qui-
bus nequit haberi Tragœdia , quæ bona
sit . Horatius ad Pisones scribens docet ,
Medeam ante populum occidere non debe-
re suos filios : *Nec pueros corām populo Me-
dea trucidet* ; attamen per hoc non tollitur ,
ipsum Horatium aliquandò approbare pu-
blicas occisiones , sed tantùm illas vetare ,
quæ turpitè fiunt ; & sic noster Pigna dat
exempla , quæ ad tria capita referri pos-

E sunt

sunt , & hæc sumpta sunt à verbis ipsius Horatii ; unum est illud , quod non est efficax , aliud est illud , quod non est commodeum , tertium verò illud , quod non est possibile , & sic tantam vim puto non habere si Medea coràm populo trucidet filios , ac si hæc atrocitas narrata audiretur , dùm loca horroris , & miserationis melius exprimentur à narratore , qui id verbis ad pietatem accommodatis representet , quàm ab eadem actione , licet contrarium sentiat Paulus Benius innixus autoritati ipsius Horatii

Segnius irritant animos demissa per aures ,

Quam quæ sunt oculis subiecta fidelibus .

Sophocles autem , & alii antiquiores , in suis Tragœdiis meliora sequuti , nunquam induxere coràm populo atrocia facta ; Quantum verò ad non commodeum , parum sanè aptè coràm adstantibus v. g. Atreus proprios nepotes coqueret , ideoque melius est hujus sceleris narrationem afferre ; undè Poeta cecinit

(Atreus.

Aut humana palam coquat exta nefarius
Ad non possibile tandem refertur illud Prognis , & Cadmi , cùm prima in avem con-versa

versa sit , & alter in anguem ; sic Poeta

*Aut in avem Progne vertatur Cadmus in
anguem.*

Débet ergò in tragicis observari , quod quando nihil absurdum cadat coràm populo , tunc licet necem publicè representare ; Quod si plures sint in Tragœdia occisiones , illa in tali casu , narratori linquenda est , quæ præcipua putatur , & quando videbitur jàm satis pietatem , miserationem , & lacrymas motas esse in populo adstante ; tunc licebit extrà mittere nocentem , qui remanet , ut publicè semetipsum occidat , aut ab alio occidatur , ut egregie fecit in sua *Orbeche Gyraldus noster* , in hoc imitatus exempla antiquorum scriptorum ; sicquè fecit Clariss. Petr. Cornelius in suis Tragœd. , & Thomas , & Racine cum aliis illustribus Gallis Poetis .

Et hic notari debet , mortem scelesti hominis in Tragœdia semper intùs , & extrà Scenam accidere debere , quia tales mortes non excitant pietatem , & miserationem , ob Justitiam , quæ vult tales impios punitos ; sufficit autem , Auditores ,

eorum voces ultimas audire , aut historiam mortis intelligere ab aliquo nuncio , qua proptèr Lambinus supèr Horat. ait , quædam nimis atrocia , aut horribilia , aut visu fœda , aut incredibilia , non esse coram agenda , sed ea satis est ab histrione , quasi intus acta sint renuntiari , & hoc modo misericordiam commovent , aut terrorem animis inferunt ; Hinc valdè miratur Gyraldus noster ob Senecam , qui longè à precepto Venusini in sua Medea se tulit , tanto magis , quia ipse Aristoteles non comendavit Euripidem in tali actione ; Ut verò Tragœdia sit apta ad movendam pietatem , debet casus tragicus cadere in viros in parte bonos , & in parte reos , & ut ait Piccolominus in illos , qui stant in medio vitii , & virtutis , de quibus agit noster Gyraldus ; Intèr Tragœdias sanè primam sedem habet Oedipus Sophoclis juxta Aristotelem , quia Oedipus querens punire illum , qui patrem occiderat , & timens se comisceri cum Matre ; dum castigationem parat innocentis , & dum modum querit evitandi alium errorem , invenit , se esse illum , qui

in

in tām ēnormia delicta prolapsus fuit ; unde id quod illi accidit , multam comiserationem obtinuit , nām ille , qui talia flagitia abominabatur , incautē in ea incidit , dūm pōenam nocenti parabat ; Optimē igitūr ait Aristoteles , illud idoneum esse ad Tragœdiam , qui nec per virtutem , nec per justitiam , nec per vitium , cum sit in statu fēlici , ac tranquillo , de repente incidat in ærumnam , non voluntariē , & malitiosē , sed potiū imprudentē , ac inconsideratē , exemplo Œdipi , & Thiestis .

Non tantūm igitūr delectationem , sed utilitatem à Tragœdia , ut suprà dixi spectatores hauriunt , cùm enīm respiciunt aliorum exempla , veluti speculum proprię fortunę , & actionis , discunt correctionem morum , ab illis , qui in Scena representantur ; sicquè Theatrum , teste Doctiss: Ludov. Ant. Muratorio lib. 3. poes. ital. , evadit delectabile gymnasium bonorum morum , & amabilis Cathedra moralis lectionis , debet enīm longè ire ab hilaritate , ut monuit in Poet. Clariss. Franc. Dini . Tragoediæ verò pulcherrimę compo-

sitio, ut ait Aristoteles in Poet., non debet esse simplex, sed implexa, & terribilium, & miserabilium immitatrix; unde eodem suadente Aristotele, Tragœdia melior est, & multò perfectius Epopeia finem suum assequitur; Quodnam autem Tragœdiæ genus laudabilius sit, num scilicet quod lætum habeat finem, an verò quod mestum, & miserandum, idest, an melior sit Tragœdia ad lætitiam, quam Tragœdia ad mœrorem; breviter quod sentio exponam.

Duo videntur esse textus Aristotelis, in quibus precipue judicat de Tragœdiarum dignitate; in uno docet, Tragœdias ad mœrorem, idest exitus infœlicis, pulcherrimas esse, in alio verò, optimam vult esse illam Tragœdiam, in quâ atrocitas non consumatur, nequè perficitur, sed impeditur cum exequi deberet; Verum si attentè consideretur cum Clariss. Crescimbenio finis Tragœdiæ, qui ut suprà dixi, est purgare humanos affectus medio timoris, & pietatis capte à miserabilibus aliorum casibus, per consequens dicendum erit,

erit , Tragoëdiam finis infœlicis , & mæsti potiorem esse Tragœdia læti finis , quia dolor , & mœstitia imprimunt atrocitatem actus representati in spectatorum ideam , cùm qua isti discedunt à Theatro , & sic animus humanus melius purgatur , quod sane non accideret , si lætum finem habere Tragœdia , quia Gaudium de facili expellit terrorem , per quem animi purgatio derivat ; adeoque optimè ait Paul. Beni supèr Poetic. optimam esse illam Tragœdiam , quæ ex fœlicitate in infœlicitatem mutat humanam fortunam , sic Oedipus qui Rex erat , ac fœlix reputabatur , verè à fœlicitate migravit ad infœlicem statum , dùm Regnum in exilium mutavit , ac cœcitatem , cuius Oedipi Tragœdia ab Aristotele omnibus aliis Tragœdiis anteponitur : Non per hoc autem dicitur , Tragœdiam illam malam esse , quæ non tam atroces casus in se contineat , videmus enim , Aristotelem commendare Iphigeniam in Tauris , quæ absquè dubio crudeliter incipit , sed intercedente agnitione mutatur ; sic pariter valde commendabilis aparet

Meropes Illustrissimi D. Marchionis Scipionis Maffei Poetæ eruditiss. hoc Anno 1714. Venetiis tanta fama , & plausu publicè ad multas vices representata , licet extinto Tyranno Polifonte lætum finem agnoscat , Filius .n. Meropis evasus à mortis periculo de repente ad Paterni Regni Fortunam evehitur ; Duas autem esse partes Tragœdiæ , ait Paulus Beni in Aristot. Poetic. , nempè nexus , & solutionem , quibus addendæ sunt Inventio , Dispositio , & Elocutio , quæ omnia si ritè , & juxta regulas Aristotelis exerceantur à Poeta , procul dubio bona habebitur Tragœdia ; oportet siquidem , ut docet Petr. Victorius , Poetam curare , ut prædictus sit facultate præclarè tractandi omnes illas partes , omnesque coagmentationes , & diversas species fabularum , ut cùm opus sit , valeat egregiè mores exprimere , & argumentum , in quò præsertim requiratur industria Poetæ , cùm laude exequi , & res luctuosas , in quibus existunt vehementes motus animorum , eximiè itidem conficerre ; uti antiquis Temporibus fecerunt So-

pho.

phocles , & Euripides , atquè alii plures
Tragœdiarum Magistri tūm Græci , tūm
Latini , nec non recentioribus Sæculis ita-
li nostri , qui cothurnos æquè benè , ac Græ-
ci , & Latini , tractaverunt fœlici Musa-
rum comertio , prospero eventu , & plau-
dente Fortuna ; hujusmodi fuere Trissinus
in Sophonisba , Tassus in Torismondo ,
Gyraldus in Orbeche &c. , Bonarellus in
Solimano , Campegius in Tancrede , Spe-
ronius in Canace , Co: Dottori in Aristot-
demo , & nuperimè suprà citatus Marchio
Maffeius in Merope , & Petrus Jacobus
Martellus Bononiensis in Proculo , atquè
aliis Tragœdiis nova Italicorum carminum
specie exaratis , in quibus summa Autoris
peritia elucet . Obiter autem notandum
cum Mart. del Rio , Poetam curare sum-
moperè debere , ut totius Tragœdiæ perio-
dus , sit actio unius potissimum Diei , vel
paulo plus , minusvè , & Aristoteles hoc
disertè præcipit , & veteres omnes facti-
tarunt , undè Æschilus , teste Suida , re-
prehensus fuit , quià Niobem triduò exi-
buerit ; in quinque porrò actus dividi de-
bet

bet Tragœdia ex Venusini præcepto

Neve minor, neu sit quinto p̄oductior actu.
 & isti actus sunt quasi singula Tragœdiæ
membra, quibus singulatim partes illius
 exhibentur; Hinc patet unumquemque ac-
 tum partem aliquam fabulæ absolvere de-
 bere, ita tamèn, ut à præcedente subse-
 quens quodaïmodò trahatur, utquè res non
 dissipata, ac disiuncta, sed aptè distribu-
 ta videatur; cur autèm quinquè tantùm
 sint actus Tragœdiæ, causam referendam
 esse in Poetis, ait Donatus in Poet. lib. 2.,
 quibus scilicet talis partitio placuit; nisi
 potius isti per quinque actus fortasse, ho-
 minum vitam adumbrare voluissent, quæ
 scitè admodum comparatur cùm fabula,
 undè rectè Apulejus de comico Poeta, qui
 datus in Theatro fabulam repente in-
 terierat, renunciavere, inquit, *Pbilemo-*
nem Poetam jàm domi veram fabulam consu-
masse; Vita enīm hominis antiqua divisio-
 ne in quinquè partitur ætates; Per hoc
 autèm non nego, posse etiā fieri bonam
 Tragœdiā ex tribus Actibus tantūm;
 duīmodò sit juxta præcepta Aristotelis con-
 flata;

flata ; An autem Tragœdia soluta oratione, an verò metro sit conficienda querunt aliqui, ad quod respondet Gyraldus, Tragœdias, & Comedias versibus esse exarandas, ad hoc, ut laudabilitèr compositæ appareant. Plura de Tragœdia cupienti dabit Illustriss. Crescimbenius Domin. meus semper colendus.

C A P U T VI.

De Genio, & Laribus.

Genius à gignendo sic nuncupatur, quià nobiscum gignitur, vel nos genitos suscipit, & tuetur, undè natalis Deus dicitur ab Illustriss., & Reverendiss. D. Phil. à Turre Adrien. Episcopo digniss. ; A multis vocatur Deus naturæ, sic genio indulgere, geniumque defraudare passim dicitur; Antiqui duos Genios unicuique tribuere; Bonum nempe, & Malum; Primus qui ad opera bona horabatur, secundus qui ad mala concitabat; Ita Censorinus de die natali, ait:

Ge-

Genius est Deus, cuius in tutela, ut quisque natus est, vivit, qui ab utero matris exceptum ad extremum vitæ diem comitatur. Hunc autem Deum placare erant soliti Antiqui Gentiles floribus, & vino, undè Horatius canit

..... *Sylvanum lacte piabant
Floribus, & vino Genium*

Aut juxta Tibullum lib. 4. Thure
Magne Genj, cape thura libens, votisque faveto.

Insuper erat, & loci Genius, cui sacra reduces faciebant, ut esset propitius; Ita Virgilius de Ænea Italiam ingresso ait

..... *Frondenti tempora myrto
Implicitat, & geniumq; loci, primamq; Deorum
Tellurem, Nymphasque, & adbuc ignota
precatur*

Numina

& Calphurnius Poeta antiquus cecinit
*Pone focum, Geniumque loci, Faunumque,
Laremque*

Salso farre voca

Fuit quippe è disciplina veterum, ut colerent Deum loci, ad quem accederent, & hunc

hunc vocavisse Genium Loci, ait Lacerda
sup. Virgil.

Jurare pariter per Genium Cæsaris, vel Principis maximum juramenti genus erat apud veteres Gentiles; sic Tertullianus in *Apologetico*. scripsit: *citius apud vos per omnes Deos, quam per unum Genium Cæsaris peregrinatur*; undè Minutius Fœlix in *Octavio* pariter ait: *tutius est per Jovis Genium peregrinare, quam Regis*, & rationem assignat Woverus in *not. ad cit. Autor.*, qui perejantes per Deos non puniebantur, at per Principis Genium fustibus castigabantur; ut etiam monuit Lipsius ad Tacit., & Elmenorstius super Minut. Fœl.

Relicto autem Genio, ad Lares me converto, qui erant Dii Domestici ex Mercurio, & Lara Nympha geniti, de qua generatione vid. *Mithologi*; Methonymicè pro Domo ipsa sumuntur, & ab Autribus usurpantur; Apud Plautum familiaris est Lar, qui certæ Domui, ac familiæ preest. De Laribus intelligit Ovidius; in lib. 2. *Fastor.*

..... *qui compita servant,*

Et

Et vigilant nostra semper in urbe Lares.
 istis Diis discedentes vale dicebant antiqui, & revertentes eos pariter salutabant, & adorabant, undè Terentius in Phorm. act. 2. ait.

Deos Penates, hinc salutatum Domum divertar.

Laribus autem vinum, & Thus offerrebatur ab Etnicis, & variis etiam florum coronis exornatos Lares ipsos fuisse monet Hildebrandus, hinc Tibullus cecinit

*Rure puererno primum de flore coronam
Fecit, & antiquis imposuit Laribus.*

& Juvenalis in Satyr. xii.

*Laribusque Paternis
Titura dabo, atque omnes violæ jactabo
colores.*

Plura de hac re legantur apud Carol. Pascaliū in suo pulcro opere de coronis, & apud Illustriss. D. Com. Silvestriū in notis ad Juvenal. egregiè exaratis.

C A P U T VII.

De Strenis.

STRENA, cuius meminit glossa in l. laudab. cod. de Advocatis, munus significat, quod Advocatis, & Amicis dabatur; istarum autem origo, quia fœlix annus ominabatur, ipsius auspicio, & initio à Tatio Rege manavit, si Adriano Turnebo fides habenda est, qui Rex primum Romuli hostis, deinde collega in Regno Romano fuit; hoc, quia, & strenæ ne hoc quidem tempore exoleverunt literis mandare voluit, ut, & antiquitatem rei intellicat Lector, & sciat Authorem istius moris; Hinc Symmachus in quadam epistola sic scribit; *ab exortu urbis martiæ strenuarum usus adolevit Tatii regis autoritate,* &c. Aliqui strenas à Verbo strenuo derivare volunt, eo quod strenuis viris ob virtutem conveniebant; Lipenius verò à Dea *Strenia*, sive *Strenua* Strenas derivatas esse dicit

Stre-

Strenæ Romanis , & Sabinis erant propriæ; Alia munera Principum , Persis cum reliquis orientalibus comunes fuisse aiunt ; Ista vero certè de quibus Ælianus Xenia potius , quæ Strenæ erant , quæ dabantur prima Januarii die , Kalendis enim Januarii sacris litabant , & omnem Religio- nem renovabant , auguria capiebant , & ad Deorum pulvinaria ibant , multa ani- mi submissione , sive rectius superstitione , ob tantam ergo istius diei religiositatem , strenæ distribuebantur , & tanta erat ha- rum solemnitas , ut luctus publicus cessa- ret , de hoc enim narrat Ælius Spartianus , quod Ælius Verus prohibuerit , strenarum causa , ne Commodum mortuum circà Ka- lendas Januarii lugerent . Hac die novi *Coff* dicebantur annum aperire , annum designare , ac fastos resserare ; Ista autem munera , quæ sub strenarum nomine Amici , Amicis Kalendis Januarii nna cùm votis offerebant , adhuc perdurant , no- stris enim temporibus ad Anni principium , salutem prò toto Anno præcantur , & stre- nam poscunt , ut vulgò dicitur *buona ma-*

no,

no, ò sia mancia di Natale; undè apud Martin. Lipenium in suo lib. de Stren. Italos singulis annis in Kalendis Januarii strenas pueris, servis, & aliis, boni ominis gratia, exhibere, & munera hęc tradere solitos esse legitur; imò institutis Baccanalibus, chōreas ducunt, saltant, personati per civitatem incedunt, convivia splendida parant, & quoquo modo insaniunt. Strenæ autem variæ antiquitùs fuerunt; primò scilicet herbaceæ, posteā in ære, argento, in auro signato, in annulis, in vestibus, in librīs, in Vino, in avibus, in pateris, & in carminibus, & istæ carminum Strenæ poeticæ dicebantur, quarum exempla exhibit ci-tatus Lipenius.

C A P U T VIII.

De usu Lucernarum ad Fenestras.

IN publica lætitia, & in sacris Feriis appendere luminaria ad januas, & fenestrās, usus est antiquissimus apud Hebreos, Græcos, Romanos, & Ægyptios; sic Persius

Herodis venere dies, undeque fenestra.

Dispositę pingue nebulam vomuere lucernę.
 & hoc dicit, quasi esset vitiorum sui aevi
 gravis castigator, & sic Romanorum levi-
 tatem arguit, qui se Judeorum supersticio-
 nibus obligaverant; Hebræi siquidem in
 suis Sabbatis talem lētitiam adhibebant,
 quem usum ab Ægyptiis acceperant; He-
 rodotus enīm ait festum diem egisse Ægyp-
 tios lucernis impositis, & à Græcis dice-
 batur festum luminum; huic usui allusissime
 Juvenalem puto in Sat. 12., dum canit

longos erexit janua ramos,

Et matutinis operatur festa lucernis. dia
 alii ità legunt

Et matutinis operitur festa lucernis. dia
 supèr quem locum, ità scribit Lubinus:
*Ex consuetudine hoc ait, Poeta, quā in om-
 ni publica, & privata lētitia receptum erat,
 januam ornari lauro, & lucernis.*

Ovidius in Epist.

Undique colluent præcinctæ lampades auro.
 Seneca in Thyeste Act. I.

*Ornetur altum columen, & lauro fores.
 Lætæ virescant, dignus adventu tuo.*

Splen-

Splendescat ignis

Claudianus de Nupt. Honor.

Plurima venturæ suspendunt lumina nocti . . .

& Statius de Stellæ nuptiis lib. 1. Sylvar.

*Fronde virent postes , & fervent compita
flammis*

Mos autem iste appendendi fenestris lumi-
naria apud Sinas in festis , & publica læti-
tia observatur , ut ait P. Mapheus lib. 6.
histor. ind. his verbis ; *Parietes , fornicesque ,*
viridi fronde , micantibus rosis , & pretioso pe-
riphromate vestiuntur ; Fragrant odoramentis ,
ac floribus viæ ; accensis funeralibus , ac laternis
arbores , pergulæ , fenestræ collucent , &c. ;
Quin , & talis consuetudo apud veteres
Christianos invaluit , teste D. Paulino Natal.
S. Fœlicis 6. dum canit

Muli iforesq; cavis lychnos laquearibus aptent ,

Ut vibrent tremulas funeralia pendula flamas .

Viget pariter , & hic mos comedabilis
apud nos , & vel ob adventum Principis ,
vel ob Summi Pontificis creationem , vel
ob festum Sanctorum , super fenestras do-
morum noctis tempore apparent accensæ
lampades in tali copia , ut totas illustrent

Plateas , ac illuminent Vias ; ità visum fuit ob festum Canonizationis nostræ Sanctæ Catharinæ Vigriæ Ferrarien. , Monialis Illustris Ordinis S. Claræ , dūm 22. Mensis Octobris Anni 1712. in Nocte , tota nostra hæc Civitas illuminata fuit , ità ut quælibet etiā parva fenestella proprias haberet lampades ; adeoque nox illa clarior esset die ipso , atquè potest justè dici illud festum , & quod ad luminaria , & quod ad alia pomparum genera , singulare in nostra Urbe , saltem nostris temporibus .

C A P U T IX.

De Fibulis .

Fibulam dicit ornamentum cinguli ad subligandam vestem , tām virilem , quam uxoriam , in suo Lexico juridico Calvinus ; cuius mentionem facit Plinius , & Bayfius ; moraliter autem Seneca dixit Fibulam imponere , prò eo quod est coercere , & reprimere ; hujus contrarium est laxare fibulam , hoc est ansam mini-

stra-

strare, aut fenestram aperire; undē Tertullianus de cor. milit. ait; *ut etiām delictis fibulam laxet*; Propriè verò loquendo fibula à verbo latino *fibo* derivat, vel à verbo *fibulo*, à findendo autem fibulam dicit Scaliger, quasi findat id quod perforat; certè autem fibulare conjugere significat, undē Columella lib. i. ait *omnesque parietum, & soli juncturæ testaceis pulvinis fibulantur*. Intelligit hic autem Columella de fibula architectonica, de qua Vitruvius lib. i. tractat, quæ cùm ferrea sit, tigna conjugit; tria enim esse fibularum genera, ait Casalius nempè Architectonicam, Vestiariam, & Gymnasticam; Vestiaria fibula, est propriè circulus, & ornamentum cinguli ad vestem subligandam, & hanc fuisse in numero ornamentorum muliebrium inquit Prudentius

..... *crinalis acus, redimicula, vittæ,*
Fibula, flameolum, strobium, diadema,
monile.

Viris etiām ornamenti fibulæ fuere in Penulis, Clamide, Toga, Paludamentis, & Palio; hodie talis est fibularum usus, ut

calceamenta etiā stringant, & ornent. Fibulæ porrò ex ferro, orichalcho, argento, auro, ære, ac g̃emmis ornatæ apparent, sic de ferrea mentionem agit Quintilianus lib. 6., de Ænea Festus de verb. signif. his verbis: *propter æris usum antiquissimum fibulis*; Argentea utebantur milites mediocris fortunæ teste Casalio, aurea fibula Aurelianus primus usus fuit; & de hac Virgilius in 4. Æneid. cecinit.

Aurea purpuream subnectit fibula vestem.
de Gemmata Imperatorum fibula meminit Trebel. Pollio in Gallieno; *Gemmatis fibulis*, & aureis usus est.

& Virgilius in 5. sui Poematis
..... lato quam circumpletebitur auro

Baltheus, & tereti subnectit fibula gemma.
Curiosa est Fibula, quæ Gymnastica à non-nullis dicitur, quæ Cantoribus, & Comœdis præcipue inserviebat; hæc siquidem ponitur à Casali prò circulo æneo, quo virilia adolescentorum solebant coerceri vocis conservandæ gratia, quæ ex Veneris usu asperior redi solet; undè Corn. Celsus de Re medic. lib. 7. ait: *Infibulare quoque*

què adolescentulos interdum vocis , interdum
valetudinis causa , &c. , de hac meminit Ju-
venalis Sat. 6.

*Solvitur bis magno Comedi fibula , sunt quæ
Chrysogonum cantare vetent .*

Paritè Athletas , etiàm in Palestra pu-
gnantes fibulam usurpavisse , docet Mar-
tialis lib. 7. Epigr. 81.

*Dum ludit media populo spectante palestra ,
Delapsa est misero fibula
de quibusdam fibulis inventis ad venereum
concubitum impediendnm ab Antiquis Ze-
lotypia correptis , quibus mulierum puden-
da coercebantur , mentionem facit Henr.
Salmutus in not. ad Pancirollum ; quem
usum etiàm memorat Martialis lib. 14. ;
hic autèm immorari nolo , dum res est pa-
rùm honesta .*

C A P U T X.

De Analectis, & Lictoribus.

ANalecta sunt reliquie, quæ cadunt ē mensa, dūm comeditur, ità suadentibus Turnebo, Stephano, Calvino, & aliis; quæ in solemni, lautoque convivio in terram decidunt, & propriè sunt Quisquiliæ Ciborum, quas tollere nefas erat, cùm Amicis defunctis, atquè Heroibus essent consecratæ, undè, & peculiare apud Ethnicos sacrificium fuisse, legimus dictum Protervia, in quò igne consumebatur quidquid ex epulis superfuisset; & ità debere intelligi elegantem illum locum Catonis apud Macrobius, ait Hildebrandus, nàm cùm quidam nomine Q. Albidius sua bona comedisset, & novissimè domum, quæ ei reliqua erat, incendio perdidisset, *Proterviam* eum fecisse dicebat Cato, quod comesse non potuerit, id combussisse. Analectæ autem servi dicebantur, qui reliquias cenæ, aut ea, quæ ceciderant de

de mensa colligere solebant, ut legitur in
lexic. Juridico. Præterea Analectæ sua-
dente Jos. Laurentio etiā illi dicebantur,
qui lectione multa exercitati memorię essent
firmissimę, ut quidquid legerint, & au-
dierint scirent; Lictores verò in historia
Romana illi servi erant, qui fasces virga-
rum ligatos cùm securibus Magistratui pre-
ferebant, ejusquè jussu delinquentibus pla-
gas ingerebant; istis usi sunt Magistratus
maiores, qui potestatem, ac imperium ha-
buere; Lictorum porrò munus erat, ut
populum summoverent, sontes virgis cæ-
derent, & securi ferirent; differunt autem
à Carnifice, per hoc, quod Lictor tantum
in Cives romanos agebat, perduellesquè vir-
gis, & securi more majorum percutiebat:
Carnifex autem crucifigebat, strangulabat
gullam frangebat, & alia supplicia servis,
peregrinis, & illis, qui Cives non erant ro-
mani, irrogabant; & hanc distinctionem
Lictoris à Carnifice exhibet Poletus in hist.
for. rom. lib. 5. cap. 14. Plura de Lictoribus
dabit Lipsius in Elect., & Illīmus D. Anto-
Bombardinus in lib. eruditiss. de carcere.

A. D.

ADVERSARIORUM JOSEPHI LANZONI

LIBER TERTIUS.

AD ILLUSTRISSIMUM
D. SEBASTIANUM
ROTARIUM

Medicinae Doctorem Veronensem eruditiss.

C A P U T . I.

De Juramentis.



Uramentum affirmatio est , vel negatio , sacre rei assertione , vel attestacione firmata , ut tum maximè jurare dicamur , cum Deum invocamus testem ; & hoc multiplex est , Voluntarium , & fiebat absente Judice , quando pars parti deferebat juramentum ; Aliud dicitur ex conven-

ventione. Tertium est necessarium, de quibus Juriſtē consulantur, sicuti de juramento affectionis, hoc est in litem jurare; De juramento Calumniæ mentionem faciunt Doctores, quod juramentum præstatur de bona conscientia, suæque causæ bonitate, quām quis opinatur, & dicebatur olim, quod litigatoribus ita deferebatur, ut actores quidem jurarent, se non calumniæ causa litem intendere; erat etiām aliud juramenti genus, nempè per depositam pecuniam, de quo meminit Alex. ab Alexand. lib. 6. Gen. dier. cap. 4., & hoc erat, ut si quis peteret quod inficiaretur, dubia argumentorum fide, ambo, petitor, & reus, æreos quingentos apud Pontificem depонerent, quod juramentum dicebatur, & demum rē discussa victor prō quō staret iuditium, nummos reciperet, victi verò ad ærarium ferebantur.

Notat autem Poletus calumniæ juramentum, de quō paulò ante, sublatum fuisse propter periurii metum, cùm ex philautia ferè semper plus æquo suæ causæ favent litigantes.

Pon.

Pontificibus Gentilium non licuisse jurare per Liberos, sed per Deos, ait Alex. ab Alexand. lib. 2. cap. 8.

Judices jurare solitos fuisse in leges advertit Ascon. Pedianus in 2. in Verrem, antè quam judicarent; idemquè affirmat And. Tiraquellus in not. ad Alexand.

De juramento Magistratum meminit Cor. Tacitus, inhibitum enīm fuerat oīm prò Magistratu aliquid agere, nisi priūs sacramento adactum esset, quod ideò cautum ferunt, ne spe, & cupiditate improba honores assumerent, jurabant enīm apùd Consulem solemne iusurandum per Deos; posteā ut in acta Principum jurarent Cæsarum temporibus servatum est.

Varias, & curiosas jurandi formulas apùd Antiquos, refert Alex. ab Alex. lib. 5., ut per terram, per amnes, per fontes, per undas fluentes, quod sanctissimum juramentum fuisse Græcorum veteres credidere, ut videre est apùd Plutarcum in vita Demostenis; de juramento per regium Sceptrum meminit Homerus lib. 1. Illiad.

..... *super magnum iusurandum juro.*

Cer-

Certè per hoc Sceptrum

Athenienses per Isidem jurabant , & Thebæi per Osiridem in nubibus existentem , teste Diodoro lib. i. Scitas per Ventum juravisse monet Lucianus ; Traces per Mercurium juravisse , ait Herodotus lib. 5. Perfas per Solem , teste Æliano ; Ægyptios per alium , porrum , & cæpas , velut per Numinia , undè Juvenalis Sat. 15.

*Porrum , & cæpæ nefas violare , ac frangere
morsu ;*

*O sanctæ gentes , quibus bæc nascuntur
in hortis*

Nomina

Zenonem per Capparim sua juramenta fecisse , ait Laertius ; De juramento Jonum per Crambem meminit Athenœus ; Socrates per Canem , & per Platanum Tertullianus , Laetantius , ac Philostratus meminere ; Sophocles per Castorem , & Polucem jurabat si Straboni credamus ; Ætyopes per Defunctorum suos , quorum corpora vitro servabant juravisse , ait Alexand. ab Alex. Frequens apud Romanos juramentum erat per Deos , per Cœlum , & Terram , Sydera ,

dera , ac mare , per Genium Principis , de quo suprà ; per caput suum , &c. , de quibus plura cupienti dabit cit . Alexander . lib . 5 . cap . 10 . Solummodo nequeo præterire curiosam jurandi Romanorum formulam à Livio relatam in Dec . 3 . lib . 2 . , ubi de Scipione ait , quod cùm in hospitium Metelli venisset , & cùm concilium ibì jumentum invenisset , stricto supèr capita consultantium gladio ; Ex mei animi sententia , inquit , juro , ut ego Rempublicam non deseram , nequè alium Civem romanum deserere patiar ; si sciens fallo , tūnus Jupiter Opt: Max. , domum , familiam , remque meam pessimo Letho afficiat . Notandum porrò soli Flaminii jurare non licuisse , ut testantur Fest. Pompejus , Plutare . ; & Livius . Censorum autèm munus apùd Romanos varium cum esset , ità circà morum disciplinam versabatur ; & præsertim in cohibendo epularum sumptu , in perjuriis castigandis , atquè in cognoscendis juramentis ; notat enīm Gellius jurementi cognoscendi jus ad Consulum Magistratum spectavisse ; Quomodo autèm jura-

jurarent Milites, & quomoddū veteres
solerent jurare totius Exercitus nomine,
docet in lib. i. cap. 20. Gen. Dier. Alexand.
ab Alex., & post eum Tiraquell.

De modo jurandi tactis aris, meminit
Horatius

Jurandasq; tuum per nomen ponimus aras.

Jurare in alterius pernitiem, & jurare in
leges alterius, confuevere veteres; de pri-
mō Ovidius in Epistol.

In me jurarunt somnus, ventusq; fidesque;
de altero Plinius de vir. illustrib. meminit:
*Aqua, & igni interdixit, ei qui in leges suas
non jurasset; Similiter jurabant in verba al-
terius, de quō juramento loquitur Livius:*
*Citati milites nominatim apud Tribunos mili-
tum in verba P. Scipionis jurarunt, & nunc
etiam dicitur jurare in verba Magistri, de
eis, qui clausis oculis aliorum opiniones
sequuntur.*

Nunc, relictis Etnicorum juramentis,
aliquid de juramento Christianorum deli-
bandum est. Jurare enim Christianè sum-
ptum, ut ait Ambros. ad Valent. Imper.
est ejus quem testare fidei, praesulem Divinam
poten-

potentiam confiteri; vel clariū est invoca-
tio divini nōminis in testimoniū alicujus
rei; ut inquit Paul. Layman. Spontē au-
tēm, & sinē necessitate jurare, vel falsum
jurare peccatum est, juxta Lombardū,
ex necessitate autēm jurare, vel ad asse-
rendam innocentiam, vel ad pacis fœde-
ra confirmanda, vel ad persuadendum au-
ditoribus, quod eis utile est, malū non
esse, ait cit. Lombard. In primitivā verò
Ecclesia per altaria, Evangelium, reli-
quiās Martyrum jurari legimus, sic apud
Reginon. Thessilo per Corpus Dionysii,
Germani, & Martini juravit. Apud S. Pe-
trum Damianum Wido Archiepis. ad S.
Altare juravit, & Arnulphus manu supèr
S. Evangelium posita juravit: *sic me Deus
adjuvet, & ista S. Evangelia*; Clerum etiām
suū tactis S. S. Evangelīis jurare fecit, ut
hodie apud nos etiām fit; immò sāpē ta-
cta qualibet pagina Notariorū, jurare nos
dicimus; & Sacerdotes apud nos jurant
tacto pectore sacerdotali.

Eduardus Rex Angl. autore Arndio, in
suo lexic. jurare solebat pèr Deum, & Ma-
trem

trem ejus; Apud Gregor. lib. 5. Epist. 33.
hæc jurandi formula legitur *Juro per Pa-*
trem, & Fil., & Sp. Sanct., & Corpus
B. Apollinaris Martyr.

Concil. Eliberit. can. 52. vetavit, ne
Pueri antè annos 14. jurare cogantur, &
Concil. Tribur. de controversia intèr Lai-
cum, & Presbyterum, ait,, Laicus per
,, juramentum si necesse sit expùrgetur;
,, Presbyter autèm vicè juramenti per
,, S. Consecrationem interrogetur, quià
,, Sacerdotes ex levi causa jurare non de-
,, bent.

Cuspinianus refert, Othonem Magnum
Imperatorem more veterum Germanorum,
barbam in pectus promissam gestare sole-
re, & per eandem, si quandò serio loque-
batur, jurare.

C A P U T II.

De Tabaco.

A Brasiliensis, juxta Tevetum, Tabacum vocatur *Petum*; ab Americanis dicitur *Petick*; ab Hispanis *Nicotiana* nuncupatur à Jo: Nicot. ; qui temporibus nostrorum Avorum hanc plantam primò tulit in Gallias , quàm Reginæ donavit , undè à multis dicitur *Erba Regina*; hoc accidit autem anno Sal. nostræ 1559.

Ideoque Maximilianus Zavona Tabacum etiā nomen ferre ait herbæ Caterinariæ à Reginæ nomine , vel Mediceæ ; eo quod Catherina Medices nuncuparetur .

Dodoneus vocat hanc plantam Hiosquium Peruvianum , Camerarius dicit plantam indicam vulnerariam , & Lugdunenses in Gallia Buglossam antarticam vocant.

Tandem aliqui , dicunt Tabaci plantam , Panaceam , Lanam sanctam , Piperinam , Petebecenam , alii Onosmion Æginetæ , & Anguelmoisinem , & Uppovochum;

In.

Insupèr acquisivit nomen herbæ Sanctæ Crucis per hoc , quod Prosperus Sancta Crux Sedis Apostolicæ Legatus apùd Lusitanos , eam tulit primus Romam , teste Clariss. nostro Aloysio à Fabra in Diss. de Peto.

Dicitur verò Tabacum , à *Tabac* insula Floridæ , ut monet. C. Hoffman. Primus in Europam semen ejus detulit Thevetus , in Lusitaniam misit Franc. Hernandez , sicut in Hispaniam ; in Angliam primus Tabaci semen contulit Franc. Draeck Anglicus argonauta .

Quatuor sunt ejus differentię, juxtà Manganum de Tabac. , nempè Masculum , & Fœminam , minus , & Tabacum Arabicum ; de quibus differentiis legatur citat. Mangenus ; De hujus plantæ descriptione concinna legi possunt apùd Monard. , Schroder , Bavhin. , Neander , Alstedium , Rajum , & Mangetum in sua Bibliot. Pharmaceut. lib. 19. Hic notandum , apùd Indos perpetui viroris esse Tabacum , in Europa verò non itèm , & licet hanc plantam siccitatem magnam , hoc est particulas Salino-

Sulphureas habere putetur , attamen , ipsam aqua gaudere certum est ; Zenonem , pulveris Tabaci ignarum , ut pararet mentem ad studia Eleborum pulverizatum per nares assumpsisse notat cum Gellio Illustriss. D. Ant. Maria Salvinus in Academ. Sermon. , qui inter laudes datas pulveri nicotianæ , ait istum Amicitiam conciliare , & ad instar Vini lætitias humano generi afferre ; cujus Tabaci dotes poeticè exartas , suavis musa Clariss. D. Hieronymi Barruffaldi Amici mei carissimi , omnique virtutum genere instructi , dabit in suo Diptyrambo de Tabaco .

Fumum Nicotianæ accensæ per tubum in os attractum , cujus frequens est hodie usus , vel potius abusus , aliqui damnant , inquit enim Hoffmanus , se vidisse cadavera , quorum capita dissecta exhibere cerebrum interius nigri coloris ; quod idem affirmit D. Boucheret apud Rajum ; Alii verò hunc usum laudant , quatenus lympham excrementitiam ellicit , & catharros exsiccat , undè evacuatis oris , ac faucium glandulis , dentium dolori , & capitis gra-

ve-

vedini auxiliatur, insuper aiunt aliqui ventriculum corroborare, concoctionem promovere, & aluum leniter solvere, quod, an sit verum, fides sit penes eos; certe tamèn scio, multos esse, qui ad longum tempus tali fumo utuntur, & nullum sentiendo nocumentum, vitam longam protrahunt fani;

Foliorum pulvis naribus attractus, qui mos in nostra Italia usitatissimus est, vires addit, animum auget, & ad labores tum animi, tum corporis facilitè tolerandos maximè facit, dummodò modus non excedatur, referente Hernandez; qui autor etiàm addit, puluerem hunc per nares assumentes, verbera, & cujusvis generis supplicia minimè sentire, quod ego nequamè concedo; Advertit autem Zavona, omnes illos, qui potatores vini dicuntur, qui propriè, non ut vivant nati sunt, sed, ut bibant, celebres esse etiàm tabacarios, idest magnam hujus pulveris copiam assumeret, & rationem addit ipse citatus Medicus, quia Tabacum assumptum sitim patit; ideoque aliqui putant puluerem tabaci

ci non deonerare , sed potius caput onera re , & ita ipsum cerebrum debilitare , un cum aliis sensibus , adeoque mortem accelerare dixit citat. Zavona pag. 49. , imm nonnulli ex Peto oleum parant , quod est validissimum venenum , ut testatur Dom Redi , & post illum Ego in meo de Vene nis Tractatu non dum impresso .

Licet verò tot damna ex ab usu Nicotianæ oriuntur ; attamen , sua affert juvamenta hæc nobilissima Planta humano generi ; Sicut Folia sua viridia , contusa , & apposita sedare podagræ dolores , ait Rajus . Ad calculum abigendum aquam nicotianæ multum valere scribit Zacutus ; ad dentium Dolorem fugandum tabacum calcinatum in crucibulo valde validum esse inquit in sua Bibliot. Pharmac. Clariss: Mangetus omni laude dignissimus .

Tabacum commendatur ad pestem , ad paralysim , ad diarheam , & testatur Anton. Recchus , fumum Tabaci in uterum inspiratum , in ejus suffocatione , mira pre stare .

Lixivium Tabaci frequentè adhibetur
in

in Psora , & Lepra pecudum , ac jumentorum ; cavendum tamèn , ne ad scabiem , & pediculos puerorum adhibeatur : scribitur enìm in decur. 2. an. 4. Miscel. Curios. pag. 46. fœminam quandam prò capitibus scabie , & profligandis pediculis , tabaci vulgaris pulverem butiro permixtum tribus filiolis ilinivisse , qui mox omnes in Vertiginem , & vomitiones incidere , cùm sudore , & animi deliquio , atquè per horas 24. veluti temulenti apparuerunt .

Mulierem Bononien. , ex nimia Tabaci masticatione , febri ardente correptam , cùm pravis symptomatibus , se vidisse testatur Dan. Angelus obs. 76. an. 8. decur. 1. Acad. Curios. ; Scroderus autèm ait , se vidisse quendam , qui mictionem nocturnam tabaci suffitù præcavit ; sicuti ex eodem suffitù Epilepsiam foveri exemplo notabili ostendit D. Schelamerus in Miscel. Cur. dec. 2. an. 7. obs. 196.

Quercetanus Syrupum Tabaci commendat in asthmate , quod remedium ego plures proficuum expertus fui in praxi facienda , ob salem volatilem acerimum , quò

scatet Petum ; De succo recenti vulneribus fœlicitèr instilato meminit Ettmulerus in Scrod. dilucid. Tabacum deniquè vino maceratum , si exhibeatur prava excitabit Symptomata , de quò plura in meo de Venenis Tractatu : De Tabaco sìc cecinit suavis Musa Clariss. Francisci Arisi :

*Est nostræ exemplar vitæ , Bigate Tabacus ,
Ut fumus perit , ut pulvis , & ut folium.*

C A P U T III.

De Eſu Locustarum.

Locustarum Eſum Judæis olim lex moſaica permisit}, ut ex Levitico apparet , ſic etiàm legimus apùd S. Evangelistas Jo: Baptiſtam D. N. I. C. Præcurſorem in Deserto Locutas manducaviffe ; quod poſteà cauſa fuit , Scriptores diſputare , an eſus locustarum ſit innocuus , vel an propriè Locustæ fuerint , an potiùs ſummitates Plantarum , an Pisces , &c. In præſenti capite nos aliquid de Locustarum eſù dicamus . Cel. Rhodig. lib. 28. Orienta-

talibus gratam esse locustam in cibum, ait. Diodorus Siculus scribit Ætiopes comedere locustas volantes ingenti fumo necatas, quæ ultrà valles in tanta copia decidunt, ut viëtum omni genti abbundè præbeant; In ipsa Græcia idem cibus fuit in usu, teste Bocarto de Anim. S. Script. lib. 4. qui hoc probat textu Aristophanis Comici antiqu. & Athænei lib. 4.

Pars quædam Ætyopum, ait Plinius; locustis vivit; item Solinus scribit Confines Mauritaniæ certo tempore Locustas terrestres legere, duratasque salsugine in præsidium vitæ solas habere; Dioscorides pariter testatur, illas in usu fuisse prò cibo; Aliosque plures populos Locustis vesci refert Aldrovandus lib. 4. de insectis.

Cæterùm, quod tali cibo usus esset Iohannes Baptista in Deserto asserunt D. Hieronym., Origenes, Hilarius, Augustinus, Corn. à Lapide, Bocartus, Natal. ab Alexander, Bernard. Lamy, & alii plures; nec enim omne Locustarum genus Judæis interdicebatur, ut videre est in Levitico cap. 11., Talmudistæ autem distinguunt intèr Lo-

Locustas, alias mundas, alias immundas
ut notat Lamy.

Isidor. Pelusiotæ verò , & alii volunt
Locustas Jo: Baptistæ fuisse summitates her-
barum , ac foliorum , quibus vesceretur
Prò locustis Beza accipit pyra sylvestria
quæ à Columella vocantur agrestia pyra
Alii referente Cornel. à Lapide , bellaria
esse ex mele , & oleo confecta dicunt ; Mul-
ti esse Cancros marinos volunt ; Alii esse
quasdam herbas , quas vulgò rapuncula vo-
cant , dixere . Gaza apud Aristotelem prò
Locustis , quæ comeduntur , intelligit Squil-
lam marinam , quæ secundum Ælianum
est cicada marina , sive gammarus Colu-
mellæ , verùm cùm S. Jo: Baptista longè
à Mari esset in Deserto , perperam dicitur
squillis enutritum fuisse ; credo enīm ego
ut suprà dixi , verè Baptistam , animalia in-
fecta , quæ propriæ locustæ dicuntur , co-
medisse , undè Prudentius canit

Parum locustis , & favorum agrestium

Liquore pastum

Et S. Mater Ecclesia

Cui latex austum sociata pastum

mella locustis.

Plu.

Plura de hac re vid. Aldrovand. de insectis lib. 4.

C A P U T I V.

De Horis.

HORA tempus significat, hoc est quamcunque temporis partem, sive diurnam, sive nocturnam; hinc quatuor Anni tempora hoc est, (*Ver*, *Hyems*, *Aestus*, & *Autumnus*) à nonnullis horas dicta fuisse, ait Rob. Stephanus.

Propriè verò sunt partes illæ temporis; in quas distinctus est dies; & istæ primò duodecim fuere institutæ, cuius ordinatio nis talem fuisse originem legitur. Quodam tempore Hermes Trismegistus, cùm es set in Ægypto sacrum quoddam animal Serapi dicatum, quo in toto die duodecies urinam fecisset, pari sempèr interposito tempore, per xii. horas diem dividi debere conjecit; & exindè hic horarum numerus longo custoditus est tempore; postea in xxiiii. horas divisus fuit, asserente

Pli.

Plinio. De diei divisione ita Censorinus; *Dies partim naturalis, partim civilis, naturalis tempus est ab Oriente Sole, ad ejus Occasum, cui contrarium est Nox ab occasu Solis ad ejus ortum; Civilis autem dies est, qui fit uno Cœli circuitu, quod verus dies, & nox continentur.*

Horæ autem erant antiquitùs inequales, majores enīm in Æstate, minores verò in Hyeme, quia dies aestivi longiores, hibernales breves; undē horologia etiām incerta fuisse, ait Laurentius in Polymat. lib. 1.; hinc Seneca ait; *facilius intèr哲os, quam intèr horologia conveniet.* Pulcherrimum est Martialis Epigramma in lib. 4. de horarum diei divisione; quod rogat Euphemum Structorem mensæ Domitiani, ut ex suis carminibus, ea, quæ jocosa sunt ostendat Imperatori, tantum, cùm cenaverit, ea verò, quæ sunt severiora antè cenam; Sic Poeta

Prima salutantes, atq; altera continet bora
undē patet ex hoc carmine primam, & secundam horam salutationibus fuisse destinatas, ut ait Illustriſſ. D. Patarolus in not. ad Orat. veter. Exer-

Exercet raucos tertia Causidicos.

& hoc secundo versu ostendit Poeta , tertiam diei horam in litibus agitandis fuisse consumptam , ut & quartam .

In quintam varios extendit Roma labores.
hoc est Romani in varia opera quintam horam diurnam exercebant .

Sexta quies lassis , septima finis erit.
Quietem verò à laboribus usurpavisse horam sextam insumentes non omnes , ait Ramir. de Prado ; sed tantùm lassos , qui velut interiungebant usquè ad septimam ; à septima in octavam hi lavabantur , quamvis in hoc epigrammate nulla lotionis fiat mentio ; attamèn hìc est versus .

Sufficit in nonam nitidis octava palestris.
Intelligunt hìc interpretes , ab octava in nonam palestris se exercuisse Romanos , quorum exercitationi aderant frequentes spectatores usquè ad nonam , quà monebantur cénatum ire .

Imperat extructos frangere nona toros.
Explicat *frangere toros* Domitius , prò acubitu supèr toros ; accumbebant enim quandò cénabant .

Putat autem Ramir. de Prado, sextam horam, septimam, octavam, & hyeme nonam in lavatione consumi a diversis; Robustiores, vel qui in palestra postmodum se exercere volebant, vel curiosi palestræ Spectatores sexta, & septima se lavabant, delicatores octava, quia sexta, & septima nimis balnea calerent; Est autem nona hora velut indicio quedam cenæ, quæ monebat ministros, ut lectos sternerent, cenanque pararent, post nonam enim epulandum erat, ut testatur vetus Horatii commentator ad Od. 7. lib. 2. his verbis: *Romanorum consuetudo fuit, ut post nonam convivarentur,* sequitur Epigramma

*Hora libellorum decima est Eupheme meorum
Temperat ambrosias cum tua cura dapes,
Et bonus ætherio laxatur nectare Cæsar,
Ingentique tenet pocula parca manu;
Tunc admitte jocos, gressu timet ire licenti
Ad matutinum nostra Thalia Jovem.*

Horologia ad diem mensurandum, & horas distinguendas inventa sunt, cuius inventionis Autorem fuisse Anaximenes Mellenium, ait Laurentius; talia Horologo-

logia à multis Clepsydræ vocabantur, quod aquam intus habebant inclusam, quæ horæ notabantur; de quibus leg. Vitruvius. Quià verò ista Horologia plerumquè in foro prostabant, Puerorum, ac Servorum munus erat horas observare, & numerare, indequè nunciare, undè Juvenalis

Quem dicat venisse Puer, quot nunciat horas.
& Martialis in lib. 8. Epigr. 67.

*Horas quinque puer nondū tibi nunciat, & tu
Jam conviva mibi Ceciliane venis.*

An verò tintinabulis horas indicarent horologia, tempore sequenti non negat Lauren-
tius, sicut idem Martialis cecinit

*Redde pilam sonat æs thermarum, ludere
pergis;*

Habebant etiā antiqui horologia excita-
toria, ad juvenes excitandos, hodiè for-
san *Svegliarini* dicuntur; undè Lucianus
in Dialog. ait, *manè ad tintinabulum exper-
ges factus, &c.* Erat etiā horologium por-
atile, quod secum ferebant veteres Etni-
ci, ad dignoscendas horas; & Vitruvius
appellat talia Horologia, *viatoria pensilia*.
Hodie elegantissima sunt in Anglia, Gal-
lia,

lia, &c. talia Horologia portatoria, ac caro pretio venduntur in nostra Italia.

C A P U T V,

De Lacte in Viris.

QUæstionem agitat Eruditus Casp. à Reies in suo Camp Elys pag. mihi 574. an scilicet lac in Viris, & Virginibus generari, ac in illorum mammis inveniri possit? Ego in presentiarum tantummodo aliquid notabo de Viris, qui lacte per proprias mammae emissso, dulces sui spectaculum fecerunt.

Aristoteles concedere videtur per suatum frequentiorem posse lac in Viris provenire, immò in lib. de Animal. ait, se vidisse in Viro tantum lactis emulsum, ut caseus sit confectus; Vesalius in Anatom. non semel, sed pluries lac in Viris se conspexisse assert; Alex. Benedictus ait, Syrum se quendam vidisse, cui filius infans mortua Matre supererat, & huic, ut famem vagientis pacaret, ubera admoveare sæpè solitum fuis-

fuisse , assiduoquè suetu lacte manasse papillam , quò exinde filium nutravit ; sic multos fuisse homines , qui necessitate compulsi proprios filios lactavere , scribit Casp. à Reies ; De milite narrat Clariss. D. Joh. Ludovic. Hannemanus in Miscel. Cur. dec. 2. an. 5. , qui paritè , mortua conjugi , infantem lactavit ; Sexagenarii lactantis historiam raram eruditè , refert in Append. Misc. Acad. Curios. an. 5. decur. 2. Excel- lentiss. , omniq; laude dignissimus D. Christ. Franciscus Paulinus Acad Naturæ Curios. maximum Ornamentum , ac Lumèn ; De pluribus Viris lacte præditis , atquè à Natura donatis , memini ego in meis Ani- madvers. pag 119.

Infantem primo mense lac è papillis red- dentem copiosum se observavisse , scripsit Cardanus lib. 12. de subtil. Insupèr Mar- cellus Donatus de homine refert , qui ex mammis lac in manifesta quantitate emit- tebat ; Et narrant qui novum Orbem lustra- runt , teste Andr. Laurentio in Anatomia Viros penè omnes maximam lactis copiam habere , quà filios enutriunt .

C A P U T VI.

De Vinculis diversis Antiquorum.

INtèr veterum vincula , nonnulli numerant Reticula ad illaqueandas Feras; & capiendas Aves; Laqueus pedum *pedica* vocatur , de qua Poeta cecinit in Bucolic.

Ut captam pedicis circumdat aranea muscam.
Boiæ dicebantur vincula quædam tam ferrea , quam lignea velut juga bouum.

Capistra vincula erant , quibus ligabantur vites , & alia , undè Columella lib. 4. ait , *cum ad summum palum recta vitis extensa est capistro constringitur* . Immò à multis summuntur pro capitis vinculis in equis , & jumentis , hinc Martialis ait

Paret purpureis aper capistris.

Panagron dicebatur rete piscatorum.

Numella ligneum erat vinculum , quod reorum pedes , & colla in rotunda foramina immittebantur , & ibidem constringebantur ; de quâ ait Plaut. in Asin.

Ner-

Nervos, catenas, carceres, numellas &c.

Numella etiām, teste Festo, genus est vinculi, quò quadrum pedes alligantur, sic Varro lib. 2. rei rusticæ ait: *ut possint alligari levibus numellis.*

Catastæ nomine aliqui intelligunt compede in servilem, ut Persius inquit

Capadocas rigida pingues pavisse Catasta.

Alii volunt **Catastam**, esse locum, ubi venales Servi exponebantur; undè Statius canit in *Sylv.*

Non te barbaricæ versabant verna catastæ.
Compedes, vincula propria sunt pedum;
Horatius *Epod.*

Dura compede perustus crura.

Catena vinculum est ferreum, quò vel Servos, vel captivos, vel animalia etiām iretimus, ne effugiant; Sic Silius italic. lib. 7.

..... *Arcta servari catena.*
& Horatius

..... *bunc tu compescere catena.*

Lorum dicebant veteres corrigiam, quæ ex corio vinculum est, sumebantur etiām prò retinaculis Lora, & prò habenis ju-

mentorum , sic Ovid. in Metham. 2.

*Colla juga erumpunt , abruptaq; lora relin-
quunt.*

Epidromes etiā dicebantur funiculi di-
scurrentes , quibus retia panduntur con-
tracta , & contrahuntur expansa , authore
Polluce , qui Epidromos , & Peridromos
vocat . Manicæ , propriè manuum vincula
sunt , undè in Psalm. habetur : *nobiles eo-
rum in manicis ferreis . Sic Virgilius canit*
*Ipse viro primus manicas , atq; arcta levari
Vincula*

C A P U T VII.

De Militaribus Pēnis.

DUplices videntur fuisse pēne milita-
res apūd antiquos , leviores nempè ,
& acerbiores ; lenis fuit animadver-
sio , quæ tantūm inferebat ignominiam ;
& hæc multiplex fuit ; I. Per mutationem
militiæ , quod erat ab honestiore loco , in
humiliorem transferri ; II. Cum venam
solvi militi reo jubebant , & sanguinem
mit-

mitti; III. Cùm fossam ferre, exercitu inspiciente, miles cogeretur. IV. Cùm hastam dare cogebatur, & hæc pœna dicebatur *Censio bastaria*. V. Cùm miles reus stans, cibum, & potum sumere coactus erat, quod tamèn intelligendum de cena, nàm in prandio usitatum erat stare. VI. Detractio calcei nota erat infamiæ, ac militaris ignominiæ; pariter discincto, & habitu turpi prostitui, apud milites antiquos pœna fuit. VII. Lævitèr quoquè puniebant militem veteres Romani, cùm extrà castrum, aut vallum miles tendere jubebatur, interdùm, & sinè tentoriis. VIII. Cùm stipendium subtrahebatur, qui milites ære diruti dicebantur, & æs resignatum militi dicebatur, teste Hildebrando, cùm ob delictum, ne stipendium illi datur, in tabulas erat relatum, atquè ita puniebatur miles tardus, & infrequens, qui abesset, aut abfuisset à Signis. IX. tandem levi pœna mulctabatur miles cùm hordeum prò tritico illi dabatur, ut indigus videretur militum cibo.

Gravior verò castigatio multiplex pari-

H 3 tèr

tèr fuit, ut fustigatio, cùm Tribunus ipse
 Réum condemnatum levitèr tangebat, &
 quasi signo dato, reliquæ multitudini mi-
 litari, obijciebat, quò facto, omnes, qui
 in castris erant ferientes, aliis fustibus,
 aliis lapidibus in ipsis castrorum principiis
 hominem occidebant, & ità puniebantur
 illi milites, qui vigilias, àut circuitiones
 neglexissent, vel qui furto aliquid è ca-
 stris abstulissent, vel falsum testimonium
 dixissent, àut si qui falso strenuum aliquod
 factum suum honoris, præmiique causa, ad
 Tribunos retulissent; qui ter ob eandem
 culpam mulctati fuissent; vel tandem qui
 in præsidio, àut statione positi per metum
 deseruissent locum, àut arma in discrimi-
 ne abiecissent, & isti dicti erant infames;
 Hodie fustigatio ista apud milites viget,
 sed non ad mortem, & vulgò dicitur *pas-*
sar per le baccette. Quod autèm si plures
 peccassent, & multi simul locum deseruis-
 sent, tunc fiebat decimatio, quà scilicèt
 decimus quisque sortè ad supplicium lege-
 batur, interdùm Vicesimatio, & Cente-
 simatio in usu fuit. Aliquando miles, qui
 de-

deliquerat sub furca diù cœsus virgis manebat ; Alii prætereà securi percutiebantur ; & loco securis gladius fuit introductus ; alii deniquè in Crucem sublati sunt , quod supplicii genus non civium , sed propriè servorum erat , undè servi fugitivi , qui Crucem meruere , Cruciferi dicti sunt , & in signum ignominiae crucis signum in Veste ferebant ; Crux autèm modò in pœnis reorum non est amplius , abolitum enim hoc supplicii genus fuit à Constantino Imperatore , ubi enim Domini Crux honorata est , putatum fuit , quod reus honoraretur , si crucifigeretur .

C A P U T VIII.

De Veteri tondendi ritu.

H Erodotus lib. 4. , scribit , Machiles occiput crinitum gestare tonsa anteriore parte ; Sic Maxies Aphricæ populi dextram capit is partem comatam gestant , sinistram autèm tondent ; Ità Strabo ait Anses anteriorem partem crinitam

H 4 ha-

habent, occiput verò tonsu.

Svetonius, Caligulam, ait pulchros, & comatos crines habentes, sæpè offendisse, & prè invidia occipitio raso solitum fuisse deturpare.

Leges XII. Tabularum prohibebant, referente Plinio, Génas fœminis radi; immò addit Romanos 454. annis intonsos fuisse, donec adducente P. Ticinio ex Sicilia tonsores venerint ad Romanos.

Macas, ait Jo. Ravis. Textor in Officina, summum capitis verticem radere, in medio capillos crescere sinentes, hinc, atquè hinc in orbem, & Abantes, anteriorem capitis partem tondere consueuisse, ne ulla hostibus ad capiendum ansas darent.

Mentum autem radere Alexandri temporibus in Græcia inventum fuisse inquit Athenæus lib. 13.

Sabinorum Sacerdotes Æneo cultro tonderi solitos fuisse legitur; Scitas ob calamitates comas deposuisse, ait Athenæus; & apud Jndos comam tonderi jussu Regis maximi supplicii loco fuisse notat Stobeus.

Apùd

Apùd Lacedemonios ingenui alebant comam , namquè omnes comati erant , cùm Servos crines habere non deceret ; idemquè in omni ferè Græcia , ubi Servis nutrire comam nefas erat , in usu fuit .

C A P U T IX.

De Nudipedalibus , & Furca.

NUDIPEDALIA FESTA erant apùd Gentiles , Græcos , Romanos , & Barbaros , in quibus nudis pedibus oportebat omnes incedere ; de quibus loqui videtur Tertullianus in *Apolog.* , & instituta fuere , ut terra arrescente pluvia impetrarentur ; & etiàm talia Festa Judæis fuisse propria inquit Flau. Josephus lib. 1. Bel. judaic. Hæc autèm sacra nudis pedibus peracta sacco indutis , & pulvere conspersis ad puritatem , & simplicitatem ostendendam ; Romani quoquè his usi sunt , cum vota Deę Vestę concipiebant , ejus ædem nudis pedibus adeuntes ; ut notat Jof. Laurentius in *Polymat.* lib. 6.

Fur-

Furca generalitè sumpta dicitur omne id , quò , quid sustentatur in modum furcæ factum ; ego autèm propriè hìc sumo Furcam prò pœna , & supplicio , undè Plinius ait : *in Furcas fixus* ; De furcæ supplicio fit mentio in leg. 38. §. Auctores ff. de pœnis . DupPLICem autèm furcam fuisse ex Scriptoribus lego ; veterem scilicet , & novam ; Furca vetus Romanis fuit antiquitus usitata , & ista paritè duplex fuit , ignominiosa , & pœnalis ; Prima , quà collo imposta Servi circumduci solebant , ob culpam aliquam contemptui , & ad irrisum , hinc Furcifer dicebatur olim Servus , qui ob leve delictum à Domino ignominiae magis , quàm supplicii causa , furcam circà urbem ferre cogebatur , prædicans peccatum suum , & obvios monens , ne quid simile peccarent ; undè Donatus ait : *supplicii causa circà vicinos furcam in collo ferre , subligatis ad eam manibus , & prædicare suum peccatum , & simul movere cæteros , ne quid simile admitterent* ; & hanc pœnam bellè depingunt Plutarcus in Coriol. , & Halicarnas. lib. 7.

Pœnalis autem illa erat furca, quæ collo imposita circumducti, cum verberibus mortem inibant, undè Isidorus, patibulum esse furcam ait, quod ferat caput, suspensumque, & strangulatum statim exanimet.

Furca nova porrò ævi inferioris inventum est, instrumentum scilicet è triplici ligno, forma jugi veteris, cui appensos homines laqueo strangulamus; Pœna tamèn laquei, mors impura, ac infamis ab Homero dicitur; Plinius vocat eam præpostaram, quia spiritus intercluditur, cui exitus quærebatur; ignava sanè hæc mors est, & vilissima, teste Hildebrando.

C A P U T X.

De usu Salis apud Veteres.

SAL commune, quod etiam Pueris innotescit, est concretum falsum compositum ex acido concentrato in subiecto terreo alchalino; cuius usus varius fuit apud Veteres, sic notum est quomodo apud

apùd Etnicos nullum sacrificium sinè Sale fuerit oblatum , ac in illo vim efficaciorēm placandis Numinibus inesse putabant proptèr virtutem incorruptionis , ut advertit Alex. ab Alexand. ; farre itaqùe molito , tosto , ac Sale consperso , (molam falsam vocabant) victimæ caput aspergebant , à quò ritu , & mola verbum immolare deductum est ; Maximam igitùr , ait Plinius salis autoritatem è sacris Veterum intelligi , apùd quos nulla sacra sinè mola falsa conficiebantur , hinc Tibullus lib. 3. cecinit

Farre pio placant , & saliente Sale.

Sic in Levitico à Deo præceptum legimus , sale condita illa omnia esse debere , quæ in sacrificiis offerebantur ; quin & Salinum ipsum intèr vasa sacra connumerauit Joſ. Laurentius , quod est patella in qua Diis primitiæ cùm Sale offerrebantur , undè Livius ait : *ut salinum , patelamque Deorum causa , habeant* ; quaproptèr Sal religionis gratia in divinationibus apponi solitum erat , hinc à beneficiis Salquam longissimè removebant , tamquam rem sacram

cram , sic Homerus ait

Inspersit autem sale sacro

Sal Fœderis vocatur in Levitico his verbis:
ne auferas sal fœderis Dei tui de sacrificio tuo.

Olim hospitibus antè cibos apponebant veteres Sal in signum amicitiæ, undè multi Gentilium tamquam ominosum censabant, si Sal in mensa effunderetur, & aliqui etiàm nostris hisce temporibus semper aliquid infortunii prædicunt, quando contingit Sal in mensa proffundi; Sic multi apùd nos hac de causa mensam absquè Salino apponunt, ne Sal effundi contingat. Cæterùm Salis usum multis gentibus incognitum fuisse trojano sæculo Homerus, & Pausanias, affirmant: Tracibus autèm fuisse peculiare Sale mancipia emere, ait Alex. ab Alexandr.

Infinita præterea comoda Sal hominibus suppeditat, ac potissimum à putredine defendit, ideoque Ægyptios mortuos sale condivisse innui ego in meo de Balsamat. Tractatu, quià à tabe, ac putredine corpora tuebatur; Insupèr Sal Symbolum fuit Doctrinæ Evangelicæ, & prædicatio-
nis

nis Apostolicæ ; sicut Christus D. N. dixit
Vos estis Sal Terræ.

Sterilitatis Symbolum pariter Sal esse ,
 ait D. Hieronym. com. in Math. , undè in
 pœnam multas supèr Civitates expugnatas
 Sal fuisse effusum legitur , sicut Mediolanum
 exaratum Anno 1165. , Saleque consper-
 sum fuisse , testatur Sigonius de Reg. Ital.
 Itèm aliæ Urbes in Hispania , ut ait Abu-
 lensis com. in Judic. , talem expertæ sunt
 pœnam , & similitèr de Castro in Italia
 nostra dicitur .

In sacris aliquibus tandem Catholico-
 rum Sal locum habere videtur , ut in Bap-
 tismate , & aqua lustrali , &c. Isiacos tan-
 dèm Salem à mensa ablegavisse , ait eru-
 ditiss. Celius Calcagninus noster .

ADVERSARIORUM JOSEPHI LANZONI *LIBER QUARTUS.*

AD REVERENDUM P. D.
PETRUM CATHERINUM
ZENUM C. R. SOMASCH.

Venetum doctissimum.

C A P U T I.

De Academiis , earumque utilitate .



Cademiæ nomen derivare vide-
tur , teste Svida , à loco mille
passus ab Athenis distante , ità
dicto ab Academo Heroe ibi
morante , ubi Plato natus fuit ;
Academia verò nostro hoc tempore dicitur
illa Urbis pars , in quā celebrantur Stu-
dio.

diorum gymnasia , & vulgò Universitas dicitur ; sub nomine quoquè Academiæ veniunt illi Eruditorum , & Poetarum illustres Cœtus , qui nostras Italiæ urbes ornant ; Sophoclem Athenis olìm legem tulisse , ait Laertius , ut neque Scholæ , neque Academiæ aperirentur , neque Philosophorum quisquam præcesset , nisi id Magistratus decrevisset ; modò Pontifices , & Imperatores erigunt .

Academiarum institutio valdè antiqua fuit , in Oriente enīm fuit Academia tempore Josue apùd Judæos , sīc , & Scholas habuere Hebræi ; undè apparet Academiærum institutionem , Natura Duce , primitūs factam fuisse , dē istis enim meminit Moses in suis libris ; Apùd Sinenses , teste Nicolao Trigautio , vigeat Philosophia moralis , quam traditione , à quodam Confucio , quem dicunt vixisse antè annos suprà bis mille , habuere ; attamèn nullas Academias habent ; Paritè Turcas Academiis scientiarum carere dicunt ;

Quod autem ad Academiarum utilitatem spectat , si temporum memoriam ,
vel

vel levitèr refricare velimus ; Respublicas illas diutissimè semper floruisse , ait Brancaccinus lib. i. cap. 5. de jur. doctorat. , quæ optimorum studiorum diligentem habuere curam , & in quibus ingenuarum artium , atquè linguarum extiterunt Scholæ ; hinc Moyses Propheta Dei in singulis Civitatibus Sinagogas instituit , in quibus Viri Sapientes Divinas interpretarentur Leges ; Salomon paritè Hierosolymis septem palestris instructam Academiam magnifice excitavit , ut monet Pineda de reb. Salomon. lib. 3. Sic ad rectè dirrigendas Respublicas , & Civitates , Sapientes sunt accessiti , qui regulas , legesque imponerent , ut Cretensibus Minos , teste Plutarco ; Lycurgus Lacedemoniis , & Solon Atheniensibus scribente Æliano . In nostra porrò Italia viget Virtus , triumphat probitas , atquè Urbes , & Respublicæ cæteris Mundi populis invidiam movent ob Illustres Academias , quas velut in gremio suo fovet Italia Tellus ; hinc antiqua Universitas Bononiæ fulget , viget paritè in Italia Ticinensis , Patavina , Pisana , Mes-

fanensis , Neapolitana , Perusina , Salernitana , Taurinensis , Senensis , Roma-
na , atquè nostra Ferrarensis , quæ undi-
què Privilegiis Pontificiis , ac Imperia-
libus ornata , & Claris Viris sempèr mu-
nita fulget intèr cæteras , *velut intèr ignes*
luna minores ; Prætèr has Academias vul-
gò Universitates sunt aliæ eruditorum Poe-
tarum Palestræ , ut Arcadum , & Infœ-
cundorum Romæ , Intrepidorum Ferrariæ ,
Recuperatorum Patavij , Incognitorum
Venetiis , Gelatorum Bononiæ , Fisiocri-
ticorum Senis , Incitatorum Faventiaæ ,
Concordium Ravennæ , Furfurariorum ,
& Apatistarum Florentiaæ , & aliæ multæ
celebres Academiæ , ità ut nulla sit Ita-
liæ Civitas , licet exigua , quæ sua non gau-
deat Academia , *velut meliori ornamento* .

C A P U T II.

De Pudicitia.

PUDICITIA est animi Virtus, quā quis verecundatur, ut sunt actus venerei, juxta D. Augustinum de Ciu. Dei; & dicitur à Pudore monente D. Thoma; juxta verò Hebreos dicitur purificatio, & mundatio à verbo *Taber*.

Pudicitia, suadente Augustino, res est Animæ; virginitas autem corporis: siquidem illa in anima integra permanente, potest altera corpori violentè auferri; omnes penè Autores tūm sacri, tūm profani summis laudibus hanc virtutem extollunt; sic S. Cyprianus ait, Pudicitiam esse nobilium ornamentum, exaltationem humilium, decus Religionis, &c.

Hac omissa, omnem ruere virtutem scribit Celius Rhodigin. lib. 13., in ea siquidem decoris muliebris enitefecit principatus; ista comendabiles facit pauperes, divites extollit, deformes redimit, pulchros exor-

nat; hęc Lucretiam Bruto æquavit, nescias
an etiām prætulerit, quoniam Brutus non
posse servitutem pati à Fœmina commoni-
tus didicit; Ovvenius sic de Pudicitia ce-
cinit

*Virginitas animi murus, victoria carnis
Pectus honestatis sancta Pudicitia est.*

Tanti fecerunt Pudicitiam nonnullę anti-
quorum fœminæ, ut mortem præferre Pū-
dicitiæ voluerint; Sic Paulina Saturnini
Uxor, teste Josepho Langio, per dolum
Decii Adolescentis, Pudicitia (hic enīm
eam sub persona Osiridis in ejus Templo
compressit, amissa) dolore excruiciata pe-
riit; Sic paritè Virgo Etrusca, juxtà
Benedict. Varchium à militibus capta, ser-
vandi pudoris gratia ex Ancisæ Ponte in
Arnum se deiecit; ad similitudinem illius,
quam refert Bonfin. lib. 6. dec. 1., capta
enīm, ait citat. Autor, ab Atila Aquileia,
cùm *Digna* ingenua Mulier à Barbaro mi-
lite capta ad stuprum raperetur, in præ-
ces versa, tanquām secreti cupida, facile
impertravit, ut in superiorem partem do-
mus abduceretur, cumquè illa prior locum
ascen-

ascendisset , confestim partem eam cœnaculi occupavit , quæ Fluvio imminebat ; indè ad Militem conversa : sequere me , inquit , si vis me potiri , ac cùm his verbis in subiectum flumen se præcipitavit ; & Valerius Maximus lib. 6. , De Græca Fœmina nomine Hippona , scribit , quæ cùm hostium classe esset excepta , in mare se proiecit , ut pudicitiam morte tueretur ; & mori pudica , quām impudica vivere maluit .

De Euphrasia Virgine narrat Nicephorus lib. 7. , quæ sub Diocletiano cùm proptèr S. Fidem nostram ad prostibulum duceretur , & in cubiculo cum Juvene clausa , beneficam se esse dixit , & pharmacum habere , quò illitus vulnerari non posset ; accepit Juvenis mendacium , ac ob ei conservatam pudicitiam , tale remedium discendum poscit ; tūm illa ceram oleo liquatam manibus subigit , & collo suo circumlinit , atquè ut in se ipsa periculum faciat juvenem hortatur , & ille gladio arrepto , primo iectu virginis caput amputavit , & sic illa corporis castitatem , & Religions puritatem integrum conservavit .

C A P U T III.

De Verbena.

Verbena à Grammaticis quasi herbe-na dicitur, & vocatur herba sacra, quià hanc herbam in sacris usitatam fuisse legimus; vel, ut ait Servius, quià sumpta de loco sacro Capitolij, quà corona-bantur fœciales, & alii fœdera facturi, vel Bella indicturi, undè Virgilius

..... *& verbena tempora vincit.*

Verbenas autem abusivè, vocant aliqui omnes frondes sacras, ut est laurus, oliva, myrtus, &c. sic Terentius

..... *ara hinc sume verbenas tibi.*

hæc herba à multis verbenaca vocatur; cui varias virtutes tribuunt nonnulli Medici, quas summatim recenset Scroderus; hinc comendatur quoquè suspensa collo in dolore capitis; laudatur usus istius herbæ in obstructionibus lienis, atquè hepatis, in Ictero, in affectibus oculorum, & pecto-ris, in calculo abigendo; in procidentia ani,

ani, in tertiana febri; Insupèr artritidem mitigat, & odontalgiam, si Rajo fides habenda; plura de hujus herbę virtutibus vid. apùd Bibliot. Pharmac. med. lib. 20. Clariss. D. Mangeti Medici Sapientiss. . Gestatam hanc plantam, fortunam conciliare, dicit Wolffius; fides tamèn penès eum, ego enīm nihil; certum tamèn est, Verbenam locum habuisse intèr turpes magicos usus.

De prognosi mortis, aut vitæ ex verbenā sumenda meminit Æmil. Macer. de herbar. virtutibus his versiculis.

*. Verbenam gestando manu, si quæris ab ægro:
Dic Frater quid agis? benè si responderit ipse
Vivet; si verò malè; tunc spes nulla salutis.*

hoc autèm tanquàm vanum puto; eo quia omnes ægri interrogati, quid sentiant, & agant, semper malè se habere respondent. Verbenacam supinam cornices nidis suis imponere, ait Frommanus de Fascinat lib. 1. part. 2. sect. 1. cap. 2. , ut blatas, alias què bestiolas ab iisdem abigant. Sunt qui tradunt, teste Pascalio de Coron. lib. 2. , novam nuptiam apùd Veteres composuisse coronam è verbenis à se lectis, eamquè

sub amiculo tulisse ; Cæterūm quisquis quacunquè occasione sacrificaret, verbena coronabatur , de quò eruditè differit mihi Amiciss. Baruffaldus in not. ad Tabacheid. , sicuti , qui sibi Deos propitios invocabat ; Verbena , Lauro , Sulphure , ignè piaculo polluti expiabantur , ut monet Alexan. lib. 6. , undè Tiraquellus in ejusd Alex. annotat. ait , Verbenis domos lustratas , & purgatas fuisse ; Q Curtius lib. 4. scribit , Verbenas in Auguris manu preferri , dūm litaret , his verbis ; ille in candida veste verbenas manu præferens capite velato præbat preces Regi Jovem , Minervam , Victoriānamque propitiāti ; quem locum egregiè explicat Mich. le Tellier S. I. in not. ad Curt. ad usum Delphini.

C A P U T IV.

De Diebus.

Die partes has esse apud Veteres legi-
tur; nempè medium noctem, me-
diæ noctis inclinationem, Gallici-
num, Conticinium, quòd, & Galli con-
ticesserent, & homines etiàm tunc quie-
scerent, Diluculum, cùm incipit digno-
sci Dies, Mane, ad Meridiem, Meri-
diem, de Meridie, sivè tempus pomeri-
dianum, Solis occasum, sivè supremam
tempestatem, Vesperas, Crepusculum,
Primam facem, cùm scilicet lumina ac-
cendebantur, Concubiam noctem, cùm
itum est cubitum; noctem intempestatam,
cùm nullum agendi tempus est, quod &
silentium noctis vocabatur; Romani, teste
Varrone, diem à media nocte auspicaban-
tur; Athenienses ab occasu Solis, ad So-
lem iterum occidentem unum diem dixe-
runt; Babilonii ab ortu Solis, ad ejus or-
tum; Umbri à Meridie ad Meridiem, &

hic

hic erat dies civilis, teste Macrobio. Naturalis autem dies vocabatur tempus ab oriente Sole, ad ejusdem occasum, cuius contrarium erat Nox; Totum verò hoc Solis spatium ab ortu ad occasum toto anni tempore in 12. partes erat divisum, quæ dictæ sunt horæ diei, & istæ erant in æquales, longiores diurnæ æstivæ, breviores verò hyemales; & hinc inventa puto Horologia Solaria, in quibus Gnomon Soli oppositus, umbra in lineas incidente, horas ostendebat; cum autem Sol sub nubibus lateret, Scipio Nassisca Clepsidras aqua plenas invenit, quibus horas dierum, & noctium mensurabat; Diem verò naturalem antiqui Romani salutationibus inchoabant, & coñessionibus cludebant, teste Hildebrando; de horis diei ego suprà dixi in lib. 3. Erant insuper dies Festi, qui Diis dicati erant; Profesti, qui hominibus ad sua negotia concedebantur; Intercisi, qui erant comunes Diis, & hominibus, vulgo *mezze Feste*.

Erant pariter Dies fasti, & nefasti: primi, quibus Prætori fari licebat tria verba
so-

solemnia *Do. Dico. Addico.* In Nefastis autem id non licebat ; erant etiam nefasti , quibus horis matutinis jus dicere non licebat ; pomeridianis verò licitum erat ; Comitiales dies erant illi , quibus licebat cùm Populo agere ; Comperendini , quibus vadimonium juberi licebat ; Stati erant constituti ad controversias cùm peregrinis fi niendas ; Præliares , quibus fas erat res repetere , & hostem laccessere ; Justi debitoribus erant dati , pecuniæ conquirendæ causa ; Atri erant dies infausti , ac infælices , de quibus suprà , &c. Innominati pariter erant illi dies antè quartum Kalendas , Nonas , Idus . Notandum verò Iustos , innominatos , & atros non præliares dictos esse ; De die autem natali , ejusque superstitioso ritu sacro , & profano scripsit Censorinus , & eruditè post eum P. Mart. de Roa Soc. Jesu Sacerdos eruditissimus .

C A P U T V.

De Chamæleonte.

CHamæleon albus Dioschoridis dicitur Carlina , Planta scilicet à Carolo Magno primo hujus nominis Imperatore sic nuncupata , quià ejus Exercitus , unius Angeli monitu , usu radicis hujus à peste liberatus fuit ; sic in peste ejus masticatio laudatur à Botanicis .

Nos autem in praesenti capite , non de Planta , sed de Animali sub Chamæleontis nomine intelligimus ; quod ad genus Lacertarum reduxit Aristoteles ; Ejus differentias , & descriptiones exhibit Aldrovandus ; Plinius tradit Chamæleontes in Africa nasci ; In Asia plurimos versari , ait Solinus ; In India Hollerius ; & Bellonus in Cairo ; Nonnulli in nostra Italia Chamæleontes nutriunt ; & Illustriss D. Antonius Vallisnerius Professor primarius in Universitate Patavina , Patronus meus perpetuò colendus , omni eruditiorum generis

nere ornatus, multos Chamæleontes vivos annis elapsis alebat, intèr alia plura naturæ curiosa, quæ ad Philosophiam naturalem spectant, quibus maximè Vir ille insignis delectatur.

Licet autem hoc Animal quoscumque reddat colores, quos proximè attigerit, si Aldrovando credamus, attamen rubrum, & candidum colorem non admittit; Querunt Doctores quomodò nutriatur.

Chamæleontem solo aere vivere asserit Plinius; & confirmant Solinus, Agricola, & Ovidius in Metham.

*Id quoq; quod ventis animal nutritur, & aura
Protinus, assimilat, tetigit quoscumque
Colores.*

cum quò facit etiam Alciatus in Emblem.

*Semper biat, semper tenuem; quæ vescitur
auram.*

Kircherus ait, Chamæleontem solo odore sustentari; Gesnerus de Quatrup. rore nutriti putavit; Sunt, & alii, citante Jonstono, qui radios Solis dicunt esse alimen. tum istius animalis. Ego diù quidem famem tolerare Chamæleontem puto, non ta.

tamèn in totum cibo abstinere , ore enìm
hiante , linguàque mucco semper obsita ,
captare mulcas , formicas , aliaque parva
insecta , docent Scaliger ; Bellonius , Wof-
sius , Voigtius , & Redi in Epist. Italic.
Edit. Venetiis 1712.

Dixi suprà Chamæleontem nec candi-
dum , nec rubrum colorem referre ; verùm
legitur apùd Wossium , virum fuisse , cui
donatum fuit tale animal , quod involvit
sudario , atquè ubi domum venisset , aper-
to sudario , dùm oculis non satis attentis
inspicit , errore deceptus , effugisse ani-
mal putavit , nimirùm quìà candidum su-
darii colorem referret ; Id si est , falsi sunt
Veteres , qui candidum assumere colorem
negaverunt ; Par autèm rubri coloris ra-
tio est , quippè si sudarium rubrum fuis-
set , rubrum retulisset colorem .

C A P U T VI.

*De consecratione Imperatoris apud
Veteres Romanos.*

Imperatoris consecratio , si Autoribus antiquis fides est habenda sequenti modo peragebatur . Mortuo quippe Imperatore , qui superstitem reliquisset successorem ; Corpus ritu consueto , & funere splendido , ac sumptuoso sepelliebatur , ceream indè imaginem defuncto similem suprà lectum vestibus ornatum aureis locabant ; lectum à leva , Senatus atra veste amictus , à dextrà Matronæ cingebant , & hoc per septem dies faciebant , Medicis quotidiè ad lectum accendentibus , quasi ægrum invisentibus ; Demum lectum humeris attollebant Senatorii , & Equestris ordinis juvenes , atquè in forum deferabant , ubi Magistratus deponere imperium confuevit ; in Foro aliis erat consimilis lectus , in quo statuam ceream mortui Principis ex palatio allatam colloabant ,

bant, à quā, teste Hildebrando, puellus egrediæ formæ, ut si Imperator dormiret, pavonis pennis muscas abigebat. Hinc rostra ascendebantur, & denatum Imperatorem laudabant, indè imago in Campum martium deportabatur; & præferebantur illustrium Romanorum Statuæ; Provinciarum item, & nationum, quæ erant subiectæ Imperio Romano simulacra ænea; indè sequebantur armati Equites, ac Pedites. In campo martio autem rogus quadrangulus in formam tabernaculi extritus erat, exornatus variis signis aureis, in cuius summitate currus inauratus defuncti Imperatoris collocabatur, hinc aromata, herbas, & succos odoratos effundebant; Imperator superstes, & ejus propinqui statuam prædictam osculabantur, tunc universo Senatu spectante circà ædificium illud adequitabant omnes equestris ordinis certa lege, cursu, & recursu; quibus celebratis, facem Imperii successor tabernaculo admovebat, & omnes Magistratus undique ignem subiiciebant; hinc è summo tabernaculo Aquila dimittebatur,

tur, quæ in Cœlum Principis denati animalia deferre credebatur; & eadem ratione Imperatoris Uxores consecrabantur.

C A P U T VII.

De Portentis Naturæ.

Natura aliquandò errat in generazione, & quandoque abortitur, aut partus producit membris superfluis, vel monstruosis, vel in aliam speciem degenerantes. Sic portentosa metheora sunt, cum pluvit sanguinem, sulphur, lapides, ranas, aliaquè insolita; ut referunt historici; In animantium genere portentum est, cum animal oritur biceps, aut triceps, bicorpor, vel tricorpor, item bigener, qualia sunt animalia vulgo *Muli* prognata ex Equa, & Asino, Leopardique ex pardo, & leyna, nec non hybridæ ex fero, & domestico sue; Ex hominibus verò prò monstris habentur primò Hermaproditi ambiguo sexu nati, deindè membro aliquo deficientes, aut supereficientes,

K & ex.

& excedentes , aut deformati , quibus ad-
dere liceat Pumiliones , & Gigantes .

Narrationes de Phænix , Ave scilicet
se ipsam exurente , & è propriis cineri-
bus reviviscente , itèm de pellicano pullos
suos sanguine proprio vivificante , de hy-
dra septicipite , de Gryphe volucri qua-
drupede , & de Arpiis obscenis avibus ,
de Centauro semihomine , & semiequo ;
de quibus omnibus pleni sunt Poetarum li-
bri , fabulosæ sunt . Paritèr dicendum
est de Faunis , Satyris , Sirenibus , Trito-
nibus , quæ animalia , vel fuere credulita-
tis humanæ commenta , vel ludentis Na-
turæ extraordinaria miracula , aut si fig-
menta non fuere , Demones ad fallendos
homines fuisse verisimile esse , ait Come-
nius in Janua eruditionis cap. 31.

C A P U T VIII.

De Inventoribus nonnullarum rerum .

Multa de rerum inventoribus eruditè
scriperunt Polid. Virgilius , Alex.
Sardi Ferrar. noster , & Theod. Janssonius ;
ali.

aliqua tamèn nos derelicta ab eis hic subiicere non incongruum putamus, ad maiorem eruditionis messem. Sic Academias litterarias poeticas invenit Jo: Jovian. Pontanus, juxta Minturnum in præfat. ad Poetic. ; Ova in Mulieribus primò notaverunt Varton., Steno, & Graaf, ut ait clariss. Nigrifolius de Gener. vivent.

Alphabetum italicum novis litteris adiunctum dedit Ptolomeus Senensis, alij ajunt Trissinum illud invenisse; Ità Azzolin. in pomp. Senens. Lenticulę palustris semen primò observavit Clariss. Vallisnerius, sicut semen Alghæ marinæ Cestonus.

Armillæ inventæ, & primò fabricatæ à Vulcano -- Casp. Bartolin. de inaur. veter., Zonas sonoras in aure primus observavit Clariss. Valsalva.

Aucupium cùm Accipitre, aut Falcone invenit Frid. Barbarossa (Guid. Panzirol. rer. deperd., & invent.) Astianassam Helenę famulam varios modos concubitus invenisse tradit Nicol. Leonic. Tomeus Var. hist. lib. 3. Artem expurgandi, & perficiendi Sac-

carum invenere Veneti . *Guid. Panciroli.*
 Artem contrà Demones invenisse Salomonem ad hominum utilitatem , ait *Jo. Francis. Picus de rer. pœn. lib. 7.* Æquinoctium primus observavit Anaximander. *Suidas.*
 Asilorum usum invenit Cadmus , *ex Baldas. Bonifac.* Harmoniam reperit Diocles Atheniensis, dùm testacea vasa ligno pul-sabantur ; *ex eodem Autore.* Bombarda inventa est à Bertoldo Svardo Monaco Friburgensi , *ex eodem.* Bombices , & eorum Semina è regione Cinæ primò Costantino-polim regnante Justiniano , an. 150. , at-tulisse quosdam Monacos , ait *Procopius.* Colorem ultramarinum ex lapide lazuli præparatum primus reperit Nicol. Nicolai dictus *il Pigna* , aromatarius , & Pater Jo: Baptistæ Historici , ac Poetæ famigera-tiss. , *vid. Barthol. Riccius epist. 4.* , & Ba-ruffald. *Bibl. Script. Ferrar. MS.* Ductus adiposos Omenti primus observavit Mal-pighius . Ductus Salivales invenere Ant. Nuck. , Nic. Steno , Varton. , Bartolin. , & Rivinus ; ut ego innui in tract. de Sa-liva . Fasti Kalendares Romaini , seù dies fe-

festi, & ludi Romanorum fuere primò insti-
tuti à Numa Pompilio, & Cn. Flavius
Scriba Pontif. publicavit; deinde C. Jul.
Cæsar. Anno ad Solis Cursum redacto in
Foro adfixit; (ità Andr. Schot. elect. antiq.
rom.) Stemmati primus invenit Helioga-
balus. (Salmasius sup. Ælium Lamprid.) Val-
vulas in vatis lymphaticis Fridericus Rui-
schius primus observavit. Mercurialem
unctionem Jacobus Carpus invenit; (Fal-
lop., & Ramazin. de Mor. Artific. Nouus Or-
bis repertus est à Christophoro Columbo.
(Pancirol. rer. invent.) Jambica Carmina
primùm excogitavit Jambe Panos Filia.
(Tiraquell. de leg. connub:) Maria Soror
Mosis prima omnium carmina heroicha
modulata fuit; (cit. Tiraquel.) Sido Pon-
ti filia primò hymnos composuit, teste cit.
Tiraquel.. Theatrum primus omnium The-
plsis aperuit (Scaliger. Poet.) Rytmos itali-
cos vulgò Ottave invenit Boccaccius. (Cre-
scimben. Hist. Poes.) Versus canere in ter-
tia rima primus invenit Dantes Aligherius;
ità suadente eodem Crescimbenio. Jacobus
Riccius Veronensis invenit Muscipulas (Cæ-

rol. Ridolf. de Pict. part. 2.) Novum sistema circa vermes humani corporis dedit clariss. Vallisnerius. Notas Musicales invenit Jacob: Muri Parisinus. (P. Bacchin. in diarij liter. mutin. Ann. 1696.) Libationes inventæ sunt à Libero patre (Casal. de ritib. roman. veter.) Lucimetrum invenere Galli (ita Dominic. Cecchi.) Typographiam invenit Anno 1440. Joan. Faustus Civis Moguntinus, ut scribit Salmutus in not. ad Panciroli. Saccari lactis inventio debetur D. Lud. Testi. Nivem Martis nupèr pharmacie Italice dedit peritiss. Jo: Hieron. Zannichellus. De Chartæ, qua nunc utimur inventione multa eruditè scripsit in sua epist. de Charta, insignis noster Fran. Maria Nigrisolus. Vasa lymphatica à dura perpiam meningem cerebri producta primus observavit oculatiss. Pacchionus.

C A P U T . IX.

Sequuntur alii rerum inventores.

Molam aquarium ad triticum frangendum primus invenit Belissarius

Ju-

Justiniani Dux famatissimus (*Pancirol.*)
Torneamenta , sive belli simulacra reperit
Emanuel Comnenus Imperator Constanti-
nopolitanus (*Nicetas.*)

Loqui per hyeroglyphica invenere Ægyptii (*Pier Valerian.*) Zifferæ , seu furtivæ litterarum notæ inventæ sunt à Libertis Ciceronis , & Mœcenatis . (*Pancirol. rer. invent.*) Togam Trebenum quendam Academ invenisse , refert *Bossius de toga rom.* Inaures primus paravit Vulcanus . (*Casp. Bartolinus de inaurib. Veter.*) Equuleum invenere Græci (*Magius de equul.*) Tintinabuli sacri inventum debetur D Paulino Episcopo Nolano (*Magius de tintinab.*) Fabulam pastoralem italicis carminibus exaratam primus dedit Augustinus Beccari Ferrar. , ut notat *Guarin. in compend. Poes. tragicom..* Choros autem in istis Fabulis primus invenit , & eis addidit Torq. Tassus . Numismata sacra invenere populi Belgii sub Pio V. (*Fam. Strada S. I. de bel. belgico.*) Sociates Battitorum Laicæ inventæ sunt à Senensibus , ita *Marcus de Ulispon.* Minarum bellicarum inventor fuit Petrus Navas.

rus. (*Guicciardin. hist. tor.*) Pendula Horologiis primus adaptavit Gallileus (*Redi in epist.*) Orationes judiciarias etrusco idiomate primus invenit Alexander Guilielminus Senensis (*Claud. Ptolomeus in Epist.*) Epigrama italica Aloysius Alamanni primò composuit (*Cresimben. Hist. ital. Poet.*) Vitalianus inventor fuit Organorum musicarium in Templis, ità *G. Horn. hist. Eccles.*, *Casal. part. 3.* Vestales primus instituit Numa Pompilius [*Casal. de prof. rit. rom.*] Stercorandi agros primus inventor fuit Pilumnus, undè Pylades Poeta antiquus cecinit

*De Jove Pilumnus qui stercora ferre per agros
Edocuit populos*

Intercalandi menses modum in anno solari primus dedit Cæsar Dictator (*Marcel Donat. sup. Tit. Livium*) Feralia invenit Æneas, teste Ovidio lib. 2. Fastor., Parentalia primus instituit Numa (*Kirchman. de Funer.*) Primus Homicida fuit Cain. (*Genes. cap. 4.*) Venas secare primò docuit Hyppopotamus, Autore *Plinio*. Purpuræ inventio debetur Herculi (*Bonifac. hist. lud.*) Syrophænices invenere syderum cognitionem,

na.

navigandi industriam , & militarem disciplinam (*idem Bonifacius*) Ocularia inventit Fr. Alexander Spina (*Redi de ocular.*) Spheræ inventio Nausiacæ Alcinoi filiæ debetur , ità *Suidas* . Primus Hospitalarius Zoticus fuit (*Jo. Bap. Pacichel. de hosp.*) Ponderare aquam in aqua , reperit Rob. Boyleus , ità ait *Holdemburg. Act. philos. ann.* 1669. Novam Institutionum medicarum Ideam , dedit celeberimus Morgagnus Profes. Patavin. Tetrametrum invenit Aristophanes (*Suidas bistor.*) Rorem pericardii destillari à poris membranæ cordis primò notavit Cl. Fantonus (*Illust. Vallisner. anat. Strut.*) Obelyscus inventus est ab Ægyptiis , primusq; erexit Mytres (*Bonifac. bist. Iudric*) Glandulas uretræ novas invenit Clar. Terraneus Medic. Taurinen. doctissimus .

C A P U T X.

De Rosa.

Rosa apud omnes Gentes , & Nationes Flos est spectatissimus , suavissimè odoris , quò Cor , cerebrumq; mitificè

ficè recreantur; hæc est Veneri sacra, unde Poeta cecinit

Syderis, & floris est Domina una Venus.
 & Anacreon. dixit

Rosam amoribus dicat am.

quoniam, ut brevi tempore durat rosa,
 & occyssimè marcescit, sic forma, ac voluptas venerea citò pereunt.

Conviviorum paritè amica fuit Rosa,
 ac familiaris, & Silentii quoquè symbolum
 referente Stuchio in Antiq. conviv. lib. 3.,
 sic Poetæ finxerunt, Cupidinem Veneris
 filium Rosam Harpocrati Sylentii Deo
 consecravisse, eoquè munere eum decorasse,
 ut Rosa loquacibus exhiberetur, velut sym-
 bolum Sylentii; hinc à multis in cenacu-
 lis Rosa affigebatur, ut quisquis esset se-
 creti tenax, & omnia tacenda esse recor-
 daretur, quem morem carmina sequentia
 depingunt,

Est rosa flos Veneris, cuius quò facta laterent

Harpocrati Matris dona dicavit Amor;

Inde rosam mensis hospes suspendit Amicis.

Conviva, ut sub ea dicta cavenda sciat.

Ex hoc proverbium surrexit apud Germanos,

nos, bæc sint sub Rosa dicta, quò significatur, ea, quæ sunt liberis dicta, fida taciturnitate esse tegenda, nec aliis comunicanda.

Rosas paritè Sceptrorum cacumini impositas à Babiloniis fuisse narrat Clariss. Jo: Argolus in not. ad Panvin. de lud. Circ., idemquè, incisas in obeliscorum summítatibus easdem rosas ab antiquis notavit; Germanos olím Rosis usos esse ad reprimendos vini vapores Posidonii testimonio comprobat Appianus lib. 2., & de hoc fusè egi ego in meo de Coronis libro. Plutarc. in Sympos. rosaceas, & violaceas coronas leniter frigidas, astringendi, eaque quibus caput gravatur odore suo reprimendi vim obtinere docet, & idem confirmat Clem. Alexandr. in Pædag., undè Anacreon.

Sed implicare curo

Meos rosis capillos.

& rursus in alio loco cecinit

Rosam amoribus dicat am

Sociemus ad lyeum &c.

quæ carmina Anacreontis, ità in italicum sermonem concinnè convertit Illustriss. D. Ab. Anton. Mar. Salvin. in Acad. Florent.

Græ.

Græcar. Literar. Lector Sapientissimus

,, *E le tempia ingbirlandiamo*

,, *Dell' amorosa*

,, *Vermiglia rosa*

,, *E ogn' un con rijo cbiaro, e grato*

,, *Rida, e beva incoronato.*

,, *Rosa vaga, e lusinghiera*

,, *Rosa onor di primavera &c.*

De hoc etiām Flore cecinit celeberrimus

Vates italicus nostrorum dierum D. Franc.

de Lemene

Deb mirate, ò Verginelle,

Come pura ne innamora

Fresca Rosa in sù l' Aurora,

E imparate ad effer belle;

Significari enīm in Sacris paginis per Rosam Virginitatem, & Martyrium, ait P. Mart. del Rio in adag. sacr. primam ob Rosam candidam, alterum ob rubicundam; sic D. Ambrosius de Virgin. inquit *Virgines copiosum Gratię influxum exigunt, & rosae imbre fæcundantur*, & P. Cornel. à Lapide com. in sapient. cap. 2. pudoris, ac virginitatis symbolum Rosam esse scripsit, undē suavis nostri incomparabilis Areosti Musa

in

in cant. 1. sui Orland. Fur. cecinit

La Virginella è simile à la Rosa.

& Tassus celebris italicus Vates Cant. 16.
Hier. liberat.

*Deb mira , egli cantò , spuntar la Rosa
Dal verde suo modesta , e virginella
Che mezo aperta ancora , e mezo ascosa
Quanto si mostra men , tanto è più bella.*

Olim etiām Gratiis sacram fuisse Rosam
ob insignem floris elegantiam , dicit Pau-
sanias lib. 6. , cum ejus venustas , & fo-
liorum decor , vivam pulchritudinis ima-
ginem exprimat . Aurora quoquè , quæ
aureo vultu splendentem Solis faciem re-
ducit , ab antiquis *Dea rosea* appellabatur ,
& ab Anacreonte roseis digitis decora Au-
rora dicitur , undè suaviss. Redi cecinit
..... *con le rosee dita*

A i viaggi del Cielo il Sole invita.

Pierius Valerianus , Rosam prò hierogly-
phico humanæ imbecilitatis agnoscit ; hinc
elegans Poeta rosam sic celebravit , vel po-
tius deploravit ,

*Mirabar celerem fugitiva ætate rapinam ,
Et dum nascuntur consenuisse rosas .*

Hinc

Hinc Sanct. Ambroſius in Hexam. philoſophatur, rosam spinis armatam eſſe, tanquam humanæ vitæ ſpectaculum; triftitia enim adiunctam ſemper habet hilaritatem, & è contrà; Rosas autèm primitùs spinis caruiſſe, ait S. Basilius, poſteà verò floris pulchritudini additos eſſe aculeos, ut quod ex voluptate oblectamentum perceperimus, propinquo indè dolore exulcerati, quem ex delicti recordatione emergere, ſcribit Cornel. à Lapide Com. in Ecclesiastic. cap. 24., ſtatim amittamus; Medicè autèm loquendo, integrum Pharmacopæiam ex ſola Rosa eformari poſſe, jàm docuit Jo: Car. Roſembergius in ſua Rhodologia, ſivè Philosophico .. Medica roſæ deſcriptio- ne, ubi increpat eos, qui insupèr habitis domesticis, & vernaculis, medicamina indica, exotica, ac peregrina petere ſolent.

Licet porrò tantæ venustatis, & jucunditatis Rosa exiſtat, attamen nonnullos ab hoc Flore abhorruiſſe, ait Illuſtriss. Ramazzinus de Morb. Artificum, & Medicorum teſtantur historiæ; Hinc P. Casp. Scotus in lib. 3. Phisic. de Cardinali Caraffa ſcribit,

bit, qui quot' annis rosarum tempore, Romanum linquere cogebatur, seque intrà suos hortos claudere, custoditis ostiis, ne quis amicorum ingredientium, rosam inferret.

Petrus Melinus, teste Pierio, rosarum odore plurimum lædebat; Petrus Ser. vius in suo de odoribus libro, se novisse ait pedissequum, qui rosarum odorem adeò fugiebat, ut eo percepto, animò confestim deficeret; Digbeus in tract. i. de natur. corpor. scripsit de nobili Angla, quæ sumoperè à rosarum odore abhorrebat, & cùm quidam clam dormientis ejusdem genu rosam imposuisset, experturus, num tanta illi esset cùm rosa antipatia, quanta dicebatur; hinc ortæ fuere pustulæ varie in ipso genu.

Grunbergensem, notavit Clariss. Samuel Ledelius Academicus noster Curiosus in Miscel. Acad. Leopoldinę, cui odor rosarum inflammavit oculos; & de Matrona nobili, retulit in Ann. x. dec. 2. Miscel. Cur., quæ albarum rosarum odorem non tantum admittebat, sed, & capiti eas.

easdem Rosas albas imponebat, libentissimeque naribus adinovebat, rubras autem omnes adversabatur, & ni removerentur, deliquia animi patiebatur; undè autem ratio sit eruenda, non tam liquidum videtur, ait verò citatus Ledelius, videri, quod subtiles, & penetrantiores particulae insint rubris rosis, & ea propter nervosum genus penetrantiū feriant, quam albe, ut potè quæ non ita sunt excoctæ, & aquosiores continent partes præ rubris, id quod color saturatior in his innuit; immò legitur in tom. 5. dec. 2. Misc. Ac. Cur. Rosarum causa dolores capitis ortos fuisse, & de Cive nostro recordor, qui ex odore roscarum, gravedine affiebatur. Tandem notandum Gentiles in suis testamentis iussisse ad eorum sepulcra rosas deferri, ut ex Lapidibus sepulcr. patet, in quibus legitur: *ut quot annis rosas ad ejus monumentum deferant, & alibi Rosas quo' annis ornandum.*

JOSEPHI
LANZONI
CONSULTATIONES
MEDICINALES
V I G I N T I.

Recta Consilia Ægrotis damus.

Terentius in Andria A&C. 2. Scen. I.

CONSULTATIO I.

De Apoplexia.

AD EXCELLENTISSIMVM DOMINVM
FRANC: MARIAM NIGRISOLIUM

Medicu[m] Sapientissimum, &c.

Textor Ferrarien. Annor. ætatis 49. habitus carnosí , alioquin sani , Baccho indulgens sub finem Quadragesimalis Iejunii hujus anni 1713. in Meridie , de repente collapsus instar mortui jacet sinè voce , nec videns , nec audiens , quin etiām tactù , motuquè privatur , cùm stertore quodam , pulsu adhuc integro , absquè febri ; supèr cubile delatus , consilium , atquè medicum petit auxilium .

Hæc affectio est morbus ille gravissimus Apoplexia fortis dictus , qui primò caput obsidet , & protinus , ac subitò sensu , & motu corpus universum privat , ut in p[re]-

L 2 sen-

fenti Patiente apparet , signa enim dia-
gnostica per se manifesta sunt ; Hujus af-
fectionis causa est impedita irradiatio spi-
ritus animalis ad organa sensus , & motus ,
quod , si observationibus anatomicis cre-
dendum , à stagnatione sanguinis evenit ,
quemadmodum innuit Hippocr. , & post
eum Wepfer , ac Doleus ; impedito enim
sanguinis motu , ipsoquè cruento coagulato
in vasculis cerebri , seu meningum , vel in
jugularibus ipsis , influxus in animales spi-
ritus tollitur , undè lumen à nimale deficit ,
ex quò immediatè Apoplexia habetur ; Quo-
ad prognosim spectat , Hippocr. in casu no-
stro apertè ait , Apoplexiā fortē solve-
re impossibile esse , & cùm stertorem ha-
beamus , nulla vitæ salus sperari potest ;
At quià , monente Celso , melius est anceps
experiri remedium , quàm nullum ; ideò
ad indicationes curativas , ut rectam con-
sultationis methodum servemus , transsea-
mus ; Istæ igitùr sunt , primò restituere
quanto citius fieri possit sanguini motum ,
indè spiritibus animalibus , posteà depura-
re , ac volatilizare cruento ipsum , tan-
dem .

demquè viscera , & præsertim cerebrum ipsum corroborare : Prò quibus assequendis cùm in casu nostro Dieta , ac Pharmacia frustraneæ sint , eger enim nihil per os admittit , experto enim me præsente aquæ apoplecticæ brevi haustu , ipse per os ingrediebatur , & unà exibat ; Tota ergò spes salutis in Chirurgia est reponenda ; Venæ sectio in Brachio , pede , ac jugulari instituatur partitis vicibus ; Frictiones fortes , ligaturæ , cucurbitulæ scarificatæ , & auulæ applicentur , nec non experiatur remedium à Clariss. Dom. Mistichello præscriptum , nempè ferrum ignitum plantis pedum appositum ; clystere acri uti non incongruum puto , quod si istis non cedat aliquantis per morbus remediis , ac saltem liquida æger inglutiat ; tunc de vita aëtum est ; ut in præsenti nostro casu accidit ; no[n]ete enim sequenti vitam cum morte co[n]mutavit ; & si in meridiè lumine animali orbatus fuit , sub media nocte , vitalis pariter flamma extincta ; atquè sic illi

In æternam clauduntur lumina noctem.

CONSULTATIO II.

*De Paralyssi post Apoplexiā.*AD EXCELLENTISSIMVM DOMINVM
A L O Y S I U M A F A B R A*Medicūm Præstantissimum.*

NOtiſſima eſt Affeſtio Rever. Sacerdotis Parochi nostri Ferrarien. Annor. ætatis 50. poſt enīm validum Apoplexiæ insultum, diversarum partium corporis ſubsequuta eſt, & præſertim linguae, ut nequè verbum integrum articulare valeat, Paralysis. Hujus affectus generationem deſcripsit divinus Senex in 4. de rat. viet., cujus cauſa videtur eſſe vitium muscularum, & animalis ſpiritus, & quidem muscularum, cùm ipsorum fibræ ineptæ ſint, & malè diſpoſitæ ad ſui extenſionem, cùm ſint flacidæ, ac molles; vitio autem animalis ſpiritus, ſi impotens ſit ad muscularum fibras diſtendendas, aut quiā de.

deficiat, autem quia impediatur ejus influxus in nerveas partes a materia crassa, & obstruente; Quidam prognosim, haec paralysis curatu est difficilis, quia inveterata est, & quartum nunc videt annum, immo quia ab Aplexia ortum habuit, timendum, ne iterum in Aplexiam degeneret; attamen quia aetas consistens est, aliquid boni sperandum, nam si in senectute esset Patiens, tunc incurabilis omnino esset, cum tubuli partis affectae sint duriores, & fibrillae crassae, ac densae, & minus sint mobiles, unde obstructiones in iis genitae non faciliter tolluntur; Indicaciones igitur curativae in hoc casu sunt, restituere motum spiritui animali, tollere materiam illam crassam, ac obstruentem, tandemque firmare, ac corroborare fibras, aliasque partes nervosas; Propter quibus asse-
quendis, ad tres Medicinæ Fontes deve-
niendum puto; nempe ad Chirurgiam,
Pharmaciam, ac Dietam; & quod ad
primam, venæ sectionem comendo repe-
titam, ad hoc, ut communicato motu
cruori, impedimenta facilius tollantur;

frictiones, ac cucurbitulæ scarificatae, etiam in subsidium venire possunt; ex Pharmacia, expiatis primò communibus viis, & alvo sollicitata, potionem nostra magistrali solutiva, vel pilul. de agarico, Cochliis, & aggregati, & prò alterantibus ad plures dies utendo jure vituli, in quod bullierint C. C. limat, fol. primulæ veris, Betonicæ, & Graminis; indè ad specifica deveniendum; ut est sequens mixtura per coclearia repetenda ad plures dies. Rx.
 Aq. ceras. nigr., Salviæ ana unc. ij., Epilept. Lang. unc. sem., Extract. castor. drac. sem., Syr. de stechad. unc. sem. m.
 Præbeatur pulvis viperinus per mensem, superbibendo decoctum ex Ligno Quercino, Salsæ paril., Sandal. citrin., Radic. pœoniæ, & fol. maioran., Salviæ betonic., mixtis, & in aqua Fontis paratum S. A.
 Quovis vespere utatur conserva primulæ veris, Flor. tunice, betonic., & lilio. conval. inungatur pars affecta, oleo vulpino, Castorei, & spirit. vini mixto, nec non vinacea calida apponantur suo tempore; Vitet frigus, ac aerem nocturnum,

victus sit moderatus , & cibi condiantur
aromatibus , cavendum à carne suilla ,
anatum, anserum, & pavonum, & à vi-
no nimio , ac generoso ; immò poterit vi-
num suum medicari fol. roremarin. , &
sassafras. . Cœna sit parcior prandio , &
valdè ab eo distet ; Somnum fugiat
meridianum ; Motum , atquè
exercitium præsertim sereno
cœlo coimendo ; alvus
lubrica semper ser-
vetur , & hi-
lari animo
speret
salutem à Deo, qui solus
languores omnes
fanat .

CON.

CONSULTATIO III.

De Vertigine.

AD EXCELLENTISSIMVM DOMINVM
FRANCISCUM JUSTINUM

*Medicum, Chirurgum, & Anatomicum
Solertissimum.*

Civis noster Ferrarien. ætatis 40. ann.
nor., aurium primò tinnitus senit,
cùm modico capitis dolore, ac rubo-
re oculorum, paulò post omnia verti in-
girum videbantur, nec rectè stare poie-
rat, ità ut timeret, ne caderet; hæc af-
fectio facta est frequens, & nunc visio le-
nebrisosa est, & nisi baculo inhæreat an-
bulare nequit, ob timorem concidend;
Petit à Medicina auxilium, remedia, &
salutem.

Vertigine affici hunc nostrum Civem
certum est, signa enīm tam manifesta sunt,
& aperta, ut cuilibet etiā non Medio-
apa-

apareant ; Subiectum hujus affectionis communi Authorum consensu cerebrum statuitur , cùm spiritibus animalibus , qui valdè perturbantur , ac inordinate vagantur circà callosa corpora , & striata cerebri , nec non per poros omnes ipsius visceris principalis ; sic causa conjuncta hujus affectus erit spirituum animalium turbatio à corpusculis æterogeneis , & ipsis spiritibus infestis , vel in sanguine , vel in aliis humoribus latentibus producta ; particulæ enīm vertiginosæ in internas partes cerebri insinuatæ spiritus fugant , atquè tenebricosos faciunt ; undè inordinate ad oculos propulsi , vertiginem pariunt in casu nostro .

Post causas , ad Prognosim est deveniendum , & primò si vertigo hæc diutiùs duraverit , apoplexiam , vel maniam , vel spasmoidicos insultus prænunciat ; undè colligo , hunc affectum non floci pendendum esse , tanquam morbi majoris prodromum ; Interrogandus autem est Æger praesens , an viridis , aut purpureus color ante oculos obversetur , tunc enīm amentiam ,

ac epilepsiam prænunciare, scribit Clariss. Doleus; Si verò recens vertigo est periculo vacat; Aliquando capitis dolor hujus affectionis solet esse remedium, cuius exemplum dat Lel. à Fonte conf. 6.

Indicationes curativæ sunt, sedare inordinatum spiritus animalis motum, corporiscula vitiosa æterogenea eliminare, atquè cerebum corroborare; Quarè primò innixi aphoris. Hippocr. sect. 4. num. 17., „ si febrem, non habeat, & æger noster „ abstineat à cibo, & tenebricosam verti- „ ginem patiatur, & oris amaritudinem „ sentiat, purgatione indigere significat; sic igitur alvo sollicitata aliquo lenienti phar- maco v.g. Cassia, Manna, Syrup. aureo, Conser. flor. Persicor., vel similib., dico sanguinis missionem, tamquam singulare remedium, admittendam, & si de facili non cedat remediis Vertigo, tunc frictio- nes, Arteriotomia, Cucurbitulæ scarifi- catæ, Hirudines, & id genus remedia, è Chirurgico Fonte derivata, usurpanda sunt; Ex Pharmacia verò nonnulla ve- niunt assumenda præsidia, ut Decoctum

ligni Guaiaci, Visciquerc., Buxi, Radic.
Peoniae, Fol. Calendul., Betonic., pro-
curato sudore per hypocaustum, & id per
dies triginta; sudor tamèn sufficiet per x.
dies; habito respectu ad Ægri tolerantiam,
& resistantiam; omni autem octavo die
decoctionis, sumat Patiens Pilulas de
Agarico ad drac. j.. Immò, tincturam Suc-
cini partiùs, sed sèpè datam cùm Syrup.
flor. peoniæ meritò intèr specifica referri
ait Valdscmidius in monit. med. . Laudo
etiam sequentem Tincturam à præstantiss.
Doleo descriptam Rx. Flor. Peoniæ, Lilior.
Conval. ana unc. sem. Rorismarin. drac. iij.,
Salviæ Betonic., Tiliæ ana drac. ij., cum
Spirit. cran. human. suo sale imprègnat.,
Ultimo loco Conserv. flor. Calendulæ qua-
vis vespere ad Coccoleare unum comenda-
rem, sicut non semel uti sequenti bolo
bonum erit, Rx. Stercor. Pavon. alb. in
Sartag. leniter exsiccati, & pulverisati drac.
sem., cum cons. betonic. q. s. fiat bolus
aurat. . Hoc autem stercus effectum suum
edit ob suum copiosum sal volatile, quod
scatet; Ad Dietam quod attinet, Cibus
eli.

174 *Consultatio III. De Vertigine.*

eligatur succi boni , & qui facilè digera-
tur , vitentur ergò omnia legumina , Suil-
læ carnes , & præsertim salitæ , Caseus ,
Pasta , itèm vinum generosum , quià hoc
adauget sanguinis , spiritusquè effervescen-
tiam , indèque multas particulas indomi-
tas ad cerebrum mittit ; Æger animi
perturbationes fugiat cane pejus ,
& angue , quià istè valdè
sanitatem lædunt ; Aer
sit serenus , tem-
peratus , ac
lucidus ,
austrini cœli fatus fugiat ; sicq;
sanitatein Deo adiuvante
recuperabit ; Fa-
xit Deus ,
&c.

CON-

CONSULTATIO IV.

De Cephalagia.

AD EXCELLENTISSIMVM DOMINVM
FRANCISCUM SALMIUM

Medicu[m] Præstantissimum.

MUlier 30. Annorum vidua boni corporis habitus, cui mensium fluxio imminuta est, dolore capitis pungitivo per plures dies afficitur, cum inapetentia, & aliquandò cum cordis palpitatione; vix febre tentatur, ordinatè enim motus cruris incedit; præter exiguam alterationem pulsus; aliquandò pallet, & modò rubet, atquè oculi inflammantur; Ob dolorem nequit, è lecto surgere, consilium medicum poscit, & auxilium sperat. Hic affectus Cephalagia nuncupatur, & est dolorifica sensario capitis à continui solutione dependens; Partes affecte sunt partes nervosæ capitis, illæ enim sunt exquisito sen-
su

su præditæ , & quò magis acres particulæ sanguinis , & lymphæ in illis partibus latentes sunt acutiores , ac in majorem motum percitæ , eò dolor exurgit validior , undè pungitivum sentit nostra Ægra dolorem ; Causę igitùr istius affectionis , sunt acres particulæ cum humoribus per vasorum ad caput derivatæ , & cerebri filamenta , meningesquè vellicantes , atquè pungentes , quæ fortassis acres particulæ ortum habuerent ex imminuto catameniorum fluxu , non benè enīm purgato menstrualiter sanguine , ut scateat particulis impurioribus est neceſſe , & maximè in Vidua juvēne , cui feruet massa sanguinis .

Circà Prognosim , Galenus ait , quod ex se iste dolor lætalis non est ; nihilominus tamèn periculo non careret , si longus , ac diuturnus esset , altasquè radices produceret , tunc enīm in Apoplexiā , Epilepsiam , & cœcitatem transire posse docuit Jo: Fortis in consult. monendo cùm Areteo capitis doloris finem mortiferum esse , exigui enīm dolores non sunt spernendi , attamèn quià in nostro casu , mulier sanata est ,

est , & juvenis , ac dolor altas non egit
radices , sperandum ope remediorum , citò
salutem ipsam recuperare posse , ut voveo.

Indicationes ergò curativæ sunt , san-
guinem à particulis illis acribus depurare ,
easquè eliminare , caput corroborare , &
cruorem ad inferiora loca invitare , atquè
per ea minuere , sicquè catameniorum flu-
xum in perenni motu , ac debita mensura
restituere .

Quibus , ut satisfiat , ad tria Medicinæ
brachia recurrentum ; & primò quò ad
Chirurgiam , præcipuè consideretur san-
guinis missio , & ità sanguis erit educen-
dus à vena pedis , Hippocr. enīm suadet ,
ut dolorem sedes sanguinem de venis detrabit;
& si dolor non cedat , monente Valdscmi-
dio , vena secetur in fronte , vel manu ; &
ego pluries observavi fœlicitèr sectam fui-
se venam jugularem ; quin & Arterioto-
miam in temporibus summæ efficaciæ esse
putarem , quandò dolor pertinacitèr hæ-
reret , nec de facili cederet ; Cucurbitule
etiam scarificatæ spernendæ non sunt tan-
quam V. Sect. vicariæ ; hæc in quantum

ad Chirurgiam in casu nostro; Quod attinet ad Pharmaciam; Expurgatis primò à saburris, & vitiosis fermentis primis viis vel Syr. aureo solutivo, vel Potione nostra magistrali, ad sex untiarum pondus; Prò alterantibus utatur quavis mane jejuno stomacho jusculis, in quibus bullierint folia betonicæ, Cicorei, Endiviæ, Oxalidis. Ab opiatibus abstinendum; hæc enīm, teste Valdscimidio, paliativè curant, idquè non sinè periculo gravioris recidivæ, vel affectus lethargici; Prò magno remedio in tali casu, & in mea potissimum dilectissima Uxore expertus fui, decoctum ligni visciquercini per plures hebdomas jejunio stomacho assumptum; Nonnulli usum frequentem Pillular de Aloe, atquè de Agarico laudant; Prò externis remediis, Primò sint lintea sequenti liquore madefacta, & fronti ad dolorem cicurandum apposita; Rx. Aq. Verben., betonic., rosar. unc. iij, vel ungu. populeon., & alabast. inungatur frons; Verbenam collo suspensam comendat Petr. Forestus; Lotio pedum sæpè juvat, quatenus fibrillæ nerveę blan-

blando poppyfmate demulcentur ; quod etiā laudat Doleus ; Quò ad Dietam demūm , cibi sint optimi succi , & facilis concoctionis ; Potus sit vinum tenue , immò si à vino omnino abstinaret melius esset , nām vinum capiti nocere , ait in suis monitis Medic. Valdscmidius ; Exercitium sit moderatum , somnus , & vigilia sint mediocria , Animi patheimata fugiat , ut potè quæ spiritus , & humores agitant , sicq; dolori capitis calcar adderent , & effervescentias sanguinis excitando nimias , arterias extendendo , cephalagiam augerent . Cæterà quæ pertinent ad varias conservas , aliaquè medicamina à Practicis , tam antiquis , quām recentibus præscripta , silētio præterire volui , tūm quià præscriptis supèr remediis salutem recuperaturam spero , tūm etiā cùm illa in dies à prudenti Medico præsenti perfici debeant .

CONSULTATIO V.

De Tussi contumaci.

AD EXCELLENTISSIMVM DOMINVM
PETRUM DOMIN. VOLTOLINAM

Medicum Doctissimum.

CAsus proponitur ab Excellentissimo D. Medico ad Curam Nobilissimi Juvenis , qui immodecè delectatus potionibus gelidis ex succo limonum , & modico saccari paratis ; diebus canicularibus incidit in tussim molestam , adeò ut noctù dormire nequeat , & tam pertinacem , ut usquè adeò elapsi sint tres menses , & multis tentatis ex Arte remediis, nondùm convaluit ; quarè opem , & auxilium à Deo primò, indè à Medicina implorat .

Affectus igitur', quò noster hic Æger laborat absquè dubio est Tussis molesta , & contumacissima , quæ definiri potest , validia ,

lida , crebrior , inæqualis , & sonora efflatio , vel expiratio , quæ magna spirituum pars cùm impetu foras erumpens vi sua explodere nititur acia excrementa , ex lympha peccante orta , tracheam , ipsasquæ pulmonares fibrillas laceſſentia , & vellicantia : Pars affœcta est primò Pulmo , qui vel per ſe , vel per conſenſum alteriūs partis afficitur , poſteà fibræ bronchiorum , muſculorumquæ pectoris , ac alij nervi laceſſiti mediantibus spiritibus tuffim excitant , nec excludenda venit trachea fibris ſuis quoquæ inſtructa ; Signa Diagnotica jām per ſe nota ſunt , undè per Adagium dicitur , tuffim , & amorem diſſimulari , & abſcondi non poſſe ; Nunc igitùr pergamus ad cauſas , quæ in caſu noſtro , ſunt particulæ in ſanguine cuſpidatæ , acutæ , & ferientes , quæ per cruoris circulum ad par-tes ſupradictas pectoris derivatæ , illas vellicant , atquæ moleſtè pungunt , & ſic motum præternaturalem excitant , qui for- malitè tuffis dicitur ; tales autem irri- tan-tes particulæ ortum habuere à nimio ſucci limonum uſu , & à valido frigore , quò

imbute fuerunt Potiones innordinatò defsumptè; Frigidum enìm pectori inimicum esse docuit maximus Medicorum magister Hippocrates.

Quò ad Prognosim observandum, in nostro casu, tussim non esse affectum spernendum, qui diù durat, & contumax est, ut advertit doctissim. Franc. de Leboe Sylvius; immò addit Clariss. Ettmulerus, timendum ne sit Phtiseos Prodromus; Capiti, & oculis tussim molestam nocere volunt multi, ideòque citò ad hujus affectio-
nis est deveniendum curationem, nè æger in peiorem incidat morbum.

Curativè igitùr indicationes erunt in ca-
su nostro tollere irritamenta, dulcifican-
do cruoris acredines, retundendo, & he-
betando cuspides ferientes nerveas partes
illarum particularum, què propriè causant
tussim; demùm, eas è corpore ellimina-
re, atquè pectoris partes corroborare; Ad
quæ assequenda, ad tria Medicinę brachia
deveniendum, & primò ad Pharmaciam;
ex quà expiatis primò communiter primis
viis, & prò præparantibus exhibitis ad plu-
res

res dies Syrup. de hysoppo , de prassio , & jujubino ; ad usum Lactis asinini per longum tempus est deveniendum ; Indè pulverem Haly commendarem , ocul. Cancr. , Conser. ros. recent. ; Mixtura Pectoralis non exigui est usus , sicuti Ferculum Saxon. Syr. de Erysim. Lobelj. , & liquiritiae succus ; Balsamum Sulphuris commendatur à Rob. Boyleo in tract. Philos. experim. , & decoctum Raparum à Joanne Cratone in Epist. Medic. , & si lubricare aluum oporteat , usum Clysterum ex lacte vacino chalibeato , aut ex ol. amigdal. dulcium , confectorum laudo fretus autoritate celebris Malpighj in cons. 32. , quas Consultationes recentè collegit , atquè Typis Patavinis publici juris fecit Clarissimus , atquè omni laude dignus *D. Hieronymus Gaspari*. Opia- ta rariùs esse adhibenda monet Ettmuler. , cùm Valdscmidio , qui sudores conducere scribit ; Usum spermatis ceti , & myrrhe approbo ; linimenta verò tanquam parùm utilia , vetulis credulis linquo , quæ intus si non tantùm pectus , verùm etiàm plantas pedum inungunt ; Ex Chirurgia susci-

pienda est Venæsectio , quæ licet à Præticis tantoperè non commendetur , magnæ tamèn solet esse efficaciæ , ut in monit. suis ait Valdscmidius ; Hic autem obiter noto , similem casum observasse temporibus suis Amstelodamensium Medicorum lumen Nicolaus Tulpius lib. 4. observ medic. num. 21. , qui tamèn casus solo Raparum Decoctor fuit curatus . Dieta deniq; sit blanda , ita ut suavibus particulis demulceat partes membranosas , & fibrosas , ideoque fugiat Ægrotus noster à cibis acribus , salsis , aromaticis , aliisque alimentis serum fluxile , & acutum reddentibus ; Potus sit ptisana Veterum , vel decoctum hordei cum passulis , Vinum fugiat maximè generosum , ob particulas acidas , quas in se habet ; Motus , & quies mediocriter se habent ; motus enim nimius humores agitando laticem acriorem reddit ; Aer impurus , & frigidus nocturnus , cane peius , & angue vitetur ; Læto sit animo ; dum hæc pauca ego indico pro salute nostri Juuenis tussi pertinacissima ægrotantis ; Faxit Deus &c.

CON.

CONSULTATIO VI.

De Astmate.

AD EXCELLENTISSIMVM DOMINVM
HIERONYMUM BARUFFALDUM

Philosophum Eruditissimum.

Proponitur mihi curandus Rev. Sacerdos ætatis annorum 60. habitus carnosí , qui quatuor ab hinc annis cor- reptus est quadam spirandi difficultate , præsertim in assensu scalarum ; modò magis invaluit hic affectus , adeò ut fermè continuus sit factus , & nocte decubitus sit difficilis ; Anhelosus igitùr , & suspirosus difficilimè trahit spiritum , adeò ut ob pectoris angustiam , suffocationem timeat ; & hæc ex historia dictæ affectionis dessumpta fuere ab Excellentiss. Viro Curante eleganter exarata , atquè ad me transmissa .

Ex quâ colligo Reverend. Sacerdoteim Astmate premi , & non incipiente , sed in-

ve.

veterato , & ad quatuor annos protracto ;
 Hic affectus à multis caducus pulmonum
 nuncupatur , & est difficilis respiratio ferè
 semper absquè febri , cùm sonitu , & stre-
 pitu à cellularum pulmonis , & bronchio-
 rum obstruzione originem trahens ; undè
 pars affecta sunt bronchia , seù asperæ ar-
 teriæ propagines , non exclusis vesciculis ,
 & vasis sanguisfluis materiam vitioso - visci-
 dam afferentibus ; Causa est materia cras-
 sa , & glutinosa , ductus , & pulmonis
 vesciculas obstruens ; & hoc dignoscitur ,
 ex eo quod à Famulo Ægrotantis intelligo ,
 per tussim enīm sæpè ipse Rev. Sacerdos
 crassam materiam excernit , & quò magis
 illa excernitur , tantò magis affectus immi-
 nuitur ; quià verò materia vitiosa , & vi-
 scida ab humoribus circulantibus assiduè ad
 pulmonem defertur , atquè ibi deponitur ,
 hinc est , quod licet æger à materia sta-
 gnante exoneretur , tamen Astma conti-
 num humorosum perseverat ; Prognosim
 quod concernit , advertendum , quòd , cum
 vita , & respiratio pari passu ambulent ,
 iste affectus astmaticus , sit valdè pericu-
 losus ,

Iosus, & maximè quìà contumax est, & quatuor annorum soboles; ex quò dubitari potest, insignem pulmonis læsionem inductam esse; Quià verò expectatio, & excreatio cum aliquo lævamine succedit, idè spes erit paroxysmorum ferociam mitigari posse; Timendum autèm, ne sub morbi hujus contumacia Rever. noster Patiens, vel cacheticus, vel hydropticus fiat, quod tamèn Deus avertat; Indicationes itaque medicæ in nostro casu erunt depurandi sanguinem à materia viscida, ac glutinosa, eamquè, vel per diuresim, vel per diaphoresim educendo, & partes afféctas corroborando; Prò quibus assequendis ad Medicinæ practicæ ordinarios fontes vertendum est; & primò quoad Dietam spectat, quià victus ratio constat ex rebus nonnaturalibus; idè primo aer sit moderatus, serenus, siccus, non tamèn cœtuans, è contrà frigus vitetur, ex hoc enim humores facilitè conspissantur; Cibus sit attenuans, nè materia crassescat, isquè conditatur herbis aromaticis, pectoralibus, hyssoppo scilicet, fœniculo, Salvia, &c.;

Ab.

Abstineat à Caseo , carne suilla , à leguminibus, omnibusquè illis , quæ crassum , lentumquè succum generant ; Vinum sit tenue , ac variis herbis pectoralibus medicatum ; Somnus sit moderatus , nec sit diurnus ; Alvus quotidiè servetur lubrica , & sicuti ira , & mœror lædere possunt , ità Gaudium conduit ; A pharmaceutico fonte duo remediorum genera desumi possunt , unum in paroxismo , alterum extrà paroxismum ; quò ad primum Syrupum de Tabaco , & de Erysimo coñendo , una cum balsamo Sulphuris , & spermate cetti ; ad secundum verò primò oportet blan- dè aluum sollicitare modico Cassiæ cuim pul. Crem. tartar. , vel ol. rec. amigdal. dulc. , indè exhiberem ad plures dies Serum Caprinum depuratum , posteà lac asinimum cùm saccaro fino , more consueto per xx. saltem dies ; Comendabilis etiàm est usus Syrupi de Helenio Horatj Augenij , cuius formulam habet Doleus in Encyclo- pedia med. pract. , sicuti pillularum se- quentium , idest ; Rx. Pul. millepeduim pp. drac. ij. , Flor. belzoin. , Salis succini ana scrup.

scrup. ij. , Extract. helenij , Castor. ana
scrup. sem., croci scrup. j. , Therebintinæ
q. s. m. f. S. A. pillulæ parvæ quarum as-
sumat Æger quatuor omni vespere; Gumm.
Ammoniac. tamquam egregium expecto-
rans , ac incidens commendatur ab Ettmu-
lero ; Flores sulphuris extrà paroxismum
prò pulmonum conservatione , atquè si leſi
fuerint , restitutione fœliciter usurpari pos-
sunt , nempè Rx. Flor. sulphuris , Saccari
ana q. s. , notandum tamèn , nè nimis abu-
tatur Æger noster saccaro , & saccaratis ,
proptèr facilem effervescentiam , ob quām
multi exasperantur morbi , & præcipue
pectoris , viscidiora reddendo excrements ,
& putrilaginem , & corruptelam pulmo-
nis māgis intendendo ; Usum pulveris Vi-
perini , etiām laudavit Jo: Fortis in suis
Consult.

Deveniendum tandem ad Chirurgiam ;
ex quā si Paroxismus sit talis , ut metum
incutiat suffocationis , tunc statim vena
secetur , ut sic circulatio in pulmonibus
paulūm impedita promoteatur ; cæterūm
postea Venæ sectio per se in Astmatis cu-

ratione methodica nullum locum habet ;
Quibus ritè, & ex præscripto modò obser-
vatis per divinam benedictionem salus per-
fecta erit speranda, quod faxit Deus &c.

CONSULTATIO VII.

De Melancolia hypocondriaca.

AD EXCELLENTISSIMVM DOMINVM
ANTONIUM FRAN. BOTTICINUM

Medicum Præstantissimum .

MEdicos in decernenda ægritudinis Honesti Civis nostri Ferrarien. se-
de, discrepantes habuisse sententias mirari non oportet , quia , Hippocrate te-
ste , in morbis internis si Medici decipian-
tur , sunt excusandi , quemadmodùm po-
steà inculpandi sunt , ait Mercurialis , si
in externis , & sensibus ipsis subiectis mor-
bis , allucinentur ; Nos tamèn sensum no-
strum supèr hoc casu breviter exponemus ;

Ho-

Honestus Vir annor. ætatis 47: variis ob-
structionibus, & præcipue lienis, affectus,
post cibi assumptionem, anxietates in præ-
cordiis sentit; profundis, ac assiduis cogi-
tationibus detinetur, ita ut ad interroga-
tiones aliquando non respondeat; hypo-
condriorum adsunt tensiones, ac tandem
immaginatur multos habere morbos, quos
realiter non habet; Ex quibus colligitur
præsentem Ægrum melancolia hypocon-
driaca affectum esse; hoc est Delirio sinè
febre; Hujus morbi generatio obscurissima
est, quoniam Natura in cerebro fantasie
actus exercet, & aliorum sensum interio-
rum modo adhuc ignoto, & difficili ex-
plicatù; ut ingenuè fatetur Clariss. Mal-
pighius in suis Consil. à præstantiss. D.
Gaspari evulgatis pag. mihi 45. Nonnulli
putant stomachum affici, alii mesente-
rium, Pancreas, & lienem accusant, cer-
tum tamèn est, ex sectione Cadaverum hy-
pocondria denatorum, modò observata
fuisse vitia in ventriculo, modò in mesen-
terio, nunc in Omento, nunc in liene,
modò in aliis visceribus; Ego prò sede istius
mor-

morbi agnosco, globosam partem cerebri, in quā functiones non ritē peraguntur, ut potè quīā cerebro subministratur sanguis infēctus, ex eo quod ratione obstructiōnum, nec sufficientē filtrari, nec fermentari potest, undē acidior factus, vitiatur succus nerveus, qui à corticalibus glandulis perpetuō separatur, & acidis salibus imbutus, non omnimoda pollet volatilitate, undē mens angitur, & specie timoris torquetur; Hippocondriorum adfunt in nostro casu tensiones, quīā segniūs crux movetur per vasa insimi ventris, undē retardato motū extenduntur membranæ, & in nimia illa extensione, particulae illę, quæ debent egredi per insensibilem transpirationem retinentur in musculorum poris, abdominis, & intestinorum, undē flatus excitantur. Quò ad Prognosim, dico hunc affectum cronicum esse, & curātū difficultimum, & meritò dici Medicorum flagellum, ac opprobrium, cùm plura, immò, & generosa eludat remēdia; interdūm iste affectus in maniam transit; Indicationes sunt depurare humores à sa-

à salibus acidis, tollere vitium in cerebro, obstrukciones in liene, mesenterio, &c., tandemquè viscera ipsa corroborare; quæ ut peragantur primò ad Pharmaciam deveniendum est; & alvus est lubricanda lenienti remedio, cavendum tamèn à catarcticis, nàm hæc majorem excitabunt confluxum ad partes affectas, & quià noster Hippocondriacus est Flatulentus, ideo admodum conducere posse enemata puto; Usum succorum depuratori. fumar., borage, & Cicor., per plures dies laudo, quibus succis addi potest tinctura chalybis; Deindè bonum erit uti sero caprino cum stibio diaphoretico; quin, & lactis asinini usum præscribit Clariss. Malpighius; Pulv. ocul. Cancr. pp., & rasur. eboris egregii sunt usus. Rotulas Diarodonab. non improbarem, & essentiam Croci, teste Clarris. Zannicchello. Ex Chirurgia sanguis mittatur per hæmoroidales venas ope hirudinum, atquè nihil aliud ab hac Medicinæ parte sumatur, quià sperandum est, teste Clariss. Jo: Fortis, talem morbum medicamentis sinè ferro, & igne magna

parte cessurum ; Interim vixtus ratio non sit rigida , sed moderata ; Vinum alteretur infuso Chalybe , croco cibus condiantur ; Potus Chaffè , & Thè utilis erit ; Abstinendum à carne suilla , leporis , aujum aquatric. , ac cibis ex pasta paratis , à Leguminibus prætèr Hordeum , & Orizzam ; Somnus maximè nocturnus valdè proderit ; sicut exercitium moderatum ante cibum ; Animi passiones , tamquam salutis opposite , juxta Clariss. Terenzonum de Valet. tuerenda exercit . 8. vitandæ , & gaudio , atquè hilaritati studendum ; spiritus enīm tristis exsiccat ossa ; Pauca autem hæc dicebam prò confirmatione eorum , que à Doctissimis Viris proposita fuerant re , quorum iudicio libens me subiitio ; Faxit Deus , &c.

CONSULTATIO VIII.

De Sputo Sanguinis, &c.

AD EXCELLENTISSIMVM DOMINVM

JO: DOMINIC. BENETTUM

Medicu[m] Præstantissimum.

Qui historiam medicam , supèr quâ consilium meum , & si parvi pendendum , mihi tulit , Sacerdos quidam venerabilis fuit , ex illustri Jesuitarum Collegio satis eruditus , & summa bonitate præditus , quales solent esse omnes alii illius Illustrissimæ Religionis , à me perpetuò venerandæ , atquè vero amore jugitèr prosequendæ . Historia Affectionis talis est . Civis cujusdam Nobilis Filius annorum ætatis 21. , post nimiam incalescenciam , atquè violentum exercitium in venatione incidit in sputum sanguinis spumosi cùm tussi , præcedente titillatione , & pruritu in aspera arteria , & præsertim in

N 2 ejus

ejus principio; variis tentatis remediis convaluisse videbatur, sed falso, tres enim post menses iterum tussis invaluit, & Hemophioe recruduit; ita ut cum quadam violentia ultimò loco sanguinem vividum floridum, ac spumosum ad pondus ferè unius libræ excrevit; ita quod vomere videretur; nunc remedia quærit non tantum pro præsenti curatione, quam pro præservatione; supèr quam historiam Juvenis presentis Hemophioici sic consulo.

Graviores intèr pectoris affectiones sanè, & omnibus annuentibus Practicis est sputum sanguinis; potest verò hic tripliciter à pulmone exire, per anastomosim vide licet, id est per osculi vasis aperitionem; vel per diapedesim, nempè per transudationem, vel per Diæresim, hoc est per rupturam vasorum, quam ultimam timeo accidisse in nostro casu; qui est rejectione croris per os cum tussi, sinè inflammatione à vasorum pulmonalium ruptura ortum habens; Pars affecta propriè est Pulmo, ejusquæ vasa, membranæ, & vesiculæ; Causa est sanguinis acrimonia, unde

dè particulæ acres suis cuspidibus feriunt, ac errodunt partes supradictas, atquè continuum solvendo, sputum Sanguinis excitant; Consultationis methodus nunc postulat, ut ad Prognostica calatum ver tam, & quid de Ægri nostri salute sperandum sit candidè fatear; idcirco primò cùm Hippocrate dico, quamcunquè sanguinis supernam ejectionem malam esse, à disrupto enim pulmone, supuratio, & tabes timendæ sunt, a sanguinis enim sputo puris sputum, à puris sputo Phtysis, sunt verba magni nostri Præceptoris; qui à verò in juvene præsens affectio est divite, atquè præcepta medica summa obedientia recipiente; sperandum, ut assumptis ab Arte præscriptis remediis salutem recup eret, ut ex corde voveo; Indicationes ergò curativæ sunt dulcificare massam cruris, & aperturam pulmonis claudere, atquè consolidare; Quibus ut satisfaciamus; ad tria medicinæ lumina vertendum, nem pè ad Chirurgiam, Pharmaciam, & Dietam; & quod ad primam; iniecto priùs cly stere, vena cubiti dextri aperiatur, & si.

cruor in magna copia ; & quantitate exiret, venam etiām pedis erit secanda ; Ex Pharmacia sumatur succus Urticæ , cùm pilul. ad Hemophthoem D. Helvetii , quibus sæpè fœlicitè utor in Praxi facienda hic Ferrariæ prò sanguinis quibuscumquè effusionibus ; Decoctiones intupèr conducent Plantaginis , Malvæ , Cicor. , Boragin. , cum pul. ocul. Cancr. pp. ad plures dies , posteà ad usum lactis asinini cum saccaro more solito confugiendum est , & hoc per 40 dies ; vesperè autèm utatur conserva Rosarum , ex cuius frequenti usu aliquos etiām Phtysicos sanatos esse nonnulli Authores perhibent ; Tempore verò , quòd lac assumet , abstineat à vino , & ejus loco potet aq. hordei , & emulsion. quat. sem. frigid. maior. , & loco cœnæ summat ptafanam hordeaceam ; Efus testudinum , ranarum , atquè cancrorum fluviatilium utilis erit , Carnes sint elixæ , & facilis coctionis ; abstinentia ab acidis , falsis , ac austeris tamquam à cane , & ab angue ; & hæc sunt quæ à Dieta præscribi possunt ; Somnus , & Vigiliæ non excedant Limites

me-

mediocritatis , & ab ira , aliisque animi
vehementioribus affectibus abstineat Æger,
ut optatam recuperet salutem . Faxit Deus
&c.

CONSULTATIO IX.

De Pleuritide.

AD EXCELLENTISSIMUM DOMINUM
NICOLAUM BELLAJAM

Medicum Præstantissimum.

Honestus Mercator annorum ætatis
40. Mense Februario , aere incle-
mentiore , & frigidiore existente ,
per diem personatus incedit , atque bacca-
nalia celebrat , domum reversus defatiga-
tus assumit haustum magnum vini genero-
si , ad sitim , quæ torquebatur tollendam ,
& ut dicebat , ad vires reficiendas ; Hinc
paucis elapsis horis , horror totum ejus cor-
pus invadit , cubile pectit , obdormit spatio

duarum horarum, ex parte factus sentit dolorem, sed obscurum sub mamma dextra, inde corripitur febre, cum dolore, & rigore, dolor augetur cum tussi sicca, & cum spirandi difficultate, pulsus est durus, & frequens, urina turbata, tandem expuit sanguinem in modica tamèn quantitate; Auxilium petit ab Arte nostra.

Ex signis in historia enarratis, colligitur nostrum Ægrum vexari pleuritide, cuius pars affecta est pleura membrana scilicet, quæ costas internè vexit; una cum dextra pulmonis parte, certum enim est in quavis pleuritide pulmonis partem inflammari, sicuti in Peripneumonia ambo latera pulmonis inflammatione corripiuntur, & hoc Hippocrates docet de loc. in homin., sicuti Herophylus, Bonetus, Dolens, Celsus, Platerus, & alii tam anti-qui, quam recentes Medicinæ Magistri; cum enim substantia pulmonum sit valde apta ad inflammationem, quia mollis, spongiosa, rara, & porosa, hinc est quod facile obstrui potest indequè erisipelatosæ inflammations oriuntur; quæ originem ha-

bent

bent à sanguine crassò , & lentescente vi-
tio aciditatis contractæ , à quâ coagulatio
dependet ; & cùm fixatæ in pleura parti-
culæ acres evadant , ideo dolor insurgit
pungitiuus , particularum enim acrum
cuspides feriendo pleuram sensu exquisito
præditam , solutionem continui inducunt ,
undè acutus dolor invadit ; causæ verò re-
motiores sunt in nostro casu , insensibilis
transpiratio impedita , exercitia vehemen-
tiora in solemaniis Bacchanalium habita ,
quatenus ista fermentant magis cruorem ,
undè hic impetuosior redditus per arterias ,
& venas fertur , indèque facilius extrà va-
sa effluere potest , imprimis si subitò in suo
motu impediatur , & in pleura , & pul-
mone sistatur , tunc enim vasa nimium di-
stenduntur , atquè indè facilitè rumpun-
tur ; ex acredine verò illarum particula-
rum irritante , tussis sicca primò oritur ; Vi-
sis causis , nunc ad Prognosim veniens;
Pleuritis igitùr cum sit morbus acutus sem-
per est timenda ; morborum enim acuto-
rum , juxta Hippocratem , incertæ sunt
prænunciationes Salutis , aut Mortis ; Si
pul.

pulsus sit parvus , & creber , atquè serra-
tus nunquam periculo carere ægrum , ait
Jungken in sua Praxi ; si sputum appareat
ante quartam , & sit album , leve , &
æquale , septima die terminabitur morbus ;
Urina , est inspicienda , & si sit mala cum
sedimento copioso sputis tamèn bonis rem
salvam esse docuit Valdiscmidius , cùm ci-
tato Jungkenio in sua Praxi . Indicationes
curativæ erunt , coagulationem in parte
particulari auferre , sanguinem ab acidita-
te coagulante liberare , dolorem lenire , at-
què vires conservare ; Quibus ut satisfiat ;
ad Chirurgiam primò recurrendum , &
ab ista primò præmisso Clystere , sanguinem
mittere è vena brachii dextri opus erit , ip-
samquè operationem repettere tamquam
necessariam , & summè proficuam , ut mo-
net Clariss. Barthol. Corte , prò V. Sect. ;
Ex pharmacia dessumantur pulveres dent.
apri pp. , sangu. hirci pp. , mandib. luc. ,
ocul. Cancer. pp. cum aq. Papau. erratic. ,
Gramin. , Endiviæ , & Hordej ; Utiles
erunt medicinæ diureticæ , & sudorifica
mitiora omnem absolvere paginam inquit

Val.

Valdscmidius in Monit. medic. diaphoresim enīm juvare ait Clariss. Pascolus in obser. medic. ; sicuti Opiatis, ceū infidis remediis hic non admodum fido . Elect. pectoral. , Syr. de hibisco , de hysopo , Jububin. comendarem; externè Ol. noster de cucurbita antipleuriticum semper adhibeo non sinè juvamento ; Purgare autem in tali casu esset eum magno exponere vitæ periculo; Quoad Dietam verò , notandum eam tenuem esse debere ; Vinum omnino vitetur , & huc facit illud observatum Brasavoli inclyti Medici nostri Ferrarien. com. in lib. i. Hippocr. de rat. viet. in acut. præsentissimum esse venenum in lateralimorbo, vinum præsertim in principio. Pro potu igitur sit decoct. Hordej , & aqua pectoral. nostra ; & hic pariter advertendum nihil nocentius in Pleuritide esse , & quod malum magis exasperare soleat, quam potus frigidus ; tepida ergo debet esse potio; Si adsint vigiliæ urgentes emulsiones papaveraceæ non erunt absquè effectu; Quò ad excreta , & retenta melius est aluum suppressam habere , quam laxam , cum ex

Hip.

204 Consult. IX. De Pleuritide.

Hippocratis sententia purgantia noceant,
quod etiam docuit Clariss. Dolcus. Sed iam
tempus est, ut vela contraham, & de hac
Pleuritide satis, superque; Deum itaque
O. M. deprecor, ut salutem optatam Mer-
catori nostro restituat.

CONSULTATIO X.

De Cordis palpitatione frequenti.

AD EXCELLENTISSIMUM DOMINUM
JACOBUM CICOGNINUM

Medicum Prestantissimum.

Exactissima, & Eruditissima morbi
nobilissimæ Matronæ à Te (Vir Ex-
cellentissime) ad nos missa historia,
demonstrat nostram Ægram vexari cordis
palpitatione; Hæc enim, ut colligo, est
nobilis mulier vidua annor. 39., quæ post
vehementes animi passiones, post Mariti
mortem, sæpius immani, ac frequenti
pal.

palpitatione cordis corripitur, summa cum
anxietate, & animi deliquio; deficit au-
tèm in mensium fluxu; nunc scire deside-
rat à me, quæ hujus morbi sit causa, &
quomodò sanari possit; circa quod brevi-
tèr respondeo, istam nobilissimam Viduam
affici cordis palpitatione, quæ definitur a
Doctoribus inordinatus, ac convulsivus
cordis motus, sive concussio, cuius causa
est quidquid musculos cordis, aut nervos
moventes irritare potest; & in nostro ca-
su hæc irritatio fit à particulis salino-acri-
bus in sanguine existentibus, quæ per ar-
terias coronarias deponuntur in parenchy-
ma Cordis; per intervalla verò malum
urget, quia sanguis non semper eodem
modò dispositus existit; vitium autèm
sanguinis hoc dependet à catameniorum
defectu; Quò ad Prognosim attinet; prò
affectione periculosa palpitationem cor-
dis agnoscit Valdscmidius, quia dicit ille,
æger suffocatione facile extingui potest;
Quò verò levior est, & à mensium defe-
ctu eam oriri putamus, ideo major salutis
spes effulget; Palpitatio verò frequens,

& ma-

& magna mortal is est , suadente Illustriss.
D. Lancisio de subit. mortib. ; Indicatio-
nes considerandæ nunc sunt , ad hoc ; ut
curationem istius effectus assequamur , iste
verò sunt , meo videri ; Sanguinem à parti-
culis acribus liberare ; menstrualem pur-
gationem stimulare ; ostreæ leves in
vasis uteri tollere , & partes affectas cor-
roborare . Quibus , ut satisfaciamus , in
primis laudo omnia remedia ab Excellen:
D. Medico Curante adhibita ; indè , ut sa-
lutem optatam acquiramus , ad Chirur-
giam , Pharmaciam , & Dietam ; tan-
quam ad remediiorum fontes devenio , &
primò quoad Chirurgiam ; in ipso Paroxi-
smo venam secare licet ; sed vide ne exce-
das in quanto , ut monet Valdscmid. , ex-
trà paroxismum etiàm juvabit , quatenus
à vena pedis educitus crux mensium flu-
xum promovet , à Chirurgia verò nullum
aliud præsidium capere posse ægram nostrā
cogito ; Ex Pharmacia in Paroxismo ex-
hiberi poterit sequens remedium . Rx. Aqu.
Epilept. Lang. , histeric. Quercet. ana unc.
j. sem. , mellifflæ unc ij. spirit. C.C. scrup.j. ,

Sac-

Saccar. perlat. drac. iij. m. , In hoc nego-
tio opiata optima esse aiunt multi , quod
ego non semel expertus fui ; A Purganti-
bus fortioribus abstinentum , Usum seri-
laetis , indè Decocti Rad. Chinæ , Salsæ-
paril. Santal. ego comendarem; sub vespe-
re etiàm Conserv. Betonic. , Flor. Tunic. ,
Boragin. exhibeat; Aperitiva etiàm , qua-
tenus aperient vias uteri comodè admini-
stranda erunt , atquè externè applicetur
Theriacha cum vino , & croco , quod re-
medium comendat Wolfgangus Hoeferus ,
& post eum Burnetus . Dieta constet ex
cibis laudabilis succi ; Juscula sint medi-
cata radicibus asparag. , fenicul. , &
petrosellin. , Vinum pariter me-
dicatum sit ligno sassafras.;

Alacri animo vivat ,
& salutem speret ;
à Domino , ut
enixè pre-
cor .

CON-

CONSULTATIO XI.

De Mania.

AD EXCELLENTISSIMVM DOMINVM
DOMINICUM MAZZARELLUM

Medicu[m] Doctissimum.

Summus ille Philosophus Plato in Char-
midis initio sub persona Socratis dice-
re solebat omnes mōrbos , qui in hō-
minibus generantur, ab animo originem du-
cere; Quod manifestum est ex Historia se-
quenti; supèr quam consilium medicum
petitur. Juvencula Annor. 20. ingeniosa
valdē , ac non deformis speciei , Adole-
scens cujusdam amore cāpta , correctio-
nes frequentes matris ægrē ferens , incidit
in obstrunctiones , undē iñinuta fuit men-
sium fluxio , & pallidus color apparuit ;
successit hysterica passio , à quā male ve-
xata est ; post hanc vigilias patitur , mo-
dō cogitabunda , & tacitura , modō ni-
mis

nimis hilaris , & incomptè loquax , ad infaniam redacta est sinè febre ; auxilium implorat ; Delirio Maniaco Adolescentulam præsentem affici manifestum est , quod definitur crudelis animæ passio cùm actionum ejus plurium , vel sensuum omnium perturbatione , prèprimis delirio , cùm audacia , & furore absq[ue] febre , à texture pororum cerebri , & ejus vasorum inversione , & circulantium humorum acrimonia ignea dependens ; Pars affecta est Cerebrum cùm suis incolis tūm passivis , tūm activis . Causa est perturbatio texturæ pororum cerebri , & ejus vasorum , nec non spiritus animalis , quæ omnia dependent à vitio sanguinis acrioris redditi à mensium fluxione iminuta , à passionibus animi , &c. cùm enī spirituum animalium motus , & generatio consistat in blanda sanguinis fermentatione , & dulci crasi , nec non apta pororum , & vasorum cerebri configuratione , hinc est , quod illis vitiatis , pariter operationes animæ in cerebro vitiantur , undè delirium sequitur . Prognoseos ratione notetur , quod Mania raro est læthalis ,

etsi curatu sit admodum difficilis, maximè quando jàm altas egerit radices; benè autem sperandum in nostro casu, nàm nostra patiens Juvenis est, nec in morbo adulata; Si præsens delirium somnus sedaverit, juxta Hippocr. Sect. 2. aphor. 2., bonum erit, quin, & bonum etiàm, si cùm risu sit præsens insania, si verò ad suum statum naturalem fluxio menstruorum restituatur, tunc spes erit salutis; quàm ut celeritè, & perfectè assequamur, primò indicationes veniunt examinandæ; indè curatio instituenda; Primaria igitùr indicatio medica videtur esse restitutio, & correctio sanguinis, ità ut ad naturalem statum reducetur, ut tùm exindè laudabilis fiat succus nerveus, & spiritus animalis motus, ex quò rectè mentis operationes dependent; indè corrigere oportet vasa, ac porositates ipsius cerebri, ipsumquè corroborare; Quibus ut satisfiat, primò ad Chirurgiam deveniendum, ex quà sanguinis missio est petenda, & repetenda, à venis brachii, pede, atquè jugularibus, Hirudines, & cucurbitulæ scarificatæ apli-

plicandæ, & tonsuræ capillorum commen-
datur à Jo; Forti in suis consult. cent. I.,
cauterium futuræ coronali applicatum ma-
ximè probatur à Gordonio, immò ego cō-
mendarem ipsam arteriotomiam; à Chi-
rurgia gradum faciamus ad Pharmaciam;
Ex quā Tincturam florum hyperici, sua-
dente Raio, usurpandā suadeo, sicuti eme-
tica ex antimonio, atquè cathartica, &
medicamenta ex helleboro confecta, unā
cūm opiatis commendarem; si somnus enīm
delirium sedaret bonum esset, uti suprà
ex Hippocrate innui; A Thoma Bartho-
lino, & Clariss D. Luca Tozzio Amico
meo semper recolendo in sua Praxi propo-
nitur seq. pulv., Rx. pul. Gentian. drac. j.,
mirrhæ tantundem, pul. cancr. fluviat.
ustor. duplum m. prò duab. dosib., Bal-
nea aquæ tepidæ frequentèr, & post sin-
gulas purgationes usurpanda sunt; & me-
mini de quodam Cive nostro Maniaco, qui
post purgationem, usu Balnei aquæ cur-
rentis nostri Eridani sanatus fuit; Diete-
tica cura nunc sequitur, undè cibus sit re-
frigerans, & humectans, & iuscula re-

212 Consultatio XI. De Mania.

frigerantibus herbis sint medicata ; Vinum
perpetuo exulet , juxta illud Poetæ

*Vina gravant animos , faciuntque furoribus
aptos .*

& hujus loco aqua hordei bibenda ; Hic
autem noto , Clariss. Dolœum decoctum hi-
rundinum cum lapide prunellæ sua
experientia comprobare ; immò
pro potu ordinario serum
lactis convenire , mo-
net Valdscmidius .

Quæ in pre-
senti affe-
ctione
sufficient . Faxit
Deus ,
&c.

CON.

CONSULTATIO XII.

De Nausea, & Vomitu.

AD EXCELLENTISSIMVM DOMINVM
JOS: FLOR: VACCARIUM GIOIAM

Medicu[m] Eruditissimum.

EX litteris Excellentissimi Medici ordinarii accepi, Illustrem nostrum Juvenem, à longo tempore nausea, & vomitu laborare multis incassùm exhibitis remediis, quarè à me consilium petit.

Ventriculus recipiendis, retinendisque alimentis à Natura destinatus, aliquandò si gravetur, vel à noxijs humoribus irritetur, nausea primùm, mox vomitu afficitur; qui nihil aliud est, quām ventriculi, atquè in specie fundi ejus, & pylori, versùs superius orificio contractiuus, aut convulsivus fibrarum motus, conten ta quævis per superiora rejciens, cuius levior species est nausea, subiectum ven-

O 3 tri.

triculus est cùm suis fibrillis nerveis; Causa verò istius affectionis consistere videtur in particulis viscosis, & acribus, vel in ventriculo ipso detentis, vel per arterias in ipsum delatis, quæ suis irritantibus acuminibus fibras ventriculi pungendo naufragiam primò, indè vomitum excitant; probabile enim est, inquinamenta primæ contionis in hoc Juvene membranas ventriculi amplexantia convulsionem in ventriculo excitare, undè vomitus accidit; Accedamus nunc ad signa prognostica; & primò timendum, ne in hecticam incidat, ut monuit Dolēus, ulteriùs vomitus contumacia semper mala solet esse, quià laborat pars quedam nobilis, & cessante actione ventriculi tota destruitur animalis Economia; Indicationes curativæ sunt in nostro casu, tollere irritationem, & convolutionem ventriculi, hebetando cuspides particularum irritantium, illasque evacuando, & demùm corroborare oportet fibras Ventriculi ipsius; Quæ ut assequantur ad tria Medicinæ Brachia deveniendum, nempè ad Pharmaciam, Chirurgiam,

giam, ac Dietam, quibus mediantibus fa-
lus sperari potest; & quò ad Pharmaciam
laudo frequentem usum olei amigdal. dul-
cium sínè ignè extracti, ut & seri capri-
ni colati longo tempore usurpati, cùm Ge-
latina C.C., tandem cùm Clariss. Malpi-
ghio lac asininum propono, quò irritatio
demulceri potest, & si quid exulceratum
esset potest detergi, ac consolidari; Com-
mendarem præterà Specific. stomatic. Po-
teri, Sal. Absint., Aq: Menthæ, Laud.
opiat., & Syr. de cortic. Citri, cùm succo
cydoniorum; Exteriùs apponatur empla-
strum de Crusta Panis, aut aqua rosar.
cum modico camphoræ, & succo limonum
prò linimento; Utatur sæpè Conservis Ci-
donior., Rosar., ac totiùs Citri, ut & Chi-
na Chinæ, suadente Clariss. Nigrisolo no-
stro, in Feb. chin. curat.; Ex Chirurgico
Fonte nihil assumerem in nostro casu;
Dieta sit moderata, & fugiantur legu-
mina, dulcia, & pinguia; atquè condian-
tur aromatibus esculenta; cùm cibo con-
veniet balsam. peruvan., & Chocolata,
Vinum hispanicum in modica sumptum

quantitate juvare potest, sicuti fructus cydonius cum emulsionibus ex amigdal. dulc. Pauca hæc scribebam in tali ventriculi affectu, quæ itaque subijcio acri juditio Doctissimorum Virorum. Faxit Deus, &c.

CONSULTATIO XIII.

De Cardialgia.

AD EXCELLENTISSIMUM DOMINUM
DYONIS: ANDR: SANCASSANUM
Medicum Præstantissimum.

CIvis noster Ferrarien. ætat. annor. 41. post longum iter tempore æstivo, febri corripitur cum stomachi immanni dolore, erosione, & morsu, ita ut penè mori se sentiat; auxilium petit. Morbus istè Cardialgia est cum febri, quæ affectio definitur dolorifica sensatio excitata in ventriculo à particulis acrioribus in eo contentis, orificium ejus superius convulsiva

siva constrictione irritando , & rodenda
affidentibus ; Subiectum istius est propriè
sensibilissimum ejus ventriculi orificium su-
periùs , non exclusis etiàm reliquis ipsius
visceris partibus ; dolet autèm magis ori-
ficium superiùs , cùm longè copiosiores
nervos habeat , qui per illud diffunduntur ;
Cardialgia verò dicitur , quia æger , ob
istum dolorem animo deficit , & sudore
exsolvitur , undè Galeno Duce , Sapientiss.
D. Lucas Tozzi , hanc affectionem syncopem
stomaticham appellat . Causa istius
affectionis immediata est rosio orificii superio-
ris ventriculi , totumquè nervosum genus
per consensum trahens ; quam causam
suppeditat omne id , quod figura sua acu-
ta , & pungente , dictum orificium ven-
triculi quovis modò potest lèdere ; Non
excludit etiàm Franc. de Leboe Sylvius ha-
litus ascendentis ad dictam partem cùm
acriores fuerint ; sicut contingit porum fel-
leum natura tam proximum Pyloro super-
fluitates biliosas è sua cysti deponere in duo-
denum intestinum , ex quo in ventriculum ,
ut subinde Cardialgia accidat ; & similitèz

di-

dicendum de succo pāncreātico . Prognosis , morbum hunc periculosum pronuntiat , si diutiū duraverit , siquidem pars ista ventriculi affecta exquisito adeò sensu pollet , ut in consensum trahat utrumquè principium vitæ , nempè cor , & cerebrum proptèr nervorū à cerebro manantium copiam , undè Galenus dicebat , os ventriculi in sui consensum animam ducere ; immò observavit Trallianus , quod si humores errodentes pertinaces sint , æger brevì morietur .

Citò ergò indicationes videndæ , & his satisfaciendum est ; istæ sunt , materiam acrem lēdenteam internè stomachum dulcificare , educere , atquè omnino eliminare , ulteriùs ventriculum corroborare , ac ipsi suum naturalem tonum restituere ; Quibus , ut satisfaciamus , ad tria Medicinæ bracchia deveniendum , nempè ad Chirurgiam , Pharmaciam , atquè Dietam , ista enīm Praxeos Medicæ magna sunt lumina , sinè quibus nihil ; Ex Chirurgia igitur desumatur venæ sectio non tantum ob febrem , sed ad avertendam inflammacionem

nem, quæ de facili posset excitari à parti-
culis errodentibus; sic apud Hippocr. in
Epid. Vir vehementi dolore ventriculi cor-
reptus, secta vena in utraquè manu, & san-
guine educto, liberatus fuit.

A Pharmacia vomitorium primò comen-
darem sumendum, ut monent Guil. Fabric.
Hildan., Felix Plater; Mart. Rulandus,
Mich. Ettmuller., Jungken, aliquè plu-
res; Summè conferunt coral. rub. pp.,
Crystal. Mont. pp., Ocul. Cancr. pp.,
Margar. pp., omniaquè alkalia accredines
acidas imbibentia; Opiata maximi sunt
usus, clysteres proderunt, sicuti serum
depuratum, emulsion. quat. semen. frigid.
maior. Externè Emplastrum de crusta
panis laudo cum succo agrest:, aceti loco
paratum; Hisce remediis addatur congrua
victus ratio, circà quam notat Jo: Fortis
tardiùs cibū sumere esse nocuum; ideo Cel-
sus cibum paucum, & sæpè exhibebat;
vinum absintites commendatur à Jungkenio,
ut & decoctum falsè paril. cum cinnamono;
prò potu sit ordinario; Quæ omnia D.O.M.
prò votis propitia reddat.

CON-

CONSULTATIO XIV.

De Singultu.

AD EXCELLENTISSIMVM DOMINVM
BERNARDINUM GIBERTUM

Medicu[m] Præstantissimum.

A Deò clara , & manifesta est Morbi , qui nostrum Civem torquet , Natu-
ra , ut supervacaneum omnino sit
diutiùs in ea indaganda immorari , est sin-
gultus valdè frequens molestiam inferens ,
ac somnum impediens ; quæ affectio defi-
niri potest per motum convulsivum inter-
polatum diaphragmatis in consensum tra-
hens ventriculum , & vicinas partes ; un-
dè Dolens prò subiecto cognovit ventri-
lum secundum fibrillas suas , nervos , &
tunicam cum diaphragmate communem ;
Causa hujus affectus provenit ab humoris , vel vaporibus , aut copia , aut qua-
litate acri peccantibus , & ad membrana-
ceum

ceum diaphragmatis centrum, vel medium penetrantibus, ipsumquè pungendo, vel rodendo, vel agravando ad convulsivum motum irritantibus; Fatetur autem ingenuè, ac candidissimè Sydenam in obs. de morb. acut., se sibi metipsi de singultus causa disquirenti satisfacere non potuisse; Hippocrates verò, eum provenire ex inanitione, vel ex repletione statuit; Quod ad prognosim attinet, notandum, quod, quia est sinè febri, ideo periculo vacat, si verò cum febre jungeretur periculosus esset; Cæterùm si nostro patienti sternutatio supervenerit bonum erit, docet enim Clariss. D. Lucas Tozzi Amicus meus semper recolendus, sternutationem remedium esse singultus, concussione enim, ea, que ventriculi tunicas vellicant facile excutiuntur, & ablegantur; Indicationes erunt materiam irritantem cicurare, atquè educere, & ventriculo, aliisquè affectis partibus robur addere; Quæ ut fiant, ad Pharmaciam, Chirurgiam, ac Dietam deveniendum, ut sic salutem optatam Patienti nostro restituamus; ex primò igitur re.

remediorum Fonte , levitè purgare con-
venit ventriculum , & si æger non abhor-
reat , vomitus levitè excitandus , ut cau-
sa , si quæ esset in stomacho educatur ; ad
cujus verò correctionem non tantùm oleū
recens amigdal. dulc. , emuls. sem. quat.
frigid. mai. , sed tremor ptisanæ , juscula
pinguia , cum ocul. Cancr. pp. comenda-
rem ; Valdscmidius præcipitantia , Ebur,
C C. , & Crystal. mont. pp laudat. , &
Clariss. Pomp. Sacchius Parmensis Colle-
gii Lumen hodiernum , mixturam Sylvii
præscribit , quæ talis est . Rx. Aq. Menthæ
unc. ij. , Theriacal. unc. sem. , confect. al-
cherm. drac. j. , laud. opiat. gr. ij. , Syr.
Menthæ unc. j. m. Extrà maximè conve-
nit fotus ex aceto valdè acri cum castor. ,
pipere , & Synapi benè calido per spon-
giā ventriculi regioni applicatus monen-
te Rod. à Fonseca ; immò Jo: Hartmanus
extemporaneum prò singultu remedium es-
se ait thoracis compressionem ; Ex Chi-
rurgia nihil petendum , nisi in casu timo-
ris , ne inflammatio succederet , tunc enīm
Venæ sectionem instituerem in pede dex-
tro ;

tro ; Fugienda tandem sunt omnia frigida , acida , flatulenta , acria , & consequentè vinum , quod nerveis partibus est inimicum ; Prò regula enìm eit , vinum in omnibus morbis convulsivis non convenire ; Prò potu , itaqùe ordinario inservire poterit Decoct. hord. cùm tantillo Cinnamomi , vel galangæ paratum . Victus ergò sit tenuis , optimi nutrimenti , ac facilis concoctionis . Exercitium confert antè cibum , hilari sit animo , ut completam adipiscatur sanitatem , quàm à D.O.M. , & nos eidem nobilissimo Civi ex corde precamur .



CONSULTATIO XV.

De Lienis Obstructione.

AD EXCELLENTISSIMVM DOMINVM
HYACINTHUM AGNELLIUM

Medicu[m] Pr[oc]stantissimum.

EX his , quæ non minùs elegantè ,
quàm abundè de mala nobilissimi
Viri valetudine , scripsit Excellentiss.
Medicus assistens , facile cognovi , præsen-
tem affectionem esse lienis Tumorem , idest
obstructionem pertinacem ; quæ à pluribus
annis ægrum nostrum vexat ; certum enīm
est , licet Lien nullo præditus sit sensu ,
obstructionibus fieri obnoxium , nām quo-
tiescumquè cruor ab arteria derivans in
cellulis splenis ipsius stagnans , amissa sua
fluiditate , debita felicitate per venam
splenicam non reportatur , sed remoratus
distendendo membranosas cellulas , ipsius
visceris molem auget , & continentia invo-
lucra

lucra tensa reddit , Lienis enim usus est sanguinem subtilizzare , cum autem obstrctus est , hoc munus exercere nequit , undè varia oriuntur incomoda ; optimè siquidem dicebat Valdscmidius , humorem obtruentem aliquandiù ibi delitescentem , acquirere naturam fermenti , quod postea variorum morborum est Author . Visis causis mox Prognosis sequatur , qua proptèr observandum Lienis affectiones semper esse magnificiendas ; ex annosis enim splenis obstructionibus hydropses provenire posse timendum , maximè quia obstrctio hepatis ordinariò antecedit Lieni Obstructionibus , teste Sapientiss . D. Jo: Baptista Bianchi Taurin. in hist. hepatic.

Indicationes Medicæ sunt tollere tumorem , sanguinem volatilizare , coagulationem jàm factam attenuare indèque viscus corroborare ; Quæ , ut assequantur ad Chirurgiam , Pharmaciam , ac Dietam devniendum , & primò ex Chirurgico Fonte , sanguis mittendus , & à vena bracchij sinistri , & ab hemorrhoidibus ope hirudinum ; Mox ad Pharmaciam vertendo ,

P in.

instituatur levis , & communis purgatio , post quam , usum juris columbini calybeati , & absinthio alterati cum celebri Malpighio proponerem , cui potionи adderem guttas aliquot Spirit. sal. ammoniaci , insuper pillulas ex ammoniaco aceto dissoluto confectas ad plures dies propinarem , sicuti antimonium diaphoreticum cum Croco martis aperitivo per longum tempus ; Externè pars affecta inungatur ol. de Capparibus , vel unguento nostro de Bronia , & apponatur Emplastrum de Cicutà , juxta D. Zannicchellum . Circà Dietam demum , victus ratio sit attenuans , panis bene salitus , bene fermentatus , & bene coctus ; intereà infundatur Chalybs , & absinthium in Vino , quò in mensa uti debeat , immò cibaria ipsa condiri poterunt sale absinthij ; Vascula sui Vini parentur ex ligno Tamarisci ; Exercitium commendo , undè Aetius vidisse fatetur aliquos ex solis deambulationibus , & cursibus sanatos ; Alvus lubrica servetur , & hilari , ac fæstivo animo vivat ; Quæ pauca scribebam prò confirmatione eorum , quæ à Doctiss. Viro pro-

po-

posita sunt prò salute nostri nobilissimi Pa-
tientis; Faxit Deus, &c.

CONSULTATIO XVI.

De Diarrhea.

AD EXCELLENTISSIMVM DOMINVM
ANTONIUM MARIAM BONONUM

Medicum Præstantissimum.

MOrbus, qui mihi proponitur est ma-
nifestus, & Diarrhea nuncupatur;
est enīm in Viro alioquin robusto, æstate
media, fræquens alvi dejectio non cruenta,
cum siti intensa; Hæc affectio describi po-
test, quod sit frequens, largior, & diutur-
na excretio fluidorum serosorum, & bi-
liosorum excrementorum cùm utilibus per-
mixtorum magis, vel minùs acrīum, cùm
torminibus; cuius causam existere puto,
vitiosam succorum in intestinis effervescen-
tiam, & eorundem particularum acrīum

irritationem , undè oritur intestinorum stimulatio; itaque pars affecta intestina erunt, & præsertim eorundem glandulæ , atque fibrillæ ; adiuvantes verò causæ sunt errores in vietu commissi , & maximè in nostro ægrotante, qui dulce vinum recens in magna quantitate potavit , cominendo etiā Uvam in copia ; undè egregiè Clariss. D. Luc. Tozzi Amicus meus semper recolendus in sua praxi docuit , Diarrhēam ab acribus, acidisquè humoribus, dolorem simul, & irritamentum intestinis afferentibus, pendere , quorum humorum vitium pendet à cibis , & potibus corruptis ; Quodad Prognosim , se primo loco sistit Hippocrates in aphorism. , qui ait , quod si in turbationibus alui , quæ sponte fiunt purgentur ea , qualia oportet , conferant , & facilè etiā ferrentur , & è contrà ; & tendit ad salutem cùm est mitis , ut in nostro casu; undè salus citò est speranda , & maximè si mutatio excrementorum in melius vertatur ; Indicationes curativæ sunt educere humores peccantes, eorumquè acrimoniā temperandam , ac corrigendam esse,

ac

ac intestinorum fibrillas corroborare ; quę ut assequamur , confugere oportet ad tres ordinarios Practicæ Medicinæ fontes , nempe ad Pharmaciam , Dietam , atquè Chirurgiam , quibus mediantibus Deo adiuvante saluti restituendum Ægrum nostrum brevè cogito fore ; & quò ad Dietam , Aer primò sit temperatus , cibi sint laudabilis succi , & in pauca quantitate assumantur ; Carnium ęsus nocet alvi fluxu laborantibus , juxtà Valdscmid. in Monit. Medic. Potus sit Aqua hordei , & Plantag. , & Portulacæ ; Vinum granatorum commendatur à Dolęo ; Somnus erit conciliandus . Ex Chirurgia venæ sectio erit sumenda , atquè in usum ducenda , dum tamèn Medicus assistens cognoscat , recrementa fermentiscibilia Diarrhēam causantia à sanguine deponi in intestina , febre accedente , sin minus verò nullum à Chirurgia sperandum auxilium ; Pharmacia tandem totam remediorum implebit paginam ; vendum tamèn , nè curam Stypticis inchoemus , sic enim introducuntur , ait Valdscmidius , contumaces viscerum , &

intestinorum obstrukciones , quas sequitur hydrops de facili; & Bellonius exemplum exhibuit unius , qui ex cydoniatis in Diarrhoe principio exhibitis , illaque sic intempestivè suppressa illeon læthale passus fuit; undè tutius erit clysteribus uti ad abstergenda intestina , eaquè confortanda , in quibus dissolvatur modicum Diascordij Fracastorij; quin & rahabarbarum in principio ob purgationem assumptum juvabit ; indè mixturam sequentem commendatam à Sylvio de Leboe cochleatim exhibendam præscribere auderem . Rx. Diascordij Fracast. drac. j. sem. , confect. hyacint. drac. j. , Syr. myrthin. unc. j. , Aqu. Cinam. unc. sem. , Plantag. unc. j. sem. m. Post septimam , sequentes pulveres usurpare bonum erit . Rx. Terrę sigillat. M. D. Antimon. Dia phoret. C.C. usti , Coral. rub pp. , Terre Catechù , Sal. absint. , & al. hujusmodi; Externè ungatur ventriculi regio ol. sequenti . Rx. Ol. mastic. , menth. ana unc. sem. , cidonior. , ros. , absint. ana drac. ij. m. , vel apponatur Emplastrum de crusta panis , & de palmulis Galeni . Quæ prò salute istius

Viri

Viri nostri Ægrotantis sint satis, quam sanitatem D.O.M. illi elargiri dignetur, ut ex corde precor.

CONSULTATIO XVII.

De Dysenteria.

AD EXCELLENTISSIMUM DOMINUM
HYACINTHUM BELLANIUM

Medicum, & Chirurgum Præstantiss.

ADolescens Ferrarien. ad iram pronus, æstatis tempore, fructibus, ac in specie peponibus nive refrigeratis, usus, cum multa vini gelidi potatione, tandem incidit in alui fluxum cùm doloribus ventris; cruenta fit excrementorum materia cùm torminibus paulò antè excernendi tempus; Pulsus evadit justo celerior, calor totius corporis acris, atquè febrilis, cibi adest fastidium, sitis, auxetas, tenesmus, ac vigiliæ excruciant; Ex quibus

enaratis, non est difficile iudicium facere, Adolescentem hunc eo morbo conflictari, qui appellatur Dysenteria, & hæc à Medicis deffinitur Deiectionis. Alui frequens plus minus cruenta, ventrem magnis doloribus, & torminibus affligens, & ab intestinorum continua forti irritatione, quandoquè cum exulceratione juncta, originem trahens; Subiectum ergo hujus affectus sunt intestina, tam tenuia, quam crassa cum suis glandulis, ac vasis; Causa immediata sunt, non tantum vasa varia intestina constituentia ad excretionem irritata, sed, & ipso actu quandoquè corrosiva sive ad sanguinis effusionem stimulata, & concitata; mediatam vero causam constituent corrosivæ, acres, & acide particulae humorum circulantium, in intestina depositæ, sive in ipsis intestinis vitio rerum nonnaturalium enatae, & acres factæ; & dolores in nostro casu excruciantes dependent à spasmodia fibrarum ipsorum intestinorum, propterea sanguis, qui excrenitur, non ex corrosis valis derivat, sed exprimitur à ratione ejus irritationis. Fe-

bris

bris autem oritur à vitio sanguinis ope particularum acrum, undē ejus mixtio turbatur, & pulsus celerior evadit; cibi fastidium à depravato ventriculi fermento dependet; Quò ad Prognosim, Hippocrates vocat hunc morbum magnum, periculosum, longum, laboriosum, atquè lethalem; si superveniet singultus tunc malum signum erit; cùm verò simus in Adolescenti, symptomata sint mitiora, ac vires consistant, spes adest salutis; Indicaciones curativæ in nostro casu sunt mitigare acredinem, & eliminare particulas salium acrum, ac partes affectas roborare; Que ut assequantur; ad tres Medicinæ practicæ fontes deveniendum est, & primò ad Pharmaciam, ex quā Rahabarbarum primò ad drac. j. sem. assumatur, ac propinetur cùm Decoctione hordei; multi vomitorum in principio commendant, ut potè quò solo Dysenteriam à principio curabilem existere ex perimento, casu quodam facto comprobat *Albrecht in not. ad Chirurg. Bontekœ pag. 814.* Pulverem Radicis Ipecacuanæ summoperè commendo, & anteà com-

men.

mendavit Clariss., ac Eruditiss. D. Anton. Franc. Bertinus Medicinæ Professor Florentinus omni Scientiarum genere instrutus in sua Medic defensa; & hujus pulveris usu ego hic Ferrariæ curatas vidi plures Dysenterias. Notandum autem cum Sapientiss D. Jo: Baptista Vulpino Astensi Medicinæ Practicæ maximo lumine, ac omnium virtutum genere ornato in sua Spasmologia elegantè conscripta pag. 18. hanc radicem esse *Affarum Indorum*, quæ in pulverem redacta ad pondus dracmæ unius propinatur cum juscule, vino, aut conserva rosar., & hæc per vomitum, & alii fluxum primas vias purgat, detergit, emundat, ab excrementis ibi morantibus cum salutis discrimine. Circà astringentia in principio non convenire puto, non enim relaxata, sed irritata sunt intestina; Crystal. mont. pp., Laud. nepen Quercet. C.C. ust. Diascord. Fracastor. Philon. persic., & Stibium Diaphoretic. partitis vici bus, à prudentis Medici Curantis peritia exhibenda, laudo; unà cum clysteribus ex lacte chalybeato, & modico Theriacè.

Chi-

Chinam Chinæ commendat Illustriss. D.
Franciscus Tortus insignis Medicus Mutin.
in sua Therap. . Sequentem conservam ad
unum cochleare vespere assumendam præ-
scriberem . Rx. Cons. ros. antiq. unc. iij, ,
laud. opiat. gr. vj. , Confec. Alcherm. drac.
ij. , Syr. papau. erratic. q. f. f. ellec. S. A. Ex-
ternè inungatur abdominis regio , ol. Ab-
sint. , & rosar. , atquè suprà unctionem
imponatur omentum hirci castrati, & hoc
tām mane , quām vespere exerceatur, ac
usurpetur ; Quod verò spectat ad Chirur-
giam , nihil ab ista dessumerem , sic venę
sectio exulet , & non admittatur , nisi in
casu metus inflammationis intestinorum ,
quam Deus avertat; Tandemquè circà vi-
ētus rationem nonnulla addere oportet prò
consultationis præsentis coronide . Primò
igitùr advertendum , quòd excrementa
qualibet vice sint exportanda à cubiculo ,
nè ab eorum alitibus foveatur morbus , &
semper vas aqua frigida abluatur , & de-
tergatur; immò postquām in latrinam pro-
jectæ sunt fæces , statim aqua pariter proi-
ciatur , ad infringendam excrementorum

ma.

malitiam ; sæpè enīm contagiosæ fiunt Dysenteriæ ; Ciborum parsimoniam commendo , cibiquè sint facilis concoctionis ; laudo orizam cum lacte , juscula carnis vervecinæ , ova recentia ; Potus sit aq. hord. destillat. , vel communis calybeata , addunt nonnulli vinum granatorum ; Somnus si-
stit omnes fluxiones , monente Jo: Forti
in Consult. cent. 2. , prætèr tamèn sudorem ; concilietur igitùr remediis apropria-
tis , & præsertim emulsionibus sem. pepon. ,
amigd. dulc. rec. , & semin. papaveris
albi ; Quiete tandem opus est ,
nec à cubili surgat , sed in
eo egerat ; Quæ omnia

D. O. M. prò vo-
tis propitia
reddat ; ut
cupio .

* *

CONSULTATIO XVIII.

De Dolore Iliaco.

AD EXCELLENTISSIMVM DOMINVM
 B O R S U M F E R R U M
Medicum Præstantissimum.

Vir nobilis ætatis annorum 60. animi candore à Natura donatus , quod hac nostra tempestate rarissimum est , post nimium exercitium sudore madidus , siti- què , opressus , aquæ glacie nimiùm infri- gidae magnum calicem ebbit , indè ab ejus potu in sublimioribus intestinis dolo- rem sensit acutum ; Domum se confert , vomit sæpè , alvus adstricta erat per qua- tuor dies ; dolor circà umbilicum vehemen- tior evadit , pulsus fit frequens , calor to- tius corporis cùm siti , & vigilia ; tandem per vomitum stercorariam materiam emit- tit ; nunc auxilium petit .

Ex præsenti historia facilè colligitur
 Ægro .

Ægrotum nostrum Iliaca affectione detineri; pars enim affecta in hoc morbo, est intestinum ileum, omnium intestinorum longissimum; Dēfinitūr hic morbus, quod sit dolor acerbus tenuiorum intestinorum, cùm pertinaci alui obstructione, & fēcum per vomitum ejectione molesta; undē Clarissimus A. M Brasavolus noster, in tota sua Praxi nūnquam vidisse ait, ileum absquè vomitu. Causa istius morbi est convulsio intestinorum tenuium, quæ derivat ab humoribus acribus intrà membranas intestinalium sensu exquisito donatas hærentibus, undē invertitur intestinalis motus, & convulsio excitatur non sīnè metu inflammationis. Prognosim quod attinet, hoc malum horrendum omnino est, & periculosum, & præcipuè in casu nostri Patientis sexagenarij. Galenus insuper scribit, stercora reiicere exitiale esse signum, si autem inflammatio sit facta, desperatus dicitur æger, teste Dolę. Attamen quia in casibus etiam deploratis, suadente Celso, melius est ancepse experiri remedium, quam nullum; ideo curationem tentare non

non incongruum erit ; ad quam rectè peragendam primò erunt observandæ , & diligentè considerandæ indicationes , quæ in nostro casu , sunt inflammationem tollere , humores acres moderare , atquè expellere , convulsionem sedare , ac tonum naturalem fibris intestinorum restituere , atquè intestina ipsa corroborare ; Ut his igitùr satisfaciamus , opere pretium erit ad Medicos fontes recurrere , nempè ad Chirurgiam , Pharmaciam , & Dietam ; & quò ad primam , mittendus sanguis à bracchio ad pondus unciarum decem , atquè clysteres emollientes sinè sale fiant ; Pharmacia dabit oleum recentem amigdalorum dulcium ad pondus unciarum quatuor assumendum , quod *Petrus Forestus* sumopere commendat ; *Epiphanius Ferdinandus* Mercurium crudum exhibet ; hoc autèm nonnisi cogente magna necessitate exhiberem , sicuti assumptionem pillularum plumbearum , quod remedii genus approbare videtur *Zacutus Lusitanus* ; Profundunt etiàm Elyxir proprietatis Paracelsi , Sal. Absint. cùm succo Limon. , Laud. opiat. ,

opiat. , Emulsiones. 4. semin. frigid. major. cùm Saccaro, & confect. de hyacint., & alchermes; Externè fiat fomentum vētri adhibendum hujusmodi . Rx. Fol. Malvæ, Altheæ, Violar., ana man. j , Flor. camomil. , Meliloti , verbasc. , ana man. semis; Semin. lini , anisor: , anethi ana drac. iij. m. decoq. in aq. com. , vel lacte , & f. S. A. fomentum ; Axungiam Taxi laudat *Dolēus* , quā totum inungatur abdomen . Circà Dietam verò , viētus ratio sit tenuis , sic conveniunt Cremor hordei , juscule caponum , &c. Somnus concilietur , & quies; Pauca hēc indicabam , eaquè subiiciebam libenter prò salute nobilis Patientis acri judicio Excellētissimi Domini Curantis .



CONSULTATIO XIX.

De Febre Maligna.

AD EXCELLENTISSIMVM DOMINVM
FRANCISCUM ALBINUM

Medicu[m] Pr[est]antissimum.

HOnestus Civis 37. annum agens negotiis multis implicitus, ventri, guleque nimis indulgens hoc tempore aestivo, post longum iter Domum reversus, conqueritur primò de lassitudine totius corporis, mox cum exiguo horrore decubuit, cui non magnus calor febrilis succedit, absquè vomitu, siti, & sinè ullo pravo symptomate; tertia die alvi fluxus apparet, cùm pulsu languido: Urina sanorum urinis est similis, attamen adest summa virium prostratio, ut vix è cubili surgere possit, erumpunt maculæ in facie, & in brachialis, modò in sopore jacet, modò delirat; Domestici consilium poscunt.

Q

Eo.

Eodem ferè pacto , quò dantur homines maligni , qui boni specie simulantes alterum lēdunt , ità febres aliquæ dantur , quæ placidam , atquè mitem effingunt natu-ram , & tamèn Patientes perdunt , & fe-bris malignæ dicuntur , qualis est præsens nostrum ægrum infæstans ; ex signis enīm pathognomonicis enunciatis in historia , ma-lignam febrem cognoscimus , & præcipue ex alvi fluxu , nām Galenus de præfig. ait , perpetuum esse symptoma , fluxum colli-quativum febris malignæ essentialis ; sicuti etiā urinam à naturalibus parùm distare , ait Jo: Fortis , *quiā venenum magis urget quam putredo* , quod idem esset , ac si di-iceretur , quod causa febris malignæ magis infænsa esset spiritibus , quam humoribus . Sedes verò hujus morbi est ipsa massa san-ginea non exemptis tūm vitalibus , tūm animalibus spiritibus ; & quiā ad felicem morborum curationem instituendam caufa-rum inquisitio est maximè necessaria ; ideo causam istius febris nunc est inquirenda , ut exindè curativæ indicationes habeantur ; Omnes febres malignæ vel à sanguinis coa-gula-

gulatione, vel ab ejusdem dissolutione dependent, sicquè cogito præsentem febrem à sanguinis nimia dissolutione pendere, quæ concitatur à particulis salinis, scepticis, atquè solventibus, ab istis enim sanguinis pars sulphurea nimium agitatur, undè effervescentia, & calor insequitur, & sal volatile acre sanguinis consistentiam naturalem minuit, undè prava oriuntur symptomata, quæ malignitatem sua pernitie ostendunt, ut sunt pulsus languidus, alui fluxio, & virium prostratio; Ad Prognosim quod concernit, quoniam febris maligna est ex classe acutorum, ideo habet locum id, quod Hippocr. scripsit, nempè acutorum morborum incertas esse prædictiones, adeoque febris hæc est timenda; & præstat præsagium suspendere, donec vel naturæ, vel morbi victoriæ indicia certa se obtulerint; advertendum tamèn, quod si superveniat Singultus, & æger flocos carpere incipiat, tunc erit lethale signum; quemadmodum sæpè observavi in praxi facienda spacio triginta annorum. Indicationes curativæ sunt salia solventia tollere,

massam cruris ad statum naturalem reducere, atquè spiritus, tūm vitales, tūm animales restaurare; Quibus indicationibus, ut satisfaciamus, primò ad Pharmaciam est confugiendum, & Clystere imposito ad alexipharmacorum deveniendum ut v. g. ad usum Aq. cord. Saxon., Scorzonerae, Mellissæ, & card. Sancti cum pulv. ocul. Cancror. pp., C.C. philos. pp., Marg. pp., & lapid. Bezaar. occident; Profunt etiām Gelatina C.C., Confect. Alcherm., Jul. Gem., Diascord. Fracastorij, Terra sigillata, & Spiritus Vitrioli; cùm Stibio diaphoretico, & nix Ferri, juxta Præstantiss: Zannicchellum; Ad Chirurgiam quod attinet, fricationes, atquè cucurbitulæ leviter scarificatæ conveniunt, ad sudorem concitandum, & ab intrà ad extrà, idest ad corporis ambitum causam morbi evocandam, sudorem enīm laudat Clariss. Antonius Stolfinus Medic. Mantuanus; Quiā verò adest alvi fluxus, omittatur Venæ sectio, ait enīm Valdscmidius in suis monitis: Præsente Diarrhæa nunquam V.S. tentandam esse; immò sum in voto in

in malignis febribus, & potissimum in illis
à sanguinis dissolutione pendentibus san-
guinem mittere nocuum esse, quià salia
corrosiva dominantur, & vires sunt debi-
les, ut quoquè docet Præstantiss. D. Joan:
Simbenius in Exercit. . De Vescicatoriis
nihil . Dieta tandem sit tenuis, & juscum
la carnis pullorum sint alterata cum radi-
ce Scorzoneræ, & C.C. limat., Prò Potu
utatur æger Decocto Scorzoner., & Sero
Vacino destillato , nec non Aqua hordei ,
modicum vini concedatur tanquam cordia-
le ; Somnus , atq. vigilia debitam servent
alternationem ; & si vigilia nimia sit , som-
nus arte concilietur ope laud. opiat. gr. ij.
cum cons. violar. q. s. ad conficien-
dum bolum parvum ; Excreta
verò , & retenta in statu
naturali sunt conser-
vanda ; Quæ ad
Ægroti nostri
salutem di-
cta suffi-
ciant.

CONSULTATIO XX.

De Febre Hectica.

AD EXCELLENTISSIMVM DOMINVM
DOMINIC. ANTON. TRAVINUM

Medicu[m] Eruditissimum.

NObilissimus Adolescens ætatis anno-
rum 18. ad iram pronus , & facilis
ad sudorem , post præcedentes æsti-
vo tempore , multas corporis defatigationes ,
& præsertim in venatione , incidit in tussim
molestam , cui successit Febris tertiana
duplex cum valido capitis , dorsiq; dolo-
re ; variis ex arte adhibitis remediis die
morbi undecima melius se habere incœpit ,
ast febricula oborta est parva , cùm tussi
post cibum , & maximè nocturnis horis ;
Somni sunt breves , lotia clara , & feces
duriores ; nunc auxilium petit . Ex qua
historia , atquè signis apertè colligitur ,
Ægrum nostrum febri hectica incipiente

la.

laborare ; cuius sedem juxtà veteres , esse partes solidas volunt multi , quià consumptio , & emaciatio in illis solidis , & maximè carnosis partibus evidenter appetet , cùm tamèn non minùs indispositio sanguineę massę inhæreat , in qua latex balsamicus deperditur , undè sanguis acrem , & fermentativam indolem acquirit , & hinc Febris hætica oritur . Sic ergo in massa sanguinea , & limpha latere causam hujus affectionis non dubitamus ; Causa verò febris hæticę nil aliud est , quam discrasia sanguinis acris , & inepti ad nutritionem , quatenùs caret moleculis balsamacis aptis ad nutriendum , non sinè obstruktione vasorum lacteorum in mesenterio , fit autèm incalcentia post cibum , quia aliqua pars Chyli vitiosi , tunc sanguini admiscetur ; & tussis ad acres particulas refertur ; Febris hæc eventum habet dubium , & quando est confirmata , & ut dicunt Doctores , in tertio gradu , tuncest insanabilis : verùm quià in nostro Patiente est incipiens , ideo curari facilitè posse affirmo ; Quod ut sequatur , ad ordinarios Practicæ Medici-

næ Fontes deveniendum est satisfaciendo indicationibus, quæ sunt, sanguinem edulcurare, aptumquè reddere ad nutritionem, & vasa lactea obstructa reserare ; Ideò lignata Chirurgia tanquam in nostro casu inutili, ac vana, teste doctissimo Ferrario in suis Respons. ; ad Pharmaciam gradum faciamus ; Commendarem ergò usum ocul. Cancr. pp. , Margar. pp. , Antieētici Poterj, & Gelatinæ C. C. cum Cons. roſar. recent. , cuius tantummodò usu hecticos sanatos referunt Authores qui de Praxi scripsere ; Postea ad lac configiendum Asinimum, ad xxx. dies assumendum cùm modico faccari fini pulverisati , quavis mane jejuno stōmacho ad pondus unciarum septem ; Horis autem postmeridianis conveniet Balneum aquæ dulcis ; cathartica verò fugienda sunt cane pejus , & angue ; Circà Dietam dēmūm , alimenta sint boni succi , & cruorem edulcurantia, ut juscula caponum , Vituli cum hordeo mundato ; Carnes paritèr Vituli , Caponis , Testudinis, Cancros fluviat. laudo ; Prò potu sit decoctum hordei cùm rad.

Chi.

Chinæ , & passulis , cùm emulsionibus 4.
semin major. frigid. , Animus sit tranquil-
lus , & letus , ex merore enīm , & tristitia
sæpiūs hæticam febrem productam se vi-
disse fatetur Jo: Dolēus in sua Encyclope-
dia Medica lib. 4. cap. 4. , sicquè Deo fa-
vente noster adolescens sanitatem recupe-
rabit , ut spero , & ex corde precor .

F I N I S.

I N D E X

**Rerum notabilium , tām in Adver-
sariis, quām in Consultationi-
bus Medicinalibus .**

A

- A**cademia undē dicta . Pag . 127 . , ejus di-
versanatura 128 . , Urbium diversarum
129 . , 130 . , a quo Inventa 187 .
- Æquinoctii primus observator 148 .
- Albus color quid significet 57 .
- Algæ Marinæ seminis inventor 147 .
- Alphabeti Italici incrementa 147 .
- Amor maniacos efficit Amantes 18 . 20 .
- Analecta quid essent 88 . , Servi dicebantur 88 .
- Apatistarum Academia 130 .
- Apoplexia . Ejus causa , & curatio 163 .
- Aprilis mensis undē dictus 43 .
- Aquam ponderandi inventor 153 .
- Aquila dimittebatur ex Rogo defuncti Impe-
ratoris 144 .

Ar.

- Arcadum Academia* 130.
Arisius Franciscus laudatus 104.
Armillarum inventor 147.
Arpiæ fabulose 146.
Asilorum usus, & inventio 148.
Astmatis causa, & curatio 185.
Ater color differt à nigro 52.
Atrocia facta non sunt in scenam inducenda 66.
Aucupii cum Accipitre inventor 147.
Augustus Mensis undē 46.

B

- B** *Arba virilitatis insigne. Pag. 1. 2. , non
est alenda a Clericis 2. , Jovi data 3. ,
Sacra diis 4. , per eam jurare 97.*
Baruffaldus Hieronymus laudatus 100. 136.
Bertinus Anton Franciscus commendatus 234.
Bianchi Jo: Baptista laudatus 225.
Bombardæ inventor 148.
Bombardinus Antonius laudatus 89.
Bombycum usus, & inventio 148.
Bononiensis Academia 129.
Bos est omnium Animalium utilissimus 33.

Buona mano di Natale 81.

C

- C**alculi albi, & nigri. Pag. 53.
Cameleon Planta, & Brutum 140., an
ex solo aere vivat 141., ejus colores 142.
Capiſtra erant vincula 114.
Cardialgiæ causa, & curatio 217.
Carminum beroicorum inventor 149.
Castum Cereris jejunium 17.
S. Catbarinæ Vigriæ solemnitas festivis lumini-
bus Ferrariæ celebrata 84.
Cataſta pro compede servili 115.
Catena vinculum 115.
Cedrinæ Mensæ 61.
Censorum munera varia 94.
Centauri fabulosi 146.
Cephalagia, ejus causa, & curatio 175.
Chartæ inventio 150.
Cborus in fabulis a quo inventus 151. (34.
Christiani veteres Serapidis Idolum metuebant
Christus Barbam gerebat 5.
Cibus quoties sumi debeat in die 21.

Cin-

- Cincinni apud quos in usu 6. 7. 11.
Ciniflones quinam 10. 11.
Cirri, & eorum usus 6. 7. 11.
Colores Niger, & Albus quid significant 53.
Comessatio pueris concessa 22.
Compedes vincula 115.
Concordium Academia 130.
Concubendi variis modis inventrix 147.
Consecrationes Imperatorum 143.
Conspicilla an sint idem ac ocularia 12. 13.
Convivia celebriora 30.
Cordis Palpitatio, causa, & curatio 204.
Corona e verbenis 136.
Corte Bartholomeus laudatus 202. (70.
Crescimbeni Jo: Marius cum laude nuncupatus
Crines unde dicti 8.
Crux olim poena ignominiosa, nunc gloriæ ve-
xillum 119. (49.
Cyatbi tot bibeantur quot literæ in nominibus

D

D Ecember mensis unde dictus 48.
Decimatio poena militaris 118.

De.

- Deunx poculi genus* 49.
Diarrhoeæ causa, & curatio 227.
Diei partes 137.
Dies atri 53. , *albi ibi, festi, & profesti, fasti, & nefasti* 138. 139. *prælianæ, atri, & alii* 139.
Dini Franciscus celebratus 69.
Dolor Iliacus, & ejus curatio 237.
Ductuum omenti inventor 148
Ductum salivalium inventor 148.
Dysenteriæ causa, & curatio 231.

E

- E** *Lleboro utebatur Zeno. Pag. 100.*
Epidromes erant funiculi 116.
Epigrammatis Italici inventor 152.
Equlei inventor 151.
Exorcismorum inventor 148.

F

- A** Fabra Aloysius laudatus Pag. 99.
Fabulæ Pastorali inventor 151.
Fantonus Jo: laude memoratus 153.
Fasti Kalendares à quo inventi 149.
Fauni fabulosi 146.
Febris malignæ curatio 241.
Februarius mensis undè dictus 42.
Feralia inventa ab Enea 152.
Ferrariensis Academia 130.
Ferrarius Jo: Paulus laudatus 248.
Fibula quid 84. , ejus significatio varia 85. ,
tria genera 85. , Gymnastica 86.
Fisiocriticorum Academia 130.
Flamini jurare non licebat 94.
Fumus Tabaci damnatus 100.
Furca, & Furcarum varia genera 112.
Furfurariorum Academia 130.
Fustigatio pœna militum 118.

Gaf.

G

G Aspari Hieronymus laudatus Pag. 183.
191.

Gelatorum Academia 130.

Genius unde dictus 75., Natalis Deus, &
Deus Naturę ibi, duo babebantur ibi, &
Loci 76.

Glandularum uretræ inventor 113.

Gryphi fabulosi 146.

Gygantes monstra 146.

H

H Annemarus Joann: Ludovicus laudatus
Pag. 113.

Hannibal delusus ab Oraculo Serapidis 33.

Harmoniæ inventor 148.

Hectica Febris, & ejus cura 246.

Herba Reginæ, seu Tabacus 98.

Hieroglyphica Egypt. inventa 151.

Homicida primus Cain 152.

Horæ

I N D E X. 257

- Horæ quodnam tempus* sint 107., *quot in die antiquitùs* 108., *Epigramma Martialis circa horas explicatum* 108. 109.
Horologia quando, & à quo inventa 110.,
Excitatoria, seu Svegliarini 111., *Solaria* 138.
Hospitalarius primus 153.
Hydræ fabulosæ 146.
Hymnorum inventor 149.
Hypochondriaca Melancolia, ejus causa, & curatio 190.

I

- J**abicorum inventor . Pag. 149.
Januarius mensis undè dictus 41.
Jejunium apud quos celebre 15., *diversorum specierum* 16.
Jentare est cibum antè prandium sumere 23.
Iliacus dolor, & ejus curatio 237.
Inaurium inventor 151.
Incognitorum Academia 130.
Infæcundorum Academia 130. [
Insanientes ob amorem 20. 21.

R

In-

Intercallandi menses inventor 152.

Intrepidorum Academia 130.

Julius mensis undē 45.

Junius mensis undē 44.

Jupiter barbatus 3.

Juramentum quid 90. *calumniæ sublatum* 91.

eius variæ formulæ 92. , *Christianorum*, &

Sacerdotum 96. 97. , *per barbam* 4. 6. ,

per Genium Principis 77.

L

L *Ac in mammis Virorum.* Pag. 112.

L *Lancisius Joannes Maria laudatus* 206.

Lara Nympha 77.

Lares erant Dii domestici 77.

Lazuli lapidis primus præparator 148.

Ledelius Samuel laudatus 159.

Lentulæ palustris seminis Inventor 147.

Leonardus Pistoriensis semper jejunabat 18.

Libationes a quo inventæ 150.

Lictores differunt a carnifice 89.

Lienis obstructionis curatio 224.

Locustæ quænam 104. , *An essent veræ Locustæ*

I N D E X. 259

- custæ illæ, quas commedebat D. Jo: Baptista* 105., *an verò herbæ* 106.
Lorum, seu Corrigia 115.
Lucernæ ad fenestras 81., *ob adventum Principis* 83., & *alia de causa festiva* 83.
Lucimetrum a quo inventum 150.

M

- M** *Affæus Scipio laudatus.* Pag. 72. 73.
Majus mensis undè dictus 43.
Mancia di Natale 81.
Mangettus Jo: Jacobus laudatus 102. 135.
Mania ejus causa, & curatio 208.
Martellus Petrus Jacobus laudatus 73.
Martis nivis inventor 150.
Martius mensis undè 43.
Medicarum institutionum nova idea 153.
Melancolia hypochondriaca, & ejus curatio 190.
Mensæ cedrinæ 61.
Menses Anni undè dicti 41.
Menses intercalandi inventio 152.
Mercurialis unctionis inventor 149.
Merenda quid sit, & damnata 23., ab ali-
 R 2 qui.

- quibus pro prandio sumitur* 24.
Meropes Tragædia March. Maffei 72.
Messanensis Academia 130.
Militares pœnæ 116.
Militaris disciplinæ inventor 153.
Minarum bellicarum inuentor 151.
Misticbellus Dominicus laudatus 165.
Molæ aquariæ inventor 150.
Monstra. Vide *Portenta.*
Morgagnus Jo: Baptista laudatus 153.
Mors scelesti hominis intùs accidat in Trage-
dijs 67. (69.)
Muratorius Ludovicus Antonius laudatus 64.
Muscipulæ Inventor 149.

N

- N** *Avigandi idustria quando inventa* Pag.
 143.
Nausea 213.
Neapolitana Academia 130.
Nestea celebritas 16.
Nevolus Rabula forensis celeberr. 26.
Niger differt ab atro 52.

Ni.

Nigra dies quænam 58.

Nigrisolus Franciscus Maria cum laude nun-
cupatus 147. 150. 215.

Notæ musicales à quo inventæ 150.

November Mensis undè dictus 47.

Nudipedalia festa antiq. 121.

Numa Pompil. Vota faciens jejunabat 16.

Numella vinculum 114.

Numismata sacra a quo inventa 151.

O

O *Belyscorum inventor Pag.* 153.

Obstruētio lienis 224.

Octavæ Rimæ inventa 149.

October mensis undè dictus 47.

Ocularia a quibus, & quando inventa 12. 153.

Odores . Vide Rosa.

Orationum judicialiū italicarum inventor 152.

Orbis nouus à quo inventus 149.

Organorum musicalium inventor 152.

Otho jurabat per barbam suam 4.

Ovorum in mulieribus inventor 147.

P

- P** Accbionus Antonius laudatus Pag. 150.
 Palpitatio cordis, & ejus cura 204.
 Panagron Rete Piscatorium 114.
 Paralysis, & ejus curatio 166.
 Parentalium inventor 152.
 Pascolus Alexander laudatus 203.
 Passar per le Baccette, pena militare 118.
 Patarolus Laurentius laudatus 108.
 Patavina Academia 129.
 Paulinus Christian. Franciscus laudatus 113.
 Pellicanus fabulosus 146.
 Penduli horologii inventor 152.
 Pericardii Ros cuius inventio fit 153.
 Perusina Academia 130.
 D. Petri Barba servatur in Gallia 6.
 Pbœnix fabulosa 146.
 Pisana Academia 129.
 Pleuritidis causa, & curatio 199.
 Pocula diversa 49., Fictilia, Eleætrina, aurea,
 & pretiosa 50., Murina, Vitrea, ex Cra-
 nio humano 51.

Pœnæ

- Pænæ militares variae 116.
Porca præcidanea 40.
Porcus . Vide Sues.
Portenta quid sint 145.
Presbyterorum juramenta 97.
Proterviam facere 88.
Pudicitia , & ejus dotes 131.
Pueri non coguntur jurare 97.
Pulvis Cyprius 8.
Pumiliones monstra 146.
Purpuræ inventio 152.

Q

Q Uintilis mensis idem ; ac Julius . Pag. 45.

R

- R Abulæ forenses Pag. 24.
Ramazzinus Bernardinus laudatus 158.
Recuperatorum Academia 130.
Reticula erant vincula 114.
Rhytmorum Italicorum inventor 149.

Romana Academia 130.

Romani antiqui fuere sobrii 29.

Rosa, & de illa quamplura 153., & seqq.

Rotarius Sebastianus laudatus 90.

S

Saccari lactis inventio Pag. 150.

Saccari conficiendi inventor 147. 148.

Soccus Pompejus laudatus 222.

Sacrificia nunquam sine sale 124.

Sal apud veteres in usu 123., in omnibus sacrificiis 124., ejus omina 125., sterilitatis symbolum 126., ideo effusus ad Urbes extirpandas ibi.

Salernitana Academia 130.

Salinum vas sacrum 124., ejus omina 125.

Salvinus Antonius Maria laudatus 100. 155.
156.

Sanguinis sputum, & ejus curatio 195.

Satyri fabulosi 146.

Senensis Academia 130.

September mensis unde 46.

Serapis Deus Ægyptius Apis 32., est Sol, &
pro

- pro Josepbo colebatur 34.
Sextans poculi genus 49.
Sextilis mensis Augustus 46.
Silentio Rosa dicata 154. 155.
Silvestrius Co: Camillus laudatus 35. 78.
Simbeni Jo: laudatus 245.
Singultus , & ejus curatio 220.
Sirenes fabulosæ 146.
Sobrietas ad vitam conservandam facit 28.
Sol est Serapis 32.
Spheræ inventio 153.
Sputum Sanguinis , & curatio 195.
Stemmata a quo inventa 149.
Stercorandi agros inventor 152.
Stolfinus Antonius laudatus 244.
Strenæ erant munera 79.80.
Strenæ Poeticæ 81.
Sub rosa quid significat 154 155.
Svegliarino . Vide Horologia.
Sues in Judea non nascuntur 36. , non nisi
mortui prosunt ibi , non comedebantur 37. ,
in Arabia non viuunt 38. , Veneri macta-
bantur 39.
Syderum cognitio inventa 152.
Sylvani fabulosi 146.

T

Tabaci inventio, & nomina. Pag. 98.;
& seqq.

Temperantia ad vite conservationem
facit 28.

Teraneus Laurentius laudatus 153.

Terenzonus Jo: Antonius laudatus 194.

Tertia Rima à quo inventa 149.

Tetrametri inventor 153.

Theatri inventor 149.

Ticinensis Academia 129.

Tintinabuli sacri inventor 151.

Togæ inventor 151.

Tondendi ritus varii 119.

Torneamenta à quo inventa 151.

Torti Franciscus laudatus 235.

Tozzi Lucas laudatus 211. 217. 221. 228.

Tragædia quid 64. debet impleri ærumnis 65:
quænam sit vitanda 66., quomodo apta ad
movendam pietatem 68., non debet esse sim-
plex, sed implexa 70., an melior sit læti,
vel mestri finis 70. 71., ejus partes 72., an
me-

I N D E X.

267

- metro ligata vel soluta oratione* 75.
Triens poculi genus 49
Trinitatis mysterium a Serapide assertum 35.
Tritones fabulosi 146.
Tubarum sonitus terminus convivii 60.
Turcae non habent Academias 128.
A Turre Philippus Episc. Adrien. cum laude nuncupatus 33. 75.
Tussis ejus causa, & curatio 180.
Typographia a quo inventa 150.

V

- V** *Vallisnerius Antonius laude cumulatus*.
Pag. 140. 147. 150.
Valsalva Antonius Maria laudatus 147
Valvularum in Vasis lymph. inventor 149.
Vasa lymphatica per cerebrum producta inventa 150.
Venas secandi inventor 152.
Ventilabrum ad abigendas muscas 144.
Verbena herba quot dotes babeat 134.
Vermium systemma nouum 150.
Vertigo, & ejus curatio 170.

Ve-

- Vestarium institutor* 152.
Vincula antiquorum 114.
Vita hominis in quinque ætates partitur 74.
Ultramarini coloris præparator 148.
Vomitus curatio 213.
Uretræ glandularum inventor 153.
Vulpinus Jo: Baptista laudatus 234.

X

- X** Enarcus Rhodius quarè dictus Metretes.
X Pag. 31.
Xenia pro strenis sumpta 80.
Xerxes amore Platani captus 18.

Z

- Z** Annicbellus Jo. Hieronymus laudatus .
Z Pag. 150. 193. 226. 244.
Zeni D. Petr. Cat. laudatus 127.
Zeno elleboro utebatur per nares 100.
Zenus Apostolus commendatus 41.
Zifferarum inventor 151.
Zonæ sonoræ a quo inventæ 147.

F I N I S.

Errata.

Corrige.

Pag.	3	l.	8	Prefat: <i>deliberare</i>	<i>delibare</i>
Pag.	6	l.	21	impulerunt	impulisse
	69		6	illud	illum
	20		8	<i>levadii</i>	<i>leucadii</i>
	34		25	Platone	Plutone
	191		14	sensum	sensuum
	228		7	comendo	comedendo









